

2.

**I**

THE UNIVERSITY OF CHICAGO  
LIBRARY

1911

~~(58. A. 58)~~

LVIII

A

9

BIBLIOTECA NAZ.

Vittorio Emanuele III

LVIII

A

9

NAPOLI







IVSTI LIPSI  
DE MAGISTRATIBVS  
VETERIS POPVLI ROMANI  
ET DE VETERI SCRIPTVRA  
Latinorum libelli  
posthumi:

VIII

*Quibus in Gallorum gratiam additi VIN-  
CENTII LYPANI de omnibus  
Francorum magistratibus  
Libri duo.*



TURNON  
Apud CLAVDVM MICHAELVM  
Typograph. Vniuersitatis. 1612.





NOBILISSIMO,  
CLARISSIMOQVE  
VIRO, D. CLAVDIO  
D'EXPILLI, Regio in Curia  
Grationopolitana Aduocato.



*VI tuam intuenda ma-  
gistratus authoritate sa-  
pientiam, qui in rerum  
antiquarum cognitione  
eruditionem, qui in doctōrum homi-  
num monumentis è situ, & puluere  
eruendis non vulgarem diligentiam  
exploratam habuerit; mirari desinet,*

## EPISTOLA.

cur de magistratibus, tum Romanis, tū Gallicis; libelli duo omnigena eruditione referti, à doctissimis viris elucubratī, sed parum Gallis familiares, te potissimum adire præoptarint, ut eos à genuino inuidiæ dente vindicares. Te assertorem ocellus charitum, musarum corculum, magnum sæculi nostri ornamentum Iustus Lipsius per posthumā hanc prolem quærit: te Parisiensis Curiæ eximium decus Vincentius Lupanus sibi vindicem, & patronum deligit: ille Romanæ Reip. amplitudinem, hic Gallicæ maiestatem, oculis subiiciet intuendam. Quæ à nobis in unum eo animo sunt coagmentata, ut ex hac cōtentione maior Gallorum dignitas efflorescat, qui in magistratibus constituerendis antiquis illis minimè concesserunt.

runt: cum enim ille Iusti Lipsij libellus in meas manus nuper incidisset, & ab ipso authore, quem orbis suspicit universus, & ab opere, quod Iuventuti (cuius emolumentis omnis nostra sudat industria) imprimis utile, magnam tulit commendationem: id unum egre me habebat plura non esse ad manum exemplaria, multorum ut cupiditati facerem satis. Re igitur cum amicis communicata, id ut prælo subicerem authores fuerant; ita tamen ut non pœnitenda ad ipsum fieret accessio; duorum scilicet libellorum de Francorū Magistratibus, tum Paludatis, tum togatis, qui à Vincentio Lupano iampridem magna cum cura elaborati, sed temporum iniuria propemodum ex hominū memoria erant oblitterati: neque enim

## EPISTOLA.

eorum vnquam institutum probaui,  
 qui ita in externorum ritibus perscru-  
 tandis inuigilant, vt domesticos licet  
 illustriores respuant, audiāt saltem illi  
 tritū vulgi ore prouerbiū: Spartam  
 tuam exorna. Quod vt præstet noster  
 hic hortatur labor, qui si alicui erit non  
 iniucundus tua V. C. faciet authoritas.  
 Te enim in tuo foro iudicem appellant,  
 amplissimum nempe magistratum ge-  
 rentem, duo de magistratibus libri, ab  
 eo Gallie nostræ communicati, qui cor-  
 de & animo tibi est addictissimus  
 cliens.

Guillelmus Linoccrius.

Anagrammatismus.

IUSTVS LIPSIVS.

PIVS STILI VSVS.

**N**on te sola Themis decorat, non sola So-  
phia,

Sola nec Aoniis Pallas amata viris.

Sed magè te Pietas calo gratissima, LIPSI,

Et sincera beat cum Pietate Fides.

Hinc mentisq; STILIq; tibi PIVS VSVS;  
& alma

Virginis hinc scriptis facta stupenda tuis

Excipis, & calamo tradis memoranda fideli,

Quæ vigiles Hallæ, Collis & asper habent.

Iurè igitur superâ Diuorum sede receptum,

Te lateri Virgo iungier alma cupit.

Laurentius Beyerlinck.

Antwerp.



Alius.

IVSTVS LIPSIVS.

IPSVS 'ST LIVIVS.

**L**IVIVS IPSVS eram, sed littera de-  
fuit una,

Heu nimis atroci littera rapta manu!

Nam rosei primas ut carpssi luminis auras,

E mihi surripuit de tribus una soror:

De tribus una soror, furvâ quæ nocte creatæ

Ducunt barbatâ noxia fila colo.

Surpuit heu! & certa fides: Eroſtia namq;

Inde fuit puero durâque diua ſeni.

Illa meum limen ter deſpuit, illa penales

Sardoi duxit ſideris eſſe meos.

At ſatus Iapeto, ſi de meliore metallo

Finxiſſet fabrâ Lipſia membra manu,

Si melior ſanguis fuerat, ſi longior atas,

Nec mors Pegæo tam properata gradu;

Quod mea ſcripta docent, Muſeâq; turba  
fatetur,

Ipſe adeo Linor; LIVIVS IPSVS eram.

Franciſcus SVEERTIUS F.





ERYCI PVTEANI  
IN  
IVSTVM LIPSIVM  
PIETAS,  
BREVI NENIA  
expressa.

**L**ÆTAM, Musa, Lyram doloris vdo  
Conde murmure: Tibiámque prome  
Aptam lugubribus Sacris, modisq̃.  
Lese PIETAS obire mentis.  
Suadet officium, FIDES QVE suadet,  
Mœstâ Voce, Stilóque. nam suetas  
Odit delicias Loquela; amatas  
Odit delicias Tabella, & agris  
Urgetur lacrymis. nec est Tabella  
Bella hæc, aut lepida: at Feraliorum

*Atrâ imagine vulnus, atque funus  
Refert, heu! miserum atque luctuosum.  
IVSTVS LIPSIVS occidit, virorum  
Ille Maximus Optimûsque; Musa,  
Et Suada, & Sophia decus vetusta;  
Ille MORIVS inclytus VETVSTIS:  
Orbum lumine qui reliquit orbem,  
Orbum numine qui reliquit orbem.  
Lumen nam fuit ille Litterarum,  
Numen & fuit ille Litterarum:  
Ipse, Musa, Minerva, Suada, Apollo.  
Heu! THALESQUE meus, Paterq; sancto  
Doctrinæ melioris institutio.  
Duram heu præcipitis necessitatem  
Fati! quæ violenter avertit  
Carpit exuvias Viri Deiq;  
Carpit exuvias mei THALETIS.  
Quis desiderio pudor modûsve  
Tam cari capitis, Viri Deique,  
Tam cari capitis, mei THALETIS?  
Largo proluitur dolore pectus,  
Largo proluitur dolore cera;*

*Et*

Et sulcos tremuli stili frequentes  
Pressi stilla animi replent, PIVM QVE  
Laborem violant. Quid ergò? cesso :  
Nec totum Tabula hauriet dolorem.  
Vos mecum querulam mei SODALES  
Vocem fundite, quotquot estis, omnes :  
IVSTVS LIPSIVS occidit, virorum  
Ille maximus Optimusque, Músa,  
Et suada, & Sophia decus vetusta.

Ad



Ad Maximum Æmilianum  
Vriendtium

De Morte C. V. IUSTI LIPSI.

**E**Cquis, MAXIME, quis modus doloris  
Quis finis lacrymis Simonideis?  
Quæ torrentibus ambulant per ora  
Insolabiliter, caduntque guttis  
(Heu) vagrandibus ac perennè densis.  
Busta LIPSIA, LIPSIOS amores  
Vsque & vsque sonas; & vsque & vsque  
Ocellos nebulas, & inquieta  
Longo pectora concoquis dolore:  
Mox defioculúsque lacrumando,  
Et defianimus dolendo fies.  
Quare desine, quaso, lacrymarum;  
Ecquid te teris, ecquid eme dullas?

Iuit LIPSIVS, ibimúsque cuncti.

*Si probus fuit, & fuit pudicus,  
Nec vanus Heliconidum Sacerdos,  
[Sed probus fuit, & fuit pudicus  
Et sanctus Heliconidum Sacerdos]  
Iam nunc sidera calcas, & superbum  
Felix sub pedibus teris Olympum.  
Quare sit modus improbo dolori,  
Et iustas lacryma audiant habenas;*

Iuit LIPSIVS, ibimúsque cuncti,  
Mori Christicolis piis, probisque,  
Non est, crede, perire, sed præire.

B. B.



Ad eundem Maximum Vriendtium  
de Cl. V. IVSVI LIPSI  
scriptis.

**I**VSTORVM amantur LIPSANA  
*Si busta quæ fallunt nigra:*  
Nos IVSTI amemus LIPSANA  
*Post fata quæ liquet sua.*  
Sed LIPSII quæ LIPSANA?  
*Chartæ diserta, MAXIME,*  
*Chartæ elegantes, masculo, &*  
*Chilonio scriptæ stylo,*  
*Zenoniôque pectore;*  
*Nec inficetæ ceu Bauî,*  
*Aut caprimulgi Menij,*  
*Sed vel Maronis auribus*  
*Vel Tullio digna legi,*

Graio

Graio salino, & Italis  
Tincta affatim leporibus:  
Quas docta Carmentis suas  
Non nòlit, & Plato suas;  
Quas cana pennipes Annus  
Dea Centilinguis predicat  
Post era victuras diu,  
Libanitidésque post cedros.  
I nunc maligne LIVOR, i,  
Vbi era fulua triueris,  
Durásque roseris cedros,  
Tum LIPSIVM rodas licet.

B B.

-----  
-----  
IN LVCIFVGAM pios Magni L I P S I  
MANES impiè sollicitantem.

**Q**U I placidos audes Manes incessere  
L I P S I

Inq<sup>3</sup> sacras umbras impius arma moues:  
Cur quoq<sup>3</sup> nō audes scelerate tuū edere nomē?

Tutus an à Furiis sic abijsse putas?

Falleris, Fumenides sua habent oculata fla-  
gella,

Effugere improbitas que nocua vlla nequit.

Quin & Pieridum, Sophiaq<sup>3</sup> sagacis alumni,

Quamlibet ignotū turbinis instar agent,  
Indicentq<sup>3</sup> tibi fido sub nomine bellum;

Quale ego, cui (fungus sim licet) Ibis eris.

Nempe suum Diris deuouit ut Ibida Naso:

Sic mihi tu Stygiis sis sacer usque Deis.

Ius laude coronat.





IVSTI LIPSI DE  
MAGISTRATIBVS.  
VETERIS POPVLI  
Romani.

CAPVT. I.

DIVISIO HONORVM.

*quid Dignitas propriè, Potestas,*

*Magistratus. Etymon*

*nominis.*

**D**E Magistratibus dicturus, vt id  
dilucidè & composité possim,  
*de honore, eiusque discrimine,*  
quædam libabo. *Honorem* heïc publicum  
intellego: quem *ius* definitio, *titulumq;* su-  
pra cæteros, *legè aut more concessum.* Is du-

plex; *Diuius*, aut *humanus*. *Diuius*, qui ad superum, cælestemque cultum pertinet: cui *pietas & religio* finis. Quo in genere *Sacerdotes*. *Humanus*, qui curam administrationemque tangit rerum humanarum: cui *salus & utilitas publica* finis. Quo in genere multa censentur: *Dignitas, Potestas, Magistratus*. *Dignitatē* appello, auctoritatem in suadendo, cōsulendo, decernendo; qualis *Senatorum & Iudicum: Potestatem*, ius legitimum regendi, iubendi que extra urbem & eius fines, ut sunt *Imperia & Presidatus: Magistratum*, simile ius, sed in vrbe ipsa. Hi limites & diuisio ex veterum mente & vsu: etsi misceri interdum scio, & omnem ferè honorem venire in nomē *Magistratus*. Ita Aristoteles largè & laxè ἀρχὰς definit lib. 4. πολιτικῶν: ὅσαι δὲ ποδεδόται βελεύσασθαι περὶ τῶν κοινῶν, & κρίναι, καὶ ἐπιτάξαι, καὶ μάλιστα αὐτῷ: etsi postrema parte iterum adstringens. Et latini etiam

Scri-

Scriptores confundunt, qui *Pro-consules & Rectores Provinciarum* Magistratus passim appellant. Nomen Magistratus à magistro dictum. *Magister* autem, cui magis cæteris potestas. Festus in voce, *Magister*. Olim *Prætores* dicti videntur ab eo, quod ceteris honore præirent. Ita *Consul* *Prætor* dictus: & in prisca lege apud *Liuium* lib. 7. *Prætor maximus clauum pangit*. Itaque non absurdè *Varro* lib. 4: De lingua latina, qui natum Magistratus nomen incidat post *Dictaturam* & *Magisterium* equitum. *Reliqui*, inquit, quòd minores, quàm magistri, dicti magistratus, ut ab albo albatus.

---

DE VARIA DIVISIONE Magistratuum.

CAPVT II.

**M**AGISTRATVVM autem genera & discrimina plura. Aut enim

4 DE MAGISTRATIBVS  
à temporibus diuiduntur : vt ordinarij, ex-  
traordinarij. Illi dicti, qui statis temporibus  
& semper in Rep. essent, vt Consules,  
Praetores, Aediles, Tribuni, Quaestores. Hi,  
qui nec eodem tēpore, nec semper, vt,  
Dictatores, Censores, & Interreges. Aut à per-  
sonis discriminantur : vt Patritij, Plebeij,  
Mixti. E quibus primi dicti, quò solis  
patritiis patent: vt Interregnū. Alteri, qui  
soli plebi: vt Tribunatus plebis. Postremi,  
qui cuique ordini: vt ceteri omnes. Aut à  
qualitate agnominantur: vt maiores & mi-  
nores. Idq; sensu duplici. Aut enim maio-  
res minorésue magistratus dicuntur, qui  
auspicia maiora minorave habent: de  
quibus Agellius lib. 13. cap. 14. aut quo-  
rum potestas imperiūve maius minūs  
ve. Aut denique distinguntur ab insigni-  
bus, in Curules & non Curules. Curules, qui-  
bus ius est Sellæ: vt Dictator, Consul, Cen-  
sor, Praetor, AEdilis Curulis. Non Curules,  
quibus minimè: vt ceteri omnes.

DE IIS, QUI APTI AD  
QVOSQVE MAGISTRATVS:

& series temporum, qua paulatim  
plebei ad omnes magistra-  
tus admissi.

### CAPVT III.

**D**IVISIONI non ineptè iungam  
de iis, qui apti ad quemque magi-  
stratum. *Aptitudo* autem duplex: à gente,  
& ab annis. A gente olim maximè, quod  
solos *Patritios* admittebāt ad magistra-  
tum. A Romulo id institutum, qui, au-  
thore Dionysio, sanxit: τὰς εὐπατρίδας ἐ-  
πίουσι καὶ ἀρχαὶν καὶ δικάζειν. Cui tamen  
legi in libertate non diu locus. Nam sta-  
tim an. 16. post Reges exactos violari  
cæpta, cum nouus Magistratus è plebe  
creatus, hoc est, *Tribunus*, & paulatim  
carpsere eam Tribuni & plebs: donec  
corrui tota series & ordo iste *Primum*

*Quæstores* è plebe creati, anno Urbis 341. *Liuius* lib. 4. Inde *Tribuni militum*, *Consulari* potestate, anno 353. Nèc diu pòst *Consules* ipsi, anno 388. Tum *Ædiles Cures*, anno vno pòst : de quibus conuenerat. (ait *Liuius* lib. 7.) *vt alternis è Plebe crearentur*: postea promiscuum fuit. Inde ad caput ipsum magistratum transgressi, *Dictatorem* è plebe creauerunt, anno 348. et si *Magister equitum* iam antè plebeius fuerat, anno 385. Denique *Censuram* etiã fecerunt communem, anno 404. eodem illo plebeio Censore, qui & *Dictator*, Postremò, ne quid intactum aut inaccessum plebi, *Prætura* iis communicata, anno 417. Ita sola *Interregia potestas* apud *Patres* mansit; ymbra potiùs, quam verus Magistratus.

DE APTITVDINE AB  
ANNIS: ET QVANDO AN-  
nalis lex lata.

CAPVT IV.

**A**T aptitudo altera ab Annis: quam  
vtiliter sanxerunt, etsi tardè. Nam  
apud maiores (inquit Tacitus lib. 11.) vir-  
tutis premium id erat, cunctisq<sup>3</sup> civium, si bo-  
nis artibus fiderent, licitum petere Magistra-  
tus: ac ne etas quidem distinguebatur, quin  
præmainuenta Consulatu & Dictaturas ini-  
rent. Sed mutatum id anno V.C. 573. cū  
re ipsa docti viderent, modum aliquem  
& limitem constituendum ambitioni  
& calori iuuenili. Itaque tum primum  
(verba Liuij li. 40.) rogatio lata ab L. Iulio  
Tribuno pl. quot annos nati quemque magi-  
stratum peterent, caperentque. Inde cogno-  
men familiæ inditum, vt *Annales* appel-  
larentur. Dixi, ab Lucio Iulio: & ita libri.



At Iulios etiam plebeios fuisse scimus, Antonio Augustino docente in lib. De familiis Romanis. Tamen alij Villium hęc in Liuiο malunt, itemque in Cicerone, libro 8 Epist. Sed hoc leue: Magis nō torquet de tempore latę legis, quod Liuius tam disertē scripsit, inquiens: *Tū primum. Quod tamen idē ille euersum* it, lib. 25. vbi de Scipione Africano multis ante Iuliam legē annis scribit: *Huic a dilitatem petenti cum obsisterent Tribuni, negantes rationem ei habendam, quod nondum ad petendum legitima esset.* Ait legitimam ætatem ei non fuisse. Quid ergo clarius, quàm etiam tunc latā de ætate? Et profectō, aut per errorem confusioneque nominis & hominis, id scripsit Liuius, Scipioni Africano tribuens, quod Æmiliano postea euenerat (de quo Appianū in Libycis vide, & Valerium Maximum lib. 8.) aut fateamur necessum est, parum cautē scriptum esse  
in



in loco altero, *latum à Julio primum*. Et fortassè per partes iam antè de quibusdam magistratibus ferri captum, quæ omnia lex Iulia iunctim complexa erat: ceteras velut aboleuit. Hæc inuat aliquid Cicero, qui leges Annales multitudinis nomine appellauit, Philippica V. *Legibus annalibus* (inquit) *cum grandior em etatem ad Consulatum constituabant, temeritatem adolescentiæ vercebantur*. Et Oui. 5. Fast.

————— *fnit à que certis*

*Legibus est etas, unde petatur honos.*

Hæc lex alio nomine *Annaria* dicta. Festus in ea voce; & Lampridius in. Cōmodo: *gratia annaria legis impetrata Consul est factus*. Dicta etiam est magis nouè *Comitialis*, à Latino Pacato in laudatione Theodosij; scilicet, quia modum frenumque Comitii daret.

---

MAGIS DISTINCTE DE  
ea lege: & qui anni cuique magistra-  
tui legitimi.

CAPVT V.

SEd quæ ætas propriè definita hac le-  
ge cuique Magistratui fuerit, iure  
quæram nec facilè inueniam. Tenebro-  
sus enim locus, & in quo cum nihil aut  
parum expressi sit: lustramus eū per an-  
cipites cōiecturas. Atque vt à *Quæstura*  
ordiar, adeò de ætate eius nihil certum,  
vt sint viri magni, qui eā prorsus tollant  
Dux iis Paulus Manutius, qui negat  
*Quæsturæ*, *Tribunatui*, *Ædilitati* plebis  
definitam illam ætatem: legemque An-  
nalem spectasse tantum ad *Curules* Ma-  
gistratus. Parùm verè. *Quæsturæ* enim  
clarissimè *Quintilianus* certum annū  
attribuit libro 12. *Caluus*, *Cæsar*, *Poll'o*,  
multò ante *Quæstoriam ætatem*, grauissima  
indi-

*iudicia suscepunt.* Spartianus in Iuliano:  
*Quæstor ante annum, quem legitima ætas*  
*finiebat, designatus est.* Tacitus III. Annal.  
Ut quinquennio maturius quàm per leges,  
*Quæsturam peteret.* Suetonius item in  
Caligula, cap. i. Plutarchus in Catone  
Uticensi. Quem annum Nicolaus  
Grouchius xxvii. fuisse vult: ego (ut ar-  
bitror) firmitus, xxv. Argumentor pri-  
mum à rationibus: quia tunc compleri  
virilem vigorem constat, ut ait Ulpian.  
l. i. ff. de minor. Ideoque iure apti cen-  
sentur ad res politicas & priuatas. II.  
Ab auctoritate: quod Dio Cassius Sena-  
toriam ætatem xxv. anno definit. At  
Quæstura primus gradus in Senatum,  
Adde l. 2. de minoribus: quæ subtilius  
considerata adstruit hoc æuum. Deni-  
que argumentor etiam ab exemplis:  
quoniam reperio Tiberium Gracchum  
intra tricesimum extinctum, & eun-  
dem tamen Quæstorem fuisse, C. Man-  
cino

cino Cos. circiter quadriennio ante mortem: Gesserit ergo Quæsturam necesse est, anno xxv. Lego & Tyberium Cæsarem Quæstorem designatū vnde vigesimo ætatis anno. Patercul. lib. 2. Ac creatus est quinquennio maturius, quā per leges. Tacit. 3. Annal. Dio. lib. 35. Ergo fas, petere Quæsturam xxiv. anno, & xxv. gerere. Sed nodus hæc aliquis in Polybij loco, lib. 6. negantis vllū vrbani magistratum capi fas fuisse ab eo, qui non decem annos militasset. Militare autem Romani xvii. demum anno incipiebant. Non ergo prius pertinere poterat ad Quæsturam.

Dupliciter hoc soluo. Primò, vix credibile esse, omninò ratam ac firmam in Repub. fuisse legem Polybianam illam siue morem. Quis enim præterea meminisset? Et tamen vt fuerit, capiendā non de militiā coactā, vt ex dilectu, sed volūtarīā. Nam quòd Gracchus xvii. annū militiæ

litie finit, id ab ea mēte est, vt nemo inuitus legi in militē debuerit ante id tēpus. Sed nihil tamen impedit, nobiles & eos qui alebantur in spem honorū, militiæ & castris iam antè interfuisse: qui morem immò habuerūt, vt statim à togâ purâ, hoc est, virili, militiam auspicarentur: idq; in contubernio & velut custodiâ viri alicuius illustris. Velle ius de Pompeio id tradit lib. 2. Liuius de Scipione Africano libro 22. & passim exēpla. De Quæsturâ vltâ non inuenio.

*De Tribunatu & AEdilitate videamus: quarum anno volunt item (frustra) incertos. Quæ enim ratio est, vt Quæsturæ, quæ minor est Magistratus, sua ætas fuerit; nulla maioribus istis? Immo fuit. Et de AEdilitate clarè Latinus Patatus: Annorum (inquit) ita cura fuit maioribus, vt non solum in amplissimis Magistratibus adipiscendis, sed in Preturis & AEdilitaribus capassendis ætas sit spectata pe-*

*ta petitorum: nec quisquam tantum valuerit nobilitate, vel genere, qui annos Comitiali lege præscriptos destinatis honoribus occupauit. Et quamquam firmi admodum aut fixi nihil reperi: tamen attribuiam fidenter Tribunatui, siue Ædilitati, annum 27. aut 28. Certè quidẽ annum xxx. includã, quòd is Præturæ fuit, vt dicam. Atq; hoc de vtraq; Ædilitate sentio: etsi in Curuli valdè à nobis dissentiant viri docti. Annũ enim ei xxxvi. definiunt, quod miremur. Cur enim probabile, tantum otiosi interualli fuisse inter Quæsturam & Ædilitatem? Ciceronis locus, qui eos omni hac re extraiam eiecit, nõ me mouet. Nam cum pro L. Maniliã scribit: *Quid tam singulare, quàm vt ex Senatusconsulto legibus solutus Consul antè fuerit, quàm vllum alium magistratum per leges capere licuisset?* non ego sanè ad ætatem retulerim, sed ad ordinem & modum. Si enim*

de

de ætate, & hoc Cicero vult, eo anno factum Pompeium Consulem, quo per Annales nullum magistratum capere ei fas: sequitur vt ante xxxiv. annum (nam eo ævo factus Pompeius Consul, ex Apiano) locus etiam non fuerit Quæsturæ, aut Tribunatui: quod vanum. Sed intellegit, inquiunt, Curulem magistratum. Quis dicit? Nec adhæream ego tam infirmæ coniecturæ. Verius omninò est, mentem Tullij hanc esse: Pompejum factum Consulem, cùm nec illum, nec alium magistratum capere posset: vel quòd nò legitimè professus; vel potius, quia Eques adhuc Romanus, & nondum Quæstor. *Lex* autem *Cornelia* trāsire ad vllum magistratum vetuit, Quæsturâ nò gestâ. Minus verò me turbat, quòd exempla adferant eorum, qui gesserint Ædilitatem post xxx. annum, Ridiculum. Scimus enim nullam legem annalem vetuisse, ne quis post legiti-



gitimum annum peteret, gereret: sed ne ante eum. Itaque Consules etiam & Prætores multi facti anno L. & post illum. Eaverissima ratio. Deniq; pauci festinabant ad hos minores magistratus: quòd celeritatis eius modicus fructus; & grande nihilominus spatium intererat ad Consulatum, id est, ad honorum metam. *Prætura* nunc sequitur, cui annū tribuunt xxxix. petendæ, xl. gerendæ: haud alio argumento freti, quàm illo de biennij interuallo. Itaque iure ambigo. Nam Dio. Cassius annum xxx. Præturæ dat, lib. 32. *Quæsturâ functi & Ædilitate, siue Tribunatu, Præturam accipiant tricenarij.* Sed excusabunt, quòd id sub Principibus, quos legem Annalem laxasse non nego. Sed quid tamen de M. Bruti factò dicent, quem Prætorem reperio anno ætatis xxxv. Nam vixit in vniuersum (vt Vellejus tradidit) annos xxxvij. atq; biennio ante mortem eū Præturam  
ges-



gessisse cum Cassio, satis constat: & nisi Bruti ingenium me fallit, iuxta leges. Itaque ad hunc annum Præturæ finientum labar non inuitus.

*Consulatus* reliquus est, cuius ætas extra omnem litem. Cicero enim clarè nimis firmat Philip. V. *Quid Alexander Macedo? qui cum ab ineunte ætate res maximas gerere cepisset, tertio & trigesimo ætatis anno mortem obiit: quæ ætas nostris legibus 10. annis minor, quam Consularis.* Est ergo Consularis annus, si arctè Ciceronis verba capis, xliij. siue xliij. si benignè & magis ex vero. Satis enim fuit attigisse xliij. annum: ut docent exempla crebra. Grauis ergo ista ætas; quippe in Imperio & Magistratu gravissimo: quam tamen adeò mutato Reip. statu Principes neglexere, ut Dolabellâ Cōsulem Cæsar creârit annos natū xxv. & postea etiâ aliqui vicenarij facti, ex l. v. nica, de officio Cōsulum, & l. 20. de ma-

18 DE MAGISTRATIBVS  
numissis. Quâ licentiâ in omni alio ma-  
gistratu Principes pro arbitrio vſos,  
moneo ſemel.

De ordinariis Magistratibus dixi: Ex-  
traordinarij ſuperſunt: qui tamen, nescio,  
an lege comprehenſi, etſi de *Dictore*, &  
*Cenſore* non difficile iudicium eſt: quia  
creati plerûmque è Cõſularibus, more  
tamen potiùs, quàm lege. Sed & *Inter-  
rex* plerûq; ex honoratiſſimis Senatus.

---

*ANNALEM LEGEM ETIAM*  
*in prouinciis aliquam fuiſſe: item Ro-*  
*mæ in Senatu & Equite: & alie*  
*quadam L. L. quæ huc*  
*referuntur.*

C A P V T VI.

**H**Æc utilis illa, & ſalutaris lex An-  
naria, cui locus etiam in *Municipiis*  
&

& *Coloniis*, etsi annorum aliquâ diversitate: quam in parte haurire est ex Plin. lib. 10. Epist. ad Trajanum. Sed & ætas Romæ spectata etiâ in *Senatu* sub Principibus. Ideoq; *Senatoria ætas* Tacito nominata lib. 15. Annal. *Vinianus Annii* gener *Corbulonis*, nondum *Senatoria ætate*. Immo & in Equite. Definit Dio utramque *Allegere*, inquit, *in equestrem ordinem oportet annos natos 18. In Senatum, natos 25.* Quod Romani videntur à Græcis sumpsisse, cum apud Athenienses fuerit *ἡλικία βουλευτική*. Et apud Spartanas lege *Lycurgi* in *Senatum* nulli aditus, nisi sexagenario. Addo breuiter, & adtexo leges Annali haut dissimiles, quæ de ordine magistratuum cauebant, aut intervallo: ut fuit *Lex Cornelia*, quæ veruit *Præturam* ante *Quæsturam*, & *Consulatum* ante *Præturam*. Appianus lib. 1. *Civil.* Quod ipsum tamen etiam in morem antiquis fuisse *Liuius* ostendit, lib.

21. de Consulatu Flamini. Item *Lex prisca de intervallo*, quæ vetuit magistratum eundem iterare, nisi decennij intervallo intercesserit. Liu. lib. 7. sub finem. Quæ cum negligeretur à Sullâ Dictatore, ut commemorat idem Appianus, relata est. Sed sic quoque sapius spreta: cum mos inualuisset, ut homines gratiosi legibus per Senatum aut Populum soluerentur.

---

DE CONSVLIBVS NOMINA  
*eorum, Institutio, Potestas,  
 & Munia.*

CAPVT VII.

Sed vniuersè de Magistratibus satis dixi: quemadmodum quæ ad Comitæ, & quæ ad Renuntiationem spectant, aliis scripta. Nunc distinctè explicabo singu-

singulos, initio ab eo magistratu facto, qui initium cæteris; quæ triplici nomine appellarunt: *Pratorem, Iudicem, Consulem*. Cicero benè recensuit: illique à præeundo, iudicando, consulendo, *Prætores, Iudices, Cōsules* appellantur: benè, inquam, & ordine. Nam primò *Prætores* dicti; quod nomen, etsi commune omnibus imperiis, tamen velut per excellentiam adhasit istis. Festus: *Initio Prætores erant, qui nunc Consules*. Iustin. Nouell. 24. & 25. *Est enim, inquit, Prætoris nomen Rom. Imperij proprium: & ante ipsos etiam Cōsules, in veteri atque præclara Reipublicæ constitutione usurpatum*. In 12. tabb. exemplum eius vocis reperio cū: iubent (apud Plin. lib. 18. c. 3.) *Impubem Prætoris arbitrato verberare*, hoc est, *Consulis*: quoniam tūc certè nondum creatus *Prætor*. Itaque Liu. lib. 3. anno ipso post 12. tabb. scriptas inquit: *His temporibus nondum Consulem, iudicem; sed*

*Pratorem appellari mos fuit. Nec falsò à Zonarâ traditum. Prætoris nomen mansisse usque ad Decem viros: iisque exactis, Consulis nomen demum irrepsisse. Et si mallet dixisset, Iudicis: quod ex Liuiio antiquius sanè est Consulatu. Dicitur autem Iudices, à præcipio munere: quòd ut olim iudicia omnia in manu Regum; sic postea Coss. fuisse, donec translata eam in parte ad Prætores. Exemplum huius appellationis in priscis commentariis est apud Varronem s. de ling. lat. Omnes Quirites visite huc ad Iudices. Id nomen antiquatum & abolitum demum crediderim post Prætores, hoc est, proprios iudices creatos; & tunc inualuisse nomen Consulis: de cuius etymo varia opinio, nec inscita. Sunt qui à fine deriuent: quia eius est consulere & providere ciuibus. Sunt qui ab officio: quòd consulit, hoc est, rogat Senatum. Sunt qui à iudicando interpretentur: quod*

in

in solo tantum Quintiliano mihi lectum.  
*Sane Consul, inquit, à consulendo, an iudicando. Nam, & hoc consulere veteres vocauerunt. Unde remanet illud: Rogat bene consulas hoc est, iudices.*

E quo triplici etymo primum popularius, tertium subtilius, medium verius censeam: quia adeò proprium Consulis interrogare, & referre ad Senatum, ut Liuius scripserit: *partem eius magis exquirenda, quam danda sententia esse.* Immo obseruo, Consulendi verbum proprium in hac notione & solemne Curia fuisse Spartianus me docuit in xxx. Tyrannis: *Tum Aurelius Tuscus Consularis, prima sententia ait Consuli, consule; quumque consultus esset, diuinos, inquit, honores Pisoni decerno.* Sed de nominibus abundè: Institutionem videamus, quæ non obscura. Instituti enim statim post Reges exactos, An. V. C. 244. Causa creandi, utilitas: quoniam, cum sine Rege



essent, & capite, fluctuanti illic corpori opus fuit, qui dirigeret, & gubernaret. Sed duo ideo, vt nouam libertatem non committerent periculosè vni; & diuiso imperio, si alter malus esse uoluisset, (vt inquit Eutropius) alter eū, habens potestatem similem, coereret. Quā causā tempus imperij breue datum, & annuū tantum: ne diuturnitate insolescerent; & ciuiles semper essent, (ait idem Eutropius) qui se post annum scirent Priuatos esse futuros. Florus eleganter & acutè vtramq; causam complectitur. *Ex perpetuo, inquit, Imperio annuū placuit, ex singulari duplex: ne potestas solitudine, vel more corrūperetur.* Loco igitur Regum creati, & quidē cum plenorum iure. Itaque *Regium imperium* Cic. 3. de legibus, non iniuste appellat: *Regiam potestatem*, Liuius: *Fastigium dignitatum*, Cassiodorus: & Ouid. lib. 4. de Ponto, Eleg. 9.

---- *nullum Martia summo*

*Alius imperium, Consule, Roma videt.*

Quâ de causâ Græci, Consules non tam προβέλλες, aut συμβέλλες verterunt, vim verbi intuentes: sed potius ὑπάτες, q. d. summos, vim intuētes imperij, & potestatis: quemadmodum, quod præcellens & summum est, prisca Græci appellabāt ὑπατον, inquit Dionysius lib. 4. Et sanè vis omnis, & liberrimū imperium initio apud illos; pacem bellūve facere, fœdera ferire, coërcere, animadvertere ius vitæ necisq̃ue in ciues habere: donec paullatim imminuta est, & redacta ad eum modum, qui grauis libertati nō esset. *Imminuta* autem præcipuè duplici viâ; *pronocationis*, & *intercessionis*. *Pronocatio* statim post Reges nata, ex lege *Valeriâ*: quæ animaduersiones in ciues sustulit, & imperium Consulare non obscurè dissoluit. Non enim ultra vitæ, & necis potestas penès Consules:

cum prouocare ad Populum, velut maiorem iudicem, liceret. At *Intercessio*, quæ nata cum Tribunis, arbitrium pacis, belli, & grauiorum rerum, Consulibus eripuit: quoniã intercedere & impedire omnes consulares actiones poterat, velut Populi voce. Cuius sanè Populi vis ac dignitas magis magisque creuit, (vtiq; post *Hortensiam legem*) & imperium sumpsit super omnes magistratus. Soluta ergo Coss. potestas: non tamen fracta, quamdiu Respublica stetit. Multa enim eorum, & ampla adhuc munia: quæ strictim & per indicem recensebo. I. Caput Reipublica Consules habentur, omnesque magistratus eis subiecti & obnoxij, præter Tribunos. Itaque intercedere etiam omnibus actionibus possunt. II. Militiæ ius summum habent: ciuibus & sociis imperant: Tribunos militum, Centuriones Præfectos, constituunt.

III.

III. Imperium in prouincias habent: euocare subditos possunt, coërcere, punire. IV. Ius conuocandi populi habent, cum eo agendi leges ferendi, iisque nomen à se dādi. V. Litteras omnes à præsidiis prouinciarū, à populis ac urbibus recipiunt: legatos audiunt: & quicquid per Senatum & Populum faciendum est, manu horum & ministerio conficitur. VI. Vt Senatus res omnes pace bellōq; tractabat, regebat: sic ipsi quodammodo Senatum, quem conuocabant, dimittebant, & ad summam, in vniuersā hac naui velut arbitri quidam & gubernatores erant. Atq; hæc liberā Repub. fuere: at oppressā eā iterum immutata Cōs. potestas. Princeps enim, vt omnium magistratuum iura ad se traxit: ita præcipuè Consulū & Tribunorum. Ita ex omnibus, quæ dixi, pauca iis remansere. Nec alia ferè munia reperio sub Principibus, quàm ista:  
vt Se-

vt Senatum rogarent, & consulerent, vt  
 ius dicerent, tutores darent, manumit-  
 terent, vectigalia locarent, (quod olim  
 Censorum munus) ludos, & præsertim  
 Circenses ederent, annis nomen darēt.  
 quæ omnia ( vt brevis sim ) testimoniis  
 non dilato: quoniam in historiis, & le-  
 gum libris sparsa. Vide plerâque ex iis,  
 si lubet, apud Cassiod. lib. 6. Epist. 1.

---

## DE INSIGNIBVS

*Consulum.*

## CAPVT VIII.

**A**D insignia venio siue ad ornamē-  
 ta quædam externa, quæ adiuncta  
 Consulibus, aliisq̃ue Magistratibus, ad  
 augendum splendorem. Eorum omniū  
 originem ab Etruscis esse, Liuius, &  
 Symmachus voluerunt: itemq̃ue Florus  
 qui

qui distinctè etiam recenset. *A Tuscis;* inquit, *fascēs, trabeæ, curules, annuli, phalerae, paludamenta, prætexta: inde, qui aurato curru quatuor equis triumphârũ: togæ pictæ: tunicæ palmatæ: omnia denique decora & insignia, quibus Imperij dignitas eminet.* Hæc in *Coss.* paulò diuersa fuisse reperio, veteri Republica & nouâ. Veteri Repub. hæc in vsu: Fasces duodecim cū lictoribus, sella curulis, prætexta, toga, eaque domi sumpta primo magistratus die ante Deos penates, pio eburneus in manu, siue sceptrum, de quo scipione minùs quidem vulgares: magnis tamen auctoribus: mihi certa. *Dionys. lib. 3.* Tarquinio Regi sceptrum eburneum attribuit: idque māsse successorib⁹ eius tradit, & *Coss.* ipsi *Liuius*, Gallū quendam scipione eburneo percussū à *M. Papyrio* scribit; cōsulare hoc sceptrū intelligens. *Valerius de priscis Coss. lib. 4. cap. 4.* *Nec eis fuit rubori*



*rubori, eburneo scipione deposito, agrestē astit-  
uam aratri repetere. In Valerianis exem-  
plis apud Vopiscum: Nam tē hoc die Con-  
sulem designo, scripturus ad Senatum, ut tibi  
scipionem deputet, deputet etiam fasces. Hæc  
enim Imperator non solet dare; sed à Senatu,  
quando fit Consul, accipere. Cassiodorus, in  
formulâ Consulatus: Validam manum vi-  
ctoriali scipione nobilitat. In glossis priscis  
Scipiones, virgæ Consulum. Et Ennodius in  
Panegyrico, Scipiones pro ipso Consu-  
latu posuit: Serranum scipionibus aratra pe-  
pererunt. Nec Iuvenalem aliter, quàm de  
hoc scipione ceperim:*

*Da nūc & volucrē, scepro quæ surget eburno.  
Præitque nobis, Aquilæ figuram fuisse  
in summo illo scepro: nisi tamen ma-  
gis placet, ad scipionem triumphātem  
id referri, quem planè eā formâ Isido-  
rus describit, lib. 17. c. 2. Et eundem in  
Triumpho Appianus etiam agnoscit, li-  
de bellis Punicis.*

*Atque*



Atque hæc ferè insignia olim. Posterior ætas sub Principibus quædam addidit, quædam immutauit: & id ferè in superbiam, vt solet, & ad pompam. Non contenti enim simplici prætextâ, eius loco togam pictam induxêre, quæ antea triumphatium propria tantùm. Lampridius in Alexand. *Prætextam & togam pictam nunquam nisi Consul accepit; & eam quidem, quam de Iouis templo sumptam & alij accipiebant.* Vbi & notari ritum illum sedulò velim, accipiendæ cõsularis eius togæ è Capitolino templo; quem eundem ingerit opportunè in eâdem istâ re Capitolinus in Gordiano: *Palmatam, tunicam*, inquit, *& togam pictam primus Romanorum priuatus suam propriam habuit cum antea Impp. eam de Capitolino acciperent, vel de Palatio.* Hæc est illa toga picta, quam *palmatam* alio nomine dixêre: tribuitq; eam Consulibus Casiodorus. *Pinge*, inquit, *vastos humeros vario*

*vario colore palmata.* Et Ennodius in Panegyrico. Etsi de togâ non exprimunt clarè. Itaque suspicari possis, ex superioribus Capitolini verbis, de tunicâ tantùm. Falsò tamen ex Martiale, qui togam in hac re nominat disertè:

*Palmataq; ducem, sed citò, redde togæ.*

& Ausonio, qui in Panegyrico tria hæc, *pietam, palmatam, trabeam*, apertè confudit, & solere id suo æuo ostendit. Nam & trabeam reperies, velut propriam Consulum vestem. Et caue pro tunicâ accipias, vt prisci; sed pro hac ipsa togâ pictâ. Causa, cur vtrumque hoc nomen ei dederint: quòd auro purpuraque intertexta ea fuerit, ad formam trabium, siue palmarum ramorum.

De trabeâ autem consulari Symmachus lib. 9. Epist. *Litteræ*, inquit, *quæ te annalem trabeam meruisse loquerentur*, hoc est, consulatum. Et Claudianus in Eutropio:

*Annus*

*Annus qui trabeas, hic dedit exilium.*

Atq; idem Poëta etiam aliàs sæpiùs. Atque etiam Impp. l. 1. C. de Coss. Iam in fascibus ipsis etiã aliquid immutârunt. *Laurum* enim iis perpetuum addidêre: quod olim solet tantùm in Triumphis. Colligo ex Martiale, lib. 10. Epigr. 10.

*Cum tu laurigeris annum qui fascibus intras.*

& lib. 12. Epigr. 3. ostendit etiam laurum ædibus Consulum solere addi. Sed & Cassiodorus laurũ Coss. disertè tribuit, lib. 2. variar. Epist. 2.

Nec laurus solùm; sed *Secures* etiã relatas iterum in fasces, quas Valerius ademerat, animaduertet non oscitãs lector ex eodem Cassiodoro, lib. 6. *Hinc est*, inquit, quòd etiã fasces atq; secures tantæ potestati præceptæ sunt illigari. Vt Claudiani aliquot locis. Nec id, quòd imperium aut potentia iis creuerat, (contrà est) sed quòd fastus & superbia externa:

quæ ipsa *calceos etiam auratos* Consuli-  
bus induit. Quod scriptum à solo (quod  
sciam) Cassiodoro; satis tamen clarè.  
*Lares, inquit, proprios calceis auratis egre-  
dere.* Quod genus calceorum in vsu Ro-  
mæ fuisse, Epictetus me docuit in En-  
chiridio, c. 24.

---

RITVS ALIQVOT  
Consulares.

CAPVT IX.

**N**Omen, vim & insignia Coss. satis  
expressi; addam *rum* aliquot pri-  
scos, & non obuios, qui valdè ad scri-  
ptorum veterum lucem. Eos certo or-  
dine vix dederò, sed vt venient sub sty-  
lum. Primùm noto, vario die initium  
Cōsularis olim fuisse. quod ex Liuij lo-  
cis multis clarū. donec Anno 598. inire  
& ipsi

& ipsi, & alij Magistratus, cœpère *Calendis Ianuariis*. Hoc traditum in epitome Liuianâ 47. & mutilè & corruptè. Primus autem hic dies Consulibus valde honoratus. Domum enim eorum, & Populus, & Senatus conueniebat, eòsque salutabat, deducebat. *De salutatione Claudianus de Consule Eutrop.*

——vulgata patebat

*Aula salutantum studiis.*——

*De comitatu senatus & populi. Ouid. 4. de Pont. Eleg. 9.*

*Dumq̃ latus sancti cinget tibi turba Senatus,  
Consulis ante pedes ire iuberet eques.*

Et Claudianus:

*Candida pollutos comitatus curia fasces.*

Hæc officia *Coss.* Spartianus vocat in Hadriano. *Roma*, inquit, *Prætorum & Consulum officia frequentauit.* Et Sueton. in Iulio, c. 15. *Relicto*, inquit, *nonorum Consulum officio.* Symmachus id appellat, *auspiciis interesse.* lib. 1. *Epist. 51. For-*

*tunati*, inquit, *sellam leto agmine persequantur*, & *auspiciis tuis quinis fati integer amicus intersit*. Et lib.3. Epist. 21. *Apud egregium virum Consulem faue absentia mea: cuius honore gloriari nostrum est; auspiciis interesse, felicem*. Et appellat idè, quòd primo illo die munia omnia Consulatus sui delibabat: de quo scripsi ad lib.4. Annal. Taciti. Initium autem faciebant à Religione, & deducebantur solemnì isto officio in Capitolium primò, vt vota scilicet conciperent, & singulos boues Ioui immolarent. Ouid. de Græcineo Consule:

*At cùm Tarpejas esses deductus in arces,  
Dum caderet iussu vittima sacra tuo.*

Lampridius de Heliogabalo: *Deinde in Capitolium ad vota concipienda, & perficienda solemnia, ire noluit: omnia per Pratorem urbanum, quasi Consides illic non essent, facta sunt*. Et Liuius lib.4. clarè inquit: *Consules quo die magistratum inère, immolantibus singulis*



*singulis Joui bobus, ut solet, &c.* Spectatque ad hoc cōsulare sacrum, quod Suetonius in Augusto scribit, c. 95. Et Plin. lib. 2. c. 37. Adde & Ouid. iterum lib. 4. de Pont. Eleg. 4. A Capitolio autem in Senatum deducebantur, gratiasq; illuc Principi habebant, iussi (ut inquit Plinius) SCto. Atq; eodem ipso die *munera consularia* amicis mittebant; quorum mentio apud Symmachum Epist. 61. lib. 3. *Grata mihi, inquit, fuere amplissimi Consulatus tui munera.* Vocatq; hæc *sportulam consulari* idem scriptor, lib. 9. Epist. ult. Sed & in populum pecuniam spargebant: cuius effusionis Cassiodorus meminit lib. 2. Epist. 2. & lib. 6. Epist. 1. Ei q; sparsioni centena auri pondo attributa fuisse, docet Lex 2. C. de Cōsulibus. Vbi tamen vilitas hæc spargendi ab Imp. tollitur, & summa ea ad aquæ ductus reparandos transfertur.

Primis autem his diebus in leges iu-



rabant; sicut & reliqui magistratus omnes. nec fas cuiquam magistratum ultra quinque dies gerere; nisi qui publicè id iuramentum præstitisset. Liuius lib. 31.

*Q. Valerius Flaccus*, inquit, quia flamen *Dialis* (i. Iouialis) erat, iurare in leges non poterat. Magistratum autem plus dies quinque, nisi qui in leges iurasset, non licebat gerere. Et si *Plinius*, id iuramentum bis præstari solitum, videatur innuere: semel, cum designati Consules essent; idq; in manum Consulis renunciantis: iterum in rostris, toto populo audiente. Et formula etiam ipsa expressa ab eo in parte: quem totum locum in medio Panegyrico eius omninò vide. Atq; simile iuramentum iterum præstabant, Consulatu iam gesto: iurabant, inquam, nihil in eo scienter se fecisse cōtra leges. *Plinius*: *Itaque & abiturus consulatu iurasti*, inquit, *te nihil contra leges fecisse.* *Dio. Cassius* lib. 33. *Augustus*, inquit, defun-

tus

*Etus consulatu, iuramentum patrio more præstitit. Idem lib. 50. de Claudio: Consulatus abiens, inquit, item, ut alij, iuramentum præstitit; solitus id in omnibus consulatibus suis facere. Atque de hoc ultimo iuramento Cicero capiendus, lib. 5. Ep. 2. & O-rat. in L. Pisonem. Et Plutarch. in Cic. Dio. lib. 37. Atque hæc facere primis diebus in usu: quibus addo ritum ad vim & potestatem Consulum spectantem, quæ interdum poscente salute publicâ ita aucta est, ut par regiarum potentiarum esset. Modus augendi per S. C. quo Resp. Consulibus permitti dicebatur, commendari, defendenda dari. Quod tamen interponi non temerè solet, nisi in atroci negotio, & (ut Sallustius ait) in ultima necessitate: ut Liuius lib. 3. in ipso urbis incendio; & desperatione omnium salutis, ut Cæsar, i. de bello civili. Formula S. C. brevis & solemnishæc:*

VIDERENT .CONSVLES, NE QUID  
RESPVBLICA DETRIMENTI AC-  
CIPERET.

Quo vno versiculo satis armatos eos  
semper fuisse, etiam nullis armis datis,  
Cicero pro Milone scripsit. Vis enim  
eorum verborum hæc : vt Imperium  
summum merúmque Coss. esset, exer-  
citum parare possent, bellum gerere,  
coërcere omnibus modis socios atque  
ciues : & , vno verbo, restituebatur eis  
hoc decreto ius regium vetus, per pro-  
uocationem, aliásque leges ademptũ.  
Antiquum autem valde hunc morem  
esse, & cum primâ Rep. natum, docet  
Liniás; quí eius, vt iam recepti, memi-  
nit libro 3. solétque interponi in do-  
mestico plerúmque motu; vt Tribu-  
nitiis seditionibus, perniciosis legibus,  
coniuratione occulta : aut etiã externo  
discrimine, sed extremo. Vide, præter  
dictos, Vegetiũ lib. 3. ca. 1. Dionem li. 37.

Ri-

Ritum huic adiungo triplicem: vnū, qui ad insignia Consulū spectat, & ad fascēs: alterū, de securibus ablati, de quod satis dixi in Elect. ca. 26. alterum, de diuisione fasciū, quæ sic habet: Consulibus duobus creatis, cū initio fascēs xxiv. præferrentur, id est, singulis xij. in voce & inuidiâ populi res fuit; tanquam regno nō depulso, sed duplicato: eâ causâ Valerius instituit, vt xij. tantū fascēs cōspicerentur, ijq; alternis mensibus apud alterum Consulem essent: ita, inquam, vt priore mense prior Consul eos haberet, secundo alter, atq; ita ordine. Dionys. lib. 5. initio. Dionys. lib. 55. initio. Sumere autem eos prior solebat, qui maior natu esset: idq; obtinuisse videtur vsque ad *L. Juliam*, quæ honorem huic detulit numero liberorum. De vtroq; vide Valeriū lib. 4. cap. 1. & Agel. lib. 2. c. 15 Interea tamē Consulibus, qui sine fascibus, ne nullo in-

signi nosceretur, *Accensum* habebat, qui eum præcederet, & *Liectores*, qui sequerentur cum virgis & bacillis. Suetonius in *Iulio*, cap. 20. *Liuius* lib. 3. vbi de *Decemviris*. Denique postremò obseruatum, qui ad tempus gerendi *Consulatus* pertinet, quod olim annuum fuisse scimus: mutatum tamen statim cum *Repub.* & à *Iulio Cæsare* plures vno anno *Cæs.* facti. Designabantur enim in tres, duos, immo in vnū mensem, & alij atq; alij substituebantur. Mos notus, & obuia exempla: à quo tamen manasse moneo, vt tum duo genera *Consulum* nominarentur; *Ordinarij*, & *Suffecti Ordinarij*, qui, more prisco, principio anni & *Cal. Ian.* inirent. *Suffecti* autem omnes, qui deinceps instituti. Illi honestiores censebantur: quòd nomē eorum magis celebre & æternum; cum illis tempora & anni numerentur. *Seneca*: *Consulem me fecit, sed non Ordinariū.*

Sue-

Suetonius in Domitiano , c. 2. *In sex Consulatibus unum ordinarium tantum gessit.* Symmachus lib. 9. *Delatus est à clementissimis Principibus ordinarius Consulatus.* Lampridius in Alexandro: *Consulatum tertium inuit tantum ordinarium.* Hæc diuisio & hic mos ad Constantinum Imp. mansit : qui Consulatum iterum annuum fecit , & pro suffectis novum genus reperit , quos *Consulares* dixit, siue etiam *Consules honorarios*. Quorum origo à Consulatibus ornamentis, quæ instituerat iam olim Iulius Cæsar, apud Suetonium cap. 76. Exstat *Consulatus* formula (ita honorem hunc appellabant; non Consulatum) in Cassiodor. lib. 6. Epist. 21. quem omninò suo loco legas : itémque de istis capienda lex 4. C. de Coss. & Nouell. 62.



## DE PRÆTORIBVS.

*Nomen eorum, institutio, numerus, insignia.*

## CAPVT X.

**I**VXTA Coss. *Prætores* meritò sequuntur: qui dignitate proximi, & collegæ Consulis appellantur; quoniam iisdem auspiciis creabantur. Nomen iis, siue quòd præirent, siue quòd præessent; merè latinum, & sanè vetus. Populi autem plerique è Latio, Imperatores suos & duces *Prætores* appellabant; vti exempla in Liuiò crebra. Sed & Hetrusci, *Prætores* habuisse videntur inter ordinarios & legitimos magistratus. Spartianus me docuit in Hadriano. *In Hetruriam*, inquit, *Præturā Imp. egit; per Latina opida Dictator & Ædilis & Duumvir fuit.* Et vetus in Italiâ inscriptio:

PRÆ-



## PRÆTOR HETRVRIS

xv. populorum.

ita vt latè omninò patuerit id nomen:  
nec solùm, vt Asconius ait, veteres om-  
nem magistratum, cui parèret exercitus  
Prætorem appellârunt; sed quemcunq;  
in re profanâ, siue etiam sacrâ, præfectũ.  
sic in monumentis lego: *Prætorem Ti-  
burtinum, Prætorem sacrorum, Prætorem sa-  
cris Volcani, Prætorem Iuuentutis*. Nec  
scio, an latâ illâ significatione Sueto-  
nius sumpserit, cùm librum de Prætori-  
bus inscripserit. Sed commune ante  
antea nomen, & Coss. ipsis vsurpatum,  
proprium esse cœpit huic magistratui,  
ui institutus A.V.C. 388. Causa insti-  
tuendi duplex: Vtilitas, & Æmulatio.  
Vtilitas: quia cùm sæpè Coss. bellis a-  
gocarentur, nec esset in Vrbe qui ius  
diceret; ex vsu fuit magistratum creari,  
qui propriè huic muneri vacaret. Æ-  
mulatio: quoniam, vt Liuius indicat  
lib.

lib.7. Patritij nouum hunc honorẽ au-  
dẽ quæsiuẽre, in locum erepti Consula-  
tus. Creatus autẽ initio vnus: pòst, circa  
A. V. 501. alter adiectus, qui ius item di-  
ceret; sed diuersis muneribus: ille inter  
ciues; hic inter ciues & peregrinos. Ita-  
que cognominibus distincti fuẽre; alter  
*Urbanus*, alter *Peregrinus* appellatus. Ille  
tamen honestior digniorq;: ad eò vt ve-  
lut proprio cognomento *Honoratus* ap-  
pellaretur ab Ouid. lib. I. Fastor.

*Verbaq; honoratus libera Prætor habet.*  
Et ius, quod ab eo edictisq; eius descen-  
dit, *honorarium*. At postea etiam duo alij  
additi, paullò diuerso finẽ: quod, vt  
priores, Consules adiuerũt in iure di-  
cendo: sic isti, in prouinciis regendis. Id  
factum anno 120. Sardinã & Siciliã in  
prouinciarũ redactis: & duo etiã adie-  
cti: Hispaniis deuictis, An. 557. Ita in vni-  
uersum tunc Prætores sex: ex quibus  
duo soli in vrbe manebant: reliqui qua-  
tuor

tuor statim, ac renunciati erant, in pro-  
uincias ibant, quas fors assignârat. Id  
mansit, donec quæstiones perpetuæ cō-  
stitutæ sunt, anno V. C. 606. & Senatui  
tunc visum, vt Prætores omnes ipso an-  
no magistratus sui in vrbe hærent, &  
parte aliquâ ius tangerent, siue publi-  
cum, siue priuatum. Et paullò pōst Sul-  
la Dictator, vt quæstionum numerum  
auxit, sic & Prætorum: factiq; viii. Errat  
enim Pomponius, qui asseuerat de x.  
Primus C. Cæsar denos creauit, & po-  
stea xvi. vt Dio. tradit libro 42. & 43. &  
maiore licentiâ Triumviri Lxiv. quod  
idem asseruit lib. 48. Augustus tamen  
emperauit, & duodenario numero  
conclussit. Sed frustra: quia iterum xvi.  
facti; quibus Claudius duos etiam ad-  
iecit, qui propriè ius dicerent de fidei  
commissis. l. 2. ff. de origine Iuris.  
Vlp. in Institut. titu. 22. Ex his Titus  
vnum detraxit: sed Nerua restituit,  
cum

cum munere, vt ius diceret inter priuatos & fiscum. *Tutclam* etiam *Præto-rem* à M. Antonio Philosopho institutum, Capitolinus in vitâ eius prodidit, & meminere Leges. Ita in vniuersum xvi i. Prætores facti: donec paulatim minuenta imperio minuitur: & ipsi, & tres tantum creati, lege Valentiniani & Marciani AA. Atq; hoc de numero & augmento breuiter.

Insignia addam: quæ non obscura. Prætextæ enim togæ illis ius, ite Sollæ curulis: Liçtores cum fascibus sex habuere: vnde Polybius ἐξ ἀπείλεων Præto-rem plerumque vertit. Nec lex vetus apud Censorinum me turbat, quæ Prætori urbano duos tantum liçtores tribuit. Quod capienda hac mente, vt minimum duo semper in tribunali eius adsint & appareant; non plures.

## D E O F F I C I I S

*Prætorum.*

## CAPVT XI.

**A**T munera Prætorum præcipuè  
tria: *Ludi*; *Sacra*, *Iurisdictio*. *Ludos*  
enim varios dabant ad Populi gratiam;  
et exempla obcurrunt passim. *Sacrum*  
etiam plerumque curabant *Bona Deæ*;  
quod domitorum ab vxore fiebat. Plu-  
tarch. in Cæsare docet. Cicero ad Atti-  
cum lib. i. Epist. 10. vbi *populare* id sa-  
crum appellari moneo; quia pro popu-  
lo fiebat: vnde *Dameum* dictum notat  
Festus; etsi interpretatione additâ non  
conâ. In has autem duas res magni sum-  
tus facti. Martialis integro illo épi-  
grammate ostendit: Capitolinus in Ma-  
ximo, aliiq; Vnde, velut prouerbij loco,  
ab Augustino vsurpata censeo *Præto-*

*riana pretia, pro magnis. Ita addictus erat studiis, inquit, ut pretiis pratorianis sibi conficiendos codices curauerit. Hæc duo munera, siue onera potius, sola ferè manfere Prætoribus, labente Imperio; ut nō frustra à Boëthio scriptum sit: Prætura olim magna potestas; nunc inane nomen, & senatorij census grauis sarcina. At tertium maximumque munus, Iurisdictio: quam dupliciter considero; in priuatis & publicis iudiis. Priuata iudicia, id est, res Ciuiles, tractabant duo soli è Prætoribus; urbanus & peregrinus: Publica, siue Criminales, reliqui omnes. Ita tamen; ut singulis certæ essent quæstiones, vñ plures. De quibus dilucidè & subtiliter dicere, non nostrum. Latus enim campus, & quem meritò decurrat soli Icri: è quibus ante omnes legi suadeo Barn. Brissonium lib. 4. formatum.*

*DE AEDILIBVS. EORUM nomen, institutio, & genera.*

CAPVT XII.

**T**ERTIO loco *Ædiles* cenſeo: quibus nomen (vt pleriq; omnes volunt) ab ædium curâ. ſiue, quòd ædes ſacras priuataſq; curatæt, vt Varro ait, ſiue quòd ædibus præſſent, in quibus ſcita ſua plebes ferebat, vt Pomponius. Feſtus magis nouè & remotè, ab adeundo deriuat: quòd facilis ad omnes plebi adiutus eſſent. Sed re verâ vtrumque etymon, ſi attentus inſpicis, labat. Et verius fortassis, non tunc Romæ nomen ad primùm natû; ſed, vt pleraque, è Latino traductum: nec ex re impoſitum; ſed ab exemplo. Iam olim enim *Ædilium* magiſtratus in Latinis oppidis: qui *Ædiles* quinquennialis cognominati in hiſto-



riis & lapidibus passim. Spartia. clarè in  
Hadrian. *Per Latina oppida Dictator, Æ-*  
*dilis & Duñuir fuit.* Isq; primus & sum-  
mus, nisi fallor, municipalis magistratu

*Sufficiunt tunica summis Ædilibus alba*

Atq; eos ab ædibus primò dictos nihì  
abnuã: quia velut minuti Cēsores quid-  
erant, & ædium sacrarum priuatarumq;  
curam gerebant. Instituti autem Romæ  
vnà cum ipsis Tribunis plebis, A. V. 26.  
Plebs enim Tribunos suos naçta, am-  
plius à patribus petiit (inquit Dionysiu  
lib. 6.) vt duos è plebe creare sibi lice-  
ret, qui Tribunis velut administri & ad-  
iutores essent, quiq; eas causas cogno-  
scerent, quas illi commisissent. Itaq; li-  
primi *Ædiles plebis* appellati. Addi-  
postea anno vrbs 368. duo è patribus  
qui ludorum causâ præcipuè crea-  
(Liuium vide in fine lib. 6. & initio Ti-  
7.) & cum discrimine *Ædiles Curi-*  
*dicti*: quoniam cā sellâ honoris causâ

utabantur. Priores enim illi tantum in  
 subselliis sedebant; ut & Tribuni, &  
 Quæstores. Itaque hi digniores, & μέ-  
 ζονα ἀγορανομίαν, Plutarchus appellauit  
 hanc Curulem. *Curulis* autem *sella* à cur-  
 ru dicta, ut vulgi opinio est: quam Isido-  
 rus appositè firmat. *Cōsules olim* (inquiēs)  
*& Praetores*, ob longinquitatem via in forum  
 prouectos: ideoque & *sellas*, quæ post eos ute-  
 bantur in quibus sedentes iura redderent, *cu-  
 rules* dictas. Cui tamen derivationi scri-  
 ptura & dimensio repugnant: veriusque  
 à *Curibus* (oppidum olim Sabinorum  
 erat) dicta. Forma eius in nummis cre-  
 bro expressa, nec dissimilis sellis iis,  
 quas Hispanicas vocamus, & quarum  
 in aulis vsus. Describit Plutarchus, &  
 incuruis pedibus eas fuisse ostendit. Ita-  
 que in glossis priscis, *sella curulis* expli-  
 catur ἀγκυλόπους ἵππος & βασιλικός. Alias  
 facit Silius:

*Hæc altæ eboris decorauit curules.*

Lucanus lib. 5.

*Lentulus è celsâ sublimis sede profatur.*  
Non quòd sellæ ipsæ altissimæ; sed quòd  
adiuncti plures gradus. Cassiod. *Sellæ  
curulem pro sua magnitudine multis gradi-  
bus enisus ascende.* Ebone autem ex te &c.  
ideoque Horatius lib. 1. Epist. circum-  
scripsit:

——— *dabit eripietque Curule*

*Cui volet importunus ebur.* ———

Et Athenæus de Antiocho Rege sedij  
se eum, ait, *eburneâ sede ritu Romanorum*: si-  
gnificans curulem. Nec alter Grec. ver-  
tunt, quàm ἐλεφαντίνον θρόνον aut δίφρον,  
quo exemplo etiam Vopiscus in Aure-  
liano *Sellam eburnatam* dixit. Cælatū, &  
sculptum id fuisse, Ouid. ostendit lib. 4.  
Pont. Eleg. 9.

*Signa quoque in Sellâ nossem formata  
ruli.*

*Et totum Numida sculptile dentis opus*  
Nec

Nec plures Ædiles, ad tempora C. Cæsaris: qui duos præterea adiecit, A. V. DCCX. quos è Patribus creari tantum voluit, & quòd frumentariæ curæ præfecti, à Cætere *Cereales* dixi Dio. lib. 43. sub finem, & Pomponius l. 2. ff. de origine iuris. Ita vi. in vniuersum Ædiles: triplici tamen discrimine, quod ad Constantini vsque tempora perseuerasse crediderim, & ab eo (vt plerosque magistratus) sublatos.

---

## DE OFFICIIS

### *Ædilium.*

#### CAPVT XIII.

**A**T munera quæ fuerint, pleræque omnia lege sua Cicero breuiter expedit: *Suntôque Ædiles, inquit, curatores urbis, annonæ, ludorûmque solemnium.*

Ait, *Curatores urbis*: sicut alibi dicere mihi videtur, totam urbem iis tuendam commissam: nō malè, quòd ea ferè omnia curabant, quæ ad ornatum aut ordinem urbis. Primùm enim opera publica inspiciebant ac tuebantur, & templa Deorum. Cicer. 5. in Verr. Varro lib. 4. de ling. Lat. Secundò, incendiorum eis cura, & nē quod ab igne damnū. Quod munus tamen imposuisse iis Augustus primus videtur, ex Dione 54. Tertiò funerum taliūmque minorum rituum institutio penes eos, & conseruatio. Ex Ouid. 6. Fast.

*Adde quòd Ediles, pompâ qui funeris irent.*

*Artifices tantum iusserat esse decem.*

Sed & matrimoniorum, quòdque adnexum iis, scortationum, & meretriciū coercitio quædam & regimen: vt satis docuit in commentar. 2. ad Taciti Annal. Denique balnea, aquæductus, cloacas



as, plateas, & loca omnia vrbis curant, vt puta ea & munda essent. Seneca de balneis epist. 13. *Dij boni, inquit, uam inuabat illa balnea intrare, que scires atonem tibi Edilem, aut Fabium Maximum manu sua temporasse!* Et alibi eleganter: *Inuenies balnea & popinas, & loca Edilem metuentia.* Et de tumiditate Plautus Stichus, cui cum seruus imperasset:

*Cape illas scopas, tu hic conuerre, &c.*  
Parasitus subicit:

*Sine suffragio populi Edilitatem hic quidem gerit.*

Et plura ad hanc rem distractè, & aptè Lyrica. ff. de via publicâ: vbi Ediles Papinianus *ἀγρόπαις* semper vertit: quod aliud quam curatores vrbis.

Sed addit secundo loco Cicero, *Antonia Curatores.* Verissimè: quia non rerum tantum vœnialium ad eos cura & æstimatio spectabat, sed etiam pecudum hominumque. Apuleius lib. 1. *Edilem ge-*

*rimus, inquit, & annonam curamus. Plautus Rudente:*

*Ita solet Neptunus: quāvis fastidiosus Ædilis est,*

*Si quæ improba sunt merces, iactāt omnes.*  
 Persius Saturâ 1.

*Fregeris heminas Areti Ædilis iniquas.*

Immò ius etiam his de rebus decebant, ex Dionis. 53. initio. Multas imponebant, ex Papiniani l. vnicâ, de viâ publicâ. Edicta concipiebant. Plaut. Capite 4.

*Euge, edictiones ædilitias hic quidem habet.* Omnia, vno verbo, regebant & dirigebant, quæ ad vœnaliū forum. Vnde Græci plerique ἀγορανομος eos vertebant. Agellium vide lib. 4. c. 2. Istos, titulo toto de Ædilio edicto.

Denique pro tertio munere Cicero addit, *curationem ludorum solemnium*. Cautè, *solemnium*: quia ludos tantùm curasse videntur, & publicè receptos: vt

Flo-



Florales, Circenses, Megalenses, Romanos, &c. non autem priuatos, funebres, aut votiuos. Exempla huius curæ, & muneris vbique prompta: & passim legas, Ædiles suo sumptu edidisse ludos, præfuisse, ordinasse, præmia siue pœnas Actoribus distribuisse: denique, scripta etiam examinasse, & fabulas, quæ agenda. Donatum in vitâ Terentij vide: nec scio, an ab hac scænicâ inspectione manauit, vt ius quoddam iudiciûmque iis fuerit etiam in alios libros. Apparet ex

Senatus Decreto apud Tacitum

4. Annali, quo iubentur Ædiles cremare Cremutij Cordi scripta.

\* \* \*

DE

## DE TRIBVNORVM

*Nomine , origine , & ex quo  
ordine creati.*

## CAPVT XIII.

**Q**Vartus in ordine magistratus, *Tribunorum* est: quorum nomen vetus & origini Urbis pœnè æquale. Nam *Tribuni Celerum* statim nati in regno Romuli, dictaque & ducta vox, siue à ternatio numero, quòd tres tantum tunc populi partes, & ex singulis singuli crearentur, ad exercitum mittendi: siue à tribubus: quòd earum suffragiis crearentur, vel quòd iis præessent: quo sanè exemplo à Curibus *Curiones* dicti. Vt cùmque de etymo fit, latè fufum nomē: & vis ea ferè subest, vt curarem significet, aut præfectum. Itaque cum additione vsurpârunt: *Tribunus Celerum, Militum*  
Era-

*Trarij, Plebis.* Et posteriore ævo sub  
incipibus, *Tribunus Voluptatum, Aleri-*  
*norum, Chartariorum, Prouinciarum:* quæ  
genera in Cassiodoro lego: & *Tribunus*  
*Fori,* in lapidibus: *Tribunus Scholarum,* in  
Codice Iustiniano. At diuersi nostri, &  
digniores aliis: quorum origo à seditio-  
ne. Cùm enim plebs in noua libertate  
variè premi à patribus videretur, anno  
Vrbis 260. secessit in montem sacrum:  
nec reduci in Urbem potuit, nisi ut pro-  
prium hunc magistratum haberet, iuris  
sui vindicem & custodem. Creati autẽ  
nitio duo: mox tres adiecti: denique A.  
7.297. iterum quinque additi, decem-  
que in vniuersum facti: qui numerus  
deinceps in Rep. mansit. & quoniam  
primi Tribuni magistratum occæperunt  
Idus Decemb. hoc quoque obtinuit  
Tribuni non Calendis Ianuariis ini-  
rent, sicut magistratus ceteri: sed illo  
ipso die. Dionys. clarè lib.6. in extremo.

Et

Et ab eâ mente Appianus Comitia Tribunorum refert in ætatem. Quòd autè per plebem creati; hoc quoque mansit, vt tantùm è plebe: nisi quòd semel Patricios duos cooptatos reperio, apud Liuium lib.3. Immò plerùmque ex infimâ plebe: donec lata lex, vt crearentur tantùm è Senatu, id est, vt nemo Tribunus esse posset, nisi qui antea Senator: Senator tamen plebeius. Id quando institutum, disertè haud scio: immò vix ipsi veteres: inter quos, & Appianus ambigit, lib.1. bellorum ciuiliū, rectène id referatur ad Sullam. *Nec constat*, inquit, *an Tribunatum, uti nunc est, à plebe ad Senatum transtulerit.* Attæius tamen Capito apud Agell. lib.14. cap. vlt. (vt ego eum interpretor) ad Attinium plebiscitum refert. Nam ait: *Tribunis Senatum habendius erat, quamquam Senatores non essent, tunc Attinū plebiscitum.* quasi dicat, Attinio plebiscito lectos è Senatu. *Quantum*

quam nec de tempore eius plebisciti  
constat: nisi quòd P. Artinium quendam  
Tribunum reperio, C. Iulio Cæsare &  
M. Bibulo Coss. Certè quidem liberâ  
adhuc Rep. id invsu fuisse, docet Sueton-  
nius in August. c. 10. *In locum, inquit, Tri-  
buni pl. de mortui candidatum se ostendit;  
quanquam patritius, necdum Senator.* Ita-  
que non ius petendi Tribunatus, nisi  
Senatorum. Plinium ita exaudio. *Ego,*  
*inquit, sexto latum clauum à Cæsare, ego*  
*Quæsturam impetraui: meo suffragio perue-  
nit ad ius Tribunatus petendi.* Et Sueton.  
idem, vt nouum, notat in Augusto:

quòd comitiis tribunitiis, si

deessent candidati Se-

natores, ex Equi-

tibus creâ-

rit.

---

*DE OFFICIO ET POTESTATE  
Tribunorum.*

## CAPVT XV.

**H**Æc origo Tribunorum, hæc creatio: eaque ratione Romæ Consulibus oppositi, quâ Lacedemone Regibus Ephori. Itaque munus eorum vni initio & simplex, *auxilij latio*. Creati autem contra vim potentiâque magistratum, scutum duntaxat impediendi & defendendi habebant: non agendi, aut lædendi telum, oppressos iuebant, eripiebant, iniqua decreta aut iussa, siue magistratum, siue Senatus, rescindebant, eoque fine (vt Plutarchus notat Probl. 81.) Ianuæ eorû nocte dièque patebant: vt paratos se ostendere, ad desideria, & querelas miserorum excipiendas. Sed nec vllam horâ abesse  
ab

ab vrbe legitimè poterant: vt Dio. ait, lib. 37. siue nullum diem; vt Agell. lib. 3. c. 2. vel, vt magis artè Appianus 2. Ciuil. mœnia egredi iis non licebat: hac eadē scilicet caussa. Ad auxiliū autem ferendum parata intercessio: quæ peragi solita vno & solemnī verbo, V E T O. Līus lib. 6. *Faxo*, inquit, *ne iuuēt vox ista, T E T O*; quia nunc concinentes Collegas nostros tam lēti auditis. Cuius intercessionis tanta vis, vt priuati magistratus omnes parērent: qui non fecisset, vel per viatorem Tribunitium in carcerem abriperetur, vel die dictā ad populum accusaretur, vt violator sacrosanctæ potestatis. Tales enim ipsi. Ea de re leges veteres apud Dionysium & Līuium. Quin Cicero hoc ampliū rotat: eam esse sanctitatem. Tribunatus, vt non modò contra vim & ferrum, sed etiam contra verba & interfationem, legibus sacratis sint armati. Ea autem intercessio



sio valida etiam inter Tribunos ipsos; adeò vt, vno ex Collegio vetante, irrita sint reliquorum omnium actiones. Atque hoc est, quod *extremum ius* Cæsar appellat, i. Cōmentario de bellis ciuilibus; & quod etiam à L. Sullâ relictum faterur. Itaque agere, imperare, decernere, remotû à primis Tribunis: donec pauliatim fiducia sancti iuris progressi vlteriùs sunt, & limites protulerunt sui magistratus. Qui olim in Senatum non veniebant; sed ante valuas curiæ positis subselliis sedebant; (Valerius auctor li. 2. cap. 2.) ij mox Senatum conuocare ausi, quod cœpisse primûm An. Urb. 297. Dionysius curiosè notat lib. 10. Immodè dimittere etiam ab alio conuocatum: quod Appianus lib. 2. Ciuil. monet de Curione: *Senatum, inquit, re infecta dimisit. Potest enim hoc Tribunus pl. facere.* Denique concionem aduocare, tabernas claudi iubere, leges & rogatio.

gationes ferre, iudicia quædam exercere; in immensum scilicet auctâ potestate, postquam *lege Hortensiâ* plebis scita omnem populum tenuêre. Itaque qui frenum aliis iniecerunt, freno ipsi eguêre. & cum per hanc immoderatam licentiam materies crebra turbarû & seditionum esset: Sulla Dictator potestatem Tribunitiam valdè circumcidit; immò pænè exêdit. Vetuit enim, ne leges ferrent, ne concionarentur, ne prouocaretur ad eos; solûmque nudum ius intercedêdi reliquit. Hoc amplius, vt absterret homines ab eo magistratu capessendo, sanxit; vt ne cui Tribuno aditus pateret ad aliû magistratû. Quâ tamen postremam iegem, eo mortuo, Aurelius Cotta statim abrogauit: sicut reliqua omnia Pompeius in primo consulatu. Itaq; Tribunis iterum permissum ius verus ad Impp. vsque; qui, Tribunitiâ potestate sibi sumpta, insignia penes

eos reliquerunt, & pænè inane nomen:  
quod tamen in Imperio Romano ad  
Constantini vsque tempore mansit.

---

DE QVÆSTORIBVS

*Vnde dicti: quando, & quàm multi fi-  
eti: denique ius eorum ac munus.*

CAPVT XVI.

**Q**uæstores ordine primi, dignitate  
vltimi inter magistratus. Iis non  
ambiguè à quærendo nomen: quòd pe-  
cunias reponebant: ideò & *Ταμίαι* Græ-  
cè dicti. Origo eorū vetustissima inter  
magistratus; vt Pomponius & Tacitus  
volunt lib. 2. Annal. quippe qui instituti  
sub ipsis Regibus. Sed an hoc eodem  
munere, an potiùs de crimine quæredi-  
caussa, ambigo. Verius censeo, Quæsto-  
res istos pecuniarios libera Repu. crea-



tos; cūm, aucto videlicet populi ærario, opus fuit, qui ei præessent. Id accidit Anno vrb. 269. si Dionysio & Liuiio fides. à quibus tamen paullò diuersus Plutarchus, qui refert ad annos primos partæ libertatis. Tacitus Coss. primis etiam Quæstores attribuit: sed ita, vt ipsi eos eligerent. *donec, inquit, eum quoq; honorem populus mandaret: quod factum anno xxiiij. post Reges eiectos.* (ita enim in eo scribendum; non 63.) Fuere autem initio duo tantum Quæstores, qui urbanam pecuniam omnem tractarent, & ærario præessent, quod in æde Saturni: iiq; *urbani* dicti. Postea, cūm aliis etiā opus videretur, qui peregrè pecuniam militarem administrarent, prædā venderent; duo iterum creati, qui Coss. ad ministeria belli præstò essent: vt Liui. lib. 4. Id accidit An. Vr. 232. Atque is numerus diu mansit; donec stipendiariâ tota Italia duplicatus est is, fa-

etiā; octo, ad tractāda etiam prouincia-  
rum vectigalia, in quas cum Proconsu-  
libus aut Proprætoribus sorte mitte-  
bantur: quod euenisse, argento pri-  
mū signato, id est, circa annum V. 493.  
obseruo ex Epitome Liuianā 15. Ad  
mox lege Sullæ xx. creati, ad Senatum  
supplendum: vt Tacitus suggerit. Nec  
ab simili fine xl. à Cæsare; vt Dio. lib.  
43. Hæc institutio & augmentum. nec  
obscura admodum eorum munera; è  
quibus præcipua pecuniæ publicæ ac-  
ceptio & expensio: item signorum mili-  
tarium (ex argēto & auro enim) in ara-  
rio observatio, prædæ venditio & sub-  
hastatio: certæ etiam per Italiam præ-  
fecturæ, vt Ostiensis & \* de quibus Ta-  
citus 4. Annal. & ibi nos; & Suet. Clau-  
dio, cap. 24. Sed & decreto Augusti,  
SCra iis adseruanda tradita, quæ ante  
penes Ædiles & Tribunos: Dio. notat  
lib. 54. Fuit etiam Impp. veluti proprius  
eorum

eorum Quæstor, qui *candidatus Principis* appellatus, siue, *Quæstor Augusti*: cuius munus expressum ab Vlpiano in l. vnica, ff. de officio Quæstoris. de quo satis multa Brissonijs. Ab hoc origo *Quæstoris Palatii*, qui sub Constantino cœpit: quæ deinceps magna dignitas, cuique datum, leges & decreta fundere, petitionibus rescribere, responsa reddere: & omnino Iuris quidã & legum custos ac præses fuit: quod nomen hodie in *Cancellarium* mutatum verè dixerimus. De hoc Zosimus lib. 5. de Sallio quodam; cuius erat officiũ (inquit) dictare, quæ Principi viderentur. Quæstorem à Constantini temporibus appellant. Meminit & Procopius de bello Persico. Symmachus lib. 1. Epist. 17. & lib. 4. Epist. 50. Cassiodorus Epist. lib. 10. & optimè lib. 5. Epist. 7.

## DE DICTATORE.

*Vnde illi nomen : origo & caussa eligendi:  
item modus: denique vis eius & potestas.*

## CAPVT XVII.

**O**Rdinarios & perpetuos in Rep  
Romana magistratus breuiter ex-  
plicauit. Superfunt *intermissi & extraor-  
dinarij*. Inter quos iure primum locur  
dem illi, qui magistratum omniũ pri-  
mus, DICTATORI: cui nomen siue  
quòd diceretur à Consule (ait Varro)  
cuius dicto omnes audiētes essent: siue  
potiùs à dictando; quòd crebro diceret  
edicerētq;, quæ essent ex vsu: quæ Dio-  
nylij mēs est, & Suidæ vertētis εἰσηγητὴν  
τῶν λυσιτελῶν. Dictus alio nomine *Ma-  
gister populi*, itēmq; *Prætor maximus*. Quæ  
voces præstantiam scilicet Imperij præ-  
ferunt & dignitatis. Cæterum & res &



nomen Dictatoris sumpta ab Albanis, consanguineo populo: quod cum apud Dionysium Licinius Macer affirmet; suadet etiam Livius, qui iam inde sub Rege Tullo Dictatorem Albanum Metium Suffetium agnoscit: & Spartianus ordinarium veteris Latij magistratum fuisse ostendit, in Hadriano. *Per latina*, inquit, *oppida Dictator & Duumvir fuit.* Ipse tamen Dionysius à Græcis esse exemplum mavult, apud quos non dissimili in re *Διουμνῆται*. Origo eius & prima institutio controuersa: quoniam Dionysius, fidus certè & cautus scriptor, refert in annum Urb. 255. At Livius & plerique ex Latinis, biennio priùs eum creatum volunt; nono scilicet anno post Reges exactos. Et si Livius in affirmando tribuat, & obscuram ambiguaque rem non negat. Causa prima eligendi, seditio fuit, & metus ab hoste. Cum enim sperni viderèt Cōsulare no-

E 5 men,

men, cui per prouocationem adempta præcipua vis: decursum ad hoc singulare imperium: vt esset, qui rigida & regiâ potestate plebem siue hostes coerceret. Maior enim & concordior vis in vnus imperio, quem collega nemo aut improbè turbat, aut imperitè tardat. Atque hæ præcipue sanè deinceps creandi causæ: seditio, inquam, aut bellum grauius. nec alias Cicero commemorat lib. 3. de Legg. nisi quòd paullatim creatus etiam causis pluribus; quæ in Fastis passim expressa. vt Clauis figendi causâ; Comitiorum habendorum; Ludorum faciendorum; Quæstionis exercendæ; Senatus legendi: deniq; quorsiens breui aliquo & extraordinario imperio opus esset. Sed priores illi serij, verique. Dictatores ferè cū hoc titulo leguntur:

REI GERENDÆ CAUSSA.  
quod ad bellum spectat: vel Reip. geren-

rendæ causâ; siue seditionis sedandæ  
causâ, quod ad turbas. Eligi porrò solet  
aliâ quadam viâ & modo, quàm cæteri  
omnes magistratus. Non enim suffra-  
giis populi; sed Senatu iubente, à Con-  
sule dicebantur, qui noctu auspiciatò  
aliquem è Consularibus, quem sibi  
cumque visum esset, nominabat. Quòd  
*noctu*, Liuius aliquotiens docet, & cla-  
rè lib. 4. *Noctis deinde silentio, ut mos est,*  
*L. Papyrus Dictatorem dixit.* Quòd  
*auspiciatò*, Cicero 3. De leg. *Isq; ani-*  
*nistrâ dictâ populi magister esto.* Idem-  
que Liuius indicat lib. 8. Quòd è *Consu-*  
*laribus tantum*, idem Liuius lib. 2. *Con-*  
*sularem*, inquit, *legere: ita lex iube-*  
*bat de Dictatore creando lata.* Et pruden-  
ter profectò, quòd vnius hoc regimen  
creatum ab vno. Cùm enim subito ce-  
~~deret~~ *medio opus esset: quæ ratio fuis-*  
*set*, suffragia exspectare & campum;  
immò cùm sæpe contra ipsam plebem:  
quo-

quomodo eligerentur à plebe? Quamquam variatum interdum in hac re non nego, siue per absentiam Consulum; siue per licentiam eorum, qui Dictaturas inuasere.

Potestas autem huius magistratus ampla, vel potiùs eximia. De pace enim belloque agere exercitus scribere, edicere, dimittere, omniaq; negotia gerere liberè & pro arbitrio poterat; adeo ut nihil horum vel ad Senatum referret. Notant Dionysius lib. 5. & Polyb. li. 3. Itaq; non solùm ius omne duorum Coss. translatum in vnum (: quâ de causâ etiam *Δισύπατον*, quasi *duplicem Consulem*, Græci eum dicunt.) Sed hoc amplius. creato eo ceteri omnes magistratus abdicabant; Tribunis tantùm exceptis: relinquebaturq; velut frenū Reip. in manu vnius. Quin bona illi ~~etiam~~ temque adimere ius; animaduertere in vitam & caput ciuiū, idq; sine vlla pro-  
uoca-

uocatione. Ad quod singulare ius exprimendum, xxiv. fasces illi præferebātur; & totidem secures etiam in vrbe vt nihil mirer, terroribus tantis propofitis, à Libio scriptum: *Edictum Dictatoris pro numine semper obferuatum.* De prouocatione tamen non perpetuum fuiffe, suadere videtur apud Festum OPTIMALEX: & quod apud Liuium exstat illustre exemplum pro vocationis: etsi abrogatam eam expressè nusquam legerim; & videam, Sullam posterioresque Dictatores summo eo iure vsos.

Sed hæc tamen tanta vis meritò terminis quibusdam circumscripta, ne exorbitaret. Primum enim, semestreduntaxat id imperium esse voluerunt; ne in Tyrannidem spatium aut consuetudinem iret & quod quibusdam prorogatum in annum reperias; ob necessitatē Reipub. factum scito, & præter morem:

vt in Camillo, L. Papyro, Fabio Maximo. Nam Sulla, & postea Cæsar, qui Dictaturam perpetuam inuasere, leges & instituta Reipub. palàm spreuerunt. Secundò, locis etiam inclusa, nec permissum Dictatori, cum imperio extra Italiam ire: scilicet, ne procul ab oculis ciuiũ & Senatus res faciliùs innouaret. Dio. clarè notat 36. lib. idq; semel dumtaxat vetere Repu. violatum, in Attilio Collatino, qui primus Dictator exercitũ extra Italiam duxit; obseruat Liuij Epitoma 16. Tertiò, equum adscendere iis vetitum, nisi ad bellum ituris: siue, vt ostenderetur vis præcipua Romana in pedite: siue potiùs, ad arrogantiam minuendam, & vt hac parte cum plebe æquaretur. Atque his cautionibus & modestiã gerentium factum, vt per annos. ccc c. quietissimè, & optimo publico magistratus is gereretur: donec L. Sulla & C. Cæsar in tyrannidem eum vertunt;



runt; & nomen id exosum fecerunt Romanis: adeò, vt post necem Cæsaris lata lex sit, qua Dictatura è Repub. sublata. Cic. in Philipp. & Dio. 44. Appianus 3. Ciuilium.

Hæc de Dictatura: cui velut adiutor & administer *Magister Equitum* fuit: quem ipse Dictator sibi liberè eligebat; modò is tamen è Consularibus, aut Prætoris esset. Sanè Dio. vt insolens, notat, quòd Cæsar Magistrum equitum Antoniũ elegisset, qui Prætor nondum fuisset. Itaq; is loco & munere ferè Prætoris fuit, vt è Cicerone colligimus 3. de Leg. habuitq; eadem insignia; Prætextam, Curulem, & vi. lictores. Dio.

lib. 42. & 43.

CEN.



*CENSVS QVANDO IN-*  
*stitutus: Itēque censores, cur ita dicti:*  
*tēpus, eius magistratus: insignia, dignitas,*  
*& munus.*

## CAPVT XVIII.

**C**ENSVM, rem saluberrimam popu-  
 lo Romano, primus instituit Ser-  
 uius Tullius sextus inter Reges: nec  
 magistratum aliquē rei proprium adhi-  
 buit; sed exercuit ipse. Itaq; regium id  
 munus habitum; iisq; pulsis, consulare:  
 donec, crescente paullatim imperio  
 Coss. non fuerunt tot ferendis oneribus  
 pares. Itaq; cū intermissa diu *Censio*  
 esset, (per xvii. annos, inquit Diony-  
 sius) causā exortā desiderandi noui ma-  
 gistratus, & Senatu imprimis adniten-  
 te, creati *Censores*, An. Urb. 311. quibus id  
 nomen ab ipsa re datum: siue, quod ad  
 eorum censionem, id est, arbitrium, po-  
 pulus

pulus censeretur, ait Varro: siue, quòd quisq; tanti sua æstimaret, quanti illi censuissent, ait Festus. Et sanè ab cēsendis æstimandisq; facultatibus primò dictos, verissimum est: quoniam potissima hæc creandi causa; & paulatim adiuncta cura morum. Itaque Græci etiam à taxatione verterunt *ἱμντάς*. Duo autem initio creati: totidem scilicet, quot Coss. quorum vicem etiam hac parte sustinebant. Et creati in annos quinque: nimirum quia lustris duntaxat singulis censi populum vetus institutum fuit. Sed tamen paullò pòst, cùm dignitas & vis huic magistratui creuisset, & nimis diuturnum id imperium videretur: *lege Æmiliæ* cautum (tulit eam Mamercus Æmilius Dictator, Anno 320.) ne plùs quàm annua & semestris Censura esset: quæ in posterum obtinuit, & creati quidē singulis quinquenniis; at non in quinque annos.

Amplius hæc tria seruata in creatione eorum reperio. I. Vt è Consularibus essent, quod post bellum Punicum secundū semper obtinuit; antè, aliter interdum. II. Vt ne bis crearentur: quia onerosa populo futura videbātur altera eorum potestas. III. Vt sine suffeptione, id est, vt mortuo vno è Cess. neminem alium subrogari mos esset; immò illum ipsum abire magistratu statim, qui superesset. Liuius clarè notat lib. 5. & 9. Plutarch. probl. 50. apud quos & causa. Dignitas hæc magna: nec diu quidem, sed honore tamē supra Coll. ipsos: quorum omnia etiam insignia habebant, præter lictores.

Munera eorum varia; sed trahi ad duo capita possunt: æstimationem facultatum, & morum. Ex illa est, quòd publicas priuatasq; omnium opes describerent: populum iuxta eas in centurias & classes distribuerunt, Vbertim nobis

nobis in Liuiο explicatum Item, quòd vectigalia locabāt, & iis per Prouincias *leges* dabant, quæ *Censoriæ* appellatæ: opera publica erigebant, inspiciebant, probabant, facta tecta exigebant: vias publicas tuebantur, & reficiebant; quā curam in Vrbe semper habuēre: extra Urbem paullo seriùs sumpserē, ex Liui. 41. in extremo: pretia denique sacrificiorum publicorum curabāt. Plutarch. in Catone. Ad morum verò æstimationem spectat: quòd Senatu eiicere, equū adimere, tribu mouere, ararios facere potuerunt. Hæ enim fere animaduersiones Censorum, & ignominia quas inurebant. *Senatu eiicere* non aliud erat, quàm initio Censuræ, cū Senatum legerent, nomen illius aut illius Senatoris in recitando præterire, quo velut tacito iudicio censebantur loco moti, nec nomen eorum ultra in albo Senatorum. *Equi ademptio* ad alterum ordinem spe-

ctat; nempe ad Equites: quos in publicâ recensione moris erat ad Censorum sellas venire, equum manu ducentes: quos si probarent, PRAETERIRE & traducere equum, solemniter verbo iuebant: sin aliter equum adimebant, vèdi iuebant. Tertia & quarta nota propriè ad plebeios pertinebat: quos aut tribumoueabant, id est, Liuiio interprete, mutare iuebant tribum, & ex honestâ rusticâque in minùs honestam siue vrbanam transferebant: aut ærarios relinquebant, id est, suffragij ferendi potestate priuabant; ad hoc tantùm in numero ciuium, vt æta tributini nomine penderent. Id appellabant *in ærarios*, id est, in tabulas, *referre* causam. Vide in Agel. lib. 4. cap. 20. Adimebant ergò CESSES, quod cuique ordini summum est: Senatui curiam; Equiti publicum equum; Plebeio tribum aut suffragium. Quod discrimen tamen

ita accipiendum; vt sciamus, interdum Senatorem aut Equitē grauius peccantem, plerisq; his notis simul affectum: ita inquam, vt non præteriti solum, aut equi adempti sint; sed tribu etiam morti, & ærarij facti. Exempla in Valerio & Linio lib. 4. & 44. quo loco turpis macula eluenda, & *ærarius* legendum; non *operarius*: distinctione item mutatâ. His animaduersionibus causæ semper subscriptæ: excipio præteritionem Senatorum; cui rationē adscribi, haud veteris instituti fuisse, Liuius ostendit. Administrata hæc omnia in villâ publicâ, in campo Martio: iisq; ordine expletis, lustrum à CESS. condi solitum, vora pro salute publicâ concipi, & sacrificium suum & taurilium fieri, Mansitq; integra hæc Censuræ his (firmum rei Romanæ vinculum) ad P. Clodij Tribunatum: qui immunuit, vetuitq; aut in legendo Senatu quemquâ præterire, aut ex aliis

ordinibus ignominia adfici; nisi qui legitime accusatus & damnatus. Sed eam ipsam Clodij legem sustulit paullò post, Anno Urbis 702. Metellus Scipio Cos. veteri iterum & libera potestate C E S. permissa: quæ tamen sub Principibus iterum minuta; immò mortua: nisi quòd longo interuallo reuixisse in Decio videtur. de quo apud Pollionem in Valeriano; vbi & officia Censuræ distinctè descripta, quæ vtiliter legas. Conatus quoq; eandem restituere Theodosius, siue Arcadius: sed à Senatu repudiata est, Symmacho adnitente & suadente, vt ipse fatetur li. 4. Ep. 29. & 45. lib. 7. Ep. 9.

---

## DE INTERREGE.


### CAPVT XIX.

**V**ETVS hic magistratus, creatusque propriè comitiorum causa. Origo illi à morte Romuli. Et quia creatus per interregnum, mediussq; inter duos Reges,

ges,



ges, dictus *Interrex*: Græcis μεταβασιλεύς.  
Eius creatio è Patribus tantùm. Têpus  
quinquediale. Munus idem quo Coss.  
Plura pete ab Onuphrio, in li. i. Festorũ.



## IVSTI LIPSI

## DE VETERE SCRIPTURA.

**V**T de *vetere Scriptura* pauca præ-  
moueam: differt ea ab recentiore,  
quæ hodie in vſu eſt, vel *quantitate*, vel  
*qualitate*, vel *utrâque*.

*Quantitas* in *additione* cernitur, vel  
*detractione*. *Additio*, aut *Vocalis* eſt, aut  
*Conſonantis*. *Vocalis* additio, eſt in diphthō-  
gis EI. & OV. Sic enim *Eidem*, *Ious*, ſcri-  
pſere: pro *Idem*, *Ius*. Sic *Leitem*, *Leimites*,  
*Meilitiæ*, *Opeima*, *Inueito*: pro *Litẽ*, *Limites*,  
*Militiæ*, *Opima*, *Inuito*. Sic *Eito*, *Deixi*, *Seie-  
rit*: pro *Ito*, *Dixi*, *Sierit*. Itẽ, *Quei*. *Sei*, *Nei*:  
pro *Qui*, *Si*, *Ni*. *Nei* tamen etiã pro *Ne*  
uſurpant interdũ, & quidẽ non rarò.

Sic *Vtei, Vbei, Ibei*, pro *Vti, Vbi, Ibi*. Eam dē diphthongum vsurparūt *Genitiuis singularibus*: vt *Dolei malei*, pro *Doli mali*. Item in *Nominatiuis pluralibus*: vt *Iei, Treuirei, Decumanei*: pro *Ii, Treuiri, Decumani*. Item in *Datiuis & Ablatiuis pluralibus*: vt *Ieis, Tertieis. Recinieis*: pro *Iis, Tertiis, Riciniis*. Præterea in *Datiuis singularibus* tertiæ declinationis: vt *Mortei, Clientei*: pro *Morti, Clienti*. Item *Alterei, Sebei*: pro *Alteri, Sibi*. Et frequentissimè in *Nominatiuis atque Accusatiuis pluralibus*: vt *Omneis, Ciuieis*, pro *Omnes, Ciuēs*.

O verò ad V. adiecte, tū alia sunt exēpla, tū hæc: *Ious, Iousta, Ioudicare*: pro *Ius, Iusta, Indicare*. Item *Sono, Louci, Doucito*: pro *Suo, Luci, Ducito*. In quibusdam utrāque Diphthongum coniunxerūt: *Soneis, Ioudicei*, pro *Suis, Indici*. In nonnullis V. geminum vsurparunt, pro OV seu V. vt *Plus, Secus*: pro *Plus, Secus*: Sic *Comitiatiui, Arbitratiui*: pro *Comitiatu, Arbitratu*.

In-

Interdum O post V. interseruerunt: vt  
*Queicunomque*, pro *Quicunque*.

*Consonantes* quoque interseruerunt; vt  
*Quotiens*, *Quotienscūq;*, pro *Quoties*, *Quo-*  
*tiescūq;*. Sic *Exsigunto*, *Exsercere*, pro *Exigū*  
*to*, *Exercere*. Itē *Quips*, *Aliquips*, pro *Quis*,  
*Alquis*. In *Iouista* verò, pro *Iuxta*, gemi-  
 na est insertio; vocalis O & Cōsonātis S.

In quibusdam integram syllabam in-  
 terseruere: vt *Postidea*, *Indetestato*, pro *Pos-*  
*tea*, *Intestato*. Eius generis etiam *Æuitas*  
 videri alicui possit: sed habet illud legi-  
 timā ab *æuo* derivationē: in *Ætas* verò,  
 quòd pòst vsurpari cœpit, facta est cōtra-  
 ctio. Quibusdā à fronte Cōsonāter adie-  
 cere; vt *Stilis*, pro *Lis*. Nonnullis in fine:  
 vt *Ead*, *Tuod*, *Plebed*, *Frauded*: pro *Ea*, *Tuo*  
*Plebe*, *Fraude*. Sic in verbis. *Datod*, *Remo-*  
*uetod*, *Luitod*, *Estod*: pro *Dato*, *Remoueto*,  
*Luito*, *Esto*. In *Exsercetod* autem geminata  
 est additio; semivocalis S. & mutæ D.  
 Sic in *Leibertated*, additio est Vocalis E,

& Consonantis D.

Detractio & ipsa, *vocalis* est aut *consona*. *Vocalis* detractio est in monophthōgis illis: *Fenus*, *Femina*: pro *Fœnus*, *Fœmina*. Sic *Heres*, pro *Heres*. Quamquam eā vocem non ab *herendo*; sed ab *hero* deductā malūt eruditiores. Detractio etiam quibusdam videtur esse in verbis istis: *Aditio*, *Eicito*, *Deicitor*, *Conicere*, *Subicere*: pro *Adiucio*, *Encito*, *Deiucitor*, *Conticere*, *Subiicere*. Quod si ita est, eadē ratione simplex *scere*, contractum erit ex *lacere*. Sic certē *Dis*, contractum ex *Diis*.

E *Consonantibus* etiam, quæ nunc geminari solent, omittebant alterā: vt *Osa*, *Clase*: pro *Ossa*, *Classe*. Item *Aceras*, *Connubia*: pro *Acerras*, *Connubia*: *Pelex*, *Tolito*, *Polluceto*: pro *Pellex*, *Tollito*, *Polluceto*.

*Qualitas* in commutatione potissimū cernitur. Eaque *Vocalis* est, aut *Consonantis*. *Vocalis*: vt E. pro I. Sic enim *Leber*, *Addicito*, *scripsere*: pro *Liber*, *Addicito*. Item V.

pro

pro l. *Æstumata*, pro *Æstimata*. Sic *Optimus*, pro *Optimus*. eadē ratione *Postumū*, à veteribus dictum volunt eruditi: vt significat non tam eum, qui post inhumatum patrē est editus: quàm eum, qui postremus patri seu viuo, seu mortuo, natus est. Itē V. & Y. vt *Ægyptus*, pro *Ægypt⁹*, quemadmodum *Mus* quoque & *Sus*, & huius generis alia, ex Græcis *μῦς*, *σῦς*. Frequentiùs O. pro V. vt *Totela*, *Porporea*, pro *Tutela*, *Purpurea*. Sic *Osocapitor*, pro *Vsucapitor*. Item *Soper*, *Quōque*: pro *Super*, *Quūq̃*. Sic in *Nominum* finibus: *Patronos* *Servos*, pro *Patronus*, *Servus*. *Vitiom*, *Manom*: pro *Vitium*, *Manū*: Necnō in *Verborū* finibus: *Conferont*, *Moritor*: pro *Conferunt*, *Moritur*.

In nonnullis geminatur hæc mutatio: vt *Piacolō*, *Fortom*, *Foratos*: pro *Piaculū*, *Furtum*, *Furatus*. In quibusdā hæc cum superiore cōiungitur: vt *Leborom*, pro *Liberū*. Sic *Ædebos*, *Compēdebos*, *Noēlebos*, *Tibicinēbos*, *Soperstetebos*: pro *Ædibus*, *Cōpedibus*, *Noētibus*, *Tibicinibus*, *Superstitibus*.

Interdum diphthongo OE & OI pro longo vsi sunt: vt *Oetier*, *Oosocapio*, *Oesorpatum*: pro *Vii*, *Vsucapio*, *Vsurpatũ*. Sic *Cœratores*, pro *Curatores*. Ol pro V. positum, in *Oitier*, *Otile*, confimilibus. Sic *Moinicipium*, pro *Municipium*.

Consonantes quoque non paucas inter se commutarunt. C. pro G. frequenti in vsu fuit. Sic enim *Cenas* dixerunt pro *Genas* Sic *Frucem*, *Lece*, pro *Frugem*, *Lege*. Itidemque *Lecere*, *Rocato*: pro *Legere*, *Rogato*. D. pro L. posuere; cùm *Dingua* dixeret, pro *Lingua*. Sic *Fedetrio*, pro *Feretrio*.

F. pro B. vsurparunt sequente Vau: vt *Af virod*, pro *Ab viro* Q. pro C: vt *Pegu-  
nia*, pro *Pecunia*. S. pro R. vt *Afa*, *Nesuo*, *Casmen*: pro *Ara*, *Neruo*, *Carmen*. Sic in Nominum flexionibus: *Maiose*, *Minose*, *Arboses*, *Plusa*: pro *Maiore*, *Minore*, *Arbo-  
res*, *Plura*. Sic *Fenose unciasio*, pro *Fenore unciario*. Item in Verborum flexionibus: *Arasit*, *Vocasit*, *Secnesit*, pro *Ararit*,  
Voca-



*Vocarit, Secuerit.* T. pro D. vt *Quit*, pro *Quid*.

In compositis, finalem Præpositionis consonantem plerumque retuerunt: vt; *Conlegium, Improbis, Adsignare, Attribuerre.* Interdum tamen etiam mutarunt: vt *Opsepito, Opturato, Optinere.*

In quibusdam geminata est commutatio: altera Cōsonantis, altera Vocalis: vt *Rocom, Flacitiom Prodicos*, pro *Rogum, Flagitium, Prodigus.* Sic *Acron, Acnom, Ticnon*: pro *Agrum, Agnum, Tignum*, Item *Fidios*, pro *Filius*: *Osuagolatom*, pro *Obuagulatum*: *Poplicom*, pro *Publicum*: *Quoi*, pro *Cui*: *Ausom*, pro *Aurum*. Sic *Capiumtor*, pro *Capiuntur*.

In quibusdam duarum Vocalium, & vnus Consonantis facta mutatio: vt *Centileom, Arnorson*, seu *Asuorson*, *Plusebos*: pro *Gentilium, Aduersum, Pluribus*. In nonnullis gemina consonantis mutatio est: vt *Arcuesit*, pro *Arguerit*.

In-

Interdum *quantitatis* metaplasmos cōiunxerūt, additionem scilicet & detractionem: vt *Iousus*, *Iousit*: pro *Iussus*, *Iussit*. Sic *Poplei*, *Confeset*, *Demiseis*: pro *Populi*, *Confessi*, *Demissis*. Interdum ad *quantitatis* metaplasmm adiūxerunt metaplasmm *qualitatis*: vt cū vnum idēque vocabulum additione & cōmutatione transformarunt. Sic enim *Deicundo*, *Addeictos* vsurpata: pro *Dicendo*, *Addictus*.

Sic *Maxsumo*, *Proxsumos*, *Fousiosos*, pro *Maximo*, *Proximus*, *Furiosus*. His adde *Endo*, *Entera*, *Sopera*, *Continoeis*: pro *In*, *Intra*, *Supra*, *Continuis*: in quibus commutatio præcedit: additio sequitur.

Detractionem quoque & commutationem quandoque copularunt. Idque commutatione interdum sequente: vt *Adecito*, *Poplos*, *Prasetebos*: pro *Addicito*, *Populus*, *Presentibus*. Interdum præcedēte: vt *Sebicito*, pro *Subiicito*. Sic *Olo*, pro *Allo*. Item *Fasis*, pro *Farris*. In quibusdam

triplicatus est metaplasmus: vt *Pupilei*,  
*Præfeted*: pro *Pupilli*, *Præfente*.

In *Nominum flexionibus*, præter superiora, notabilem mutationem habent: *Folminis*, *Ipsos*, *Im*: pro *Fulmen*, *Ipse*, *Eum*. Sic *Olos*, pro *Illi*. In *Verbis* quoque varij, præter supradictos, metaplasmi à veteribus facti sunt: vt in verbo substantiuo *Eſcit* & *Eſcunt*, pro *Erit* & *Erunt*. Itéque *Siet*, *Sient*: pro *Sit*, *Sint*: & in futuro perfecto, *Fuat*, pro *Fuerit*. Eiusdem futuri perfecti magna in aliis quoque verbis est varietas: vt *Vindicit*, *Verberit*, *Prohibeſit*, *Occiſit*: pro *Vindicarit*, *Verberarit*, *Prohibuerit*, *Occiderit*. Item *Tagit*, pro *Tetigerit*: *Pacit* & *Pacont*, pro *Pepigerit* & *Pepigerint*: *Faxſit*, *Rupſit*, pro *Fecerit*, *Ruperit*: *Parret*, *Cepet*: pro *Parauit*, *Ceperit*, *Miſeit*, *Vineit* pro *Miſerit*, *Uixerit*. Item, *Duit*, *Adduit*, *Conauit*, *Transduit*: pro *Dederit*, *Addiderit*, *Condiderit*, *Tradiderit*. In paſſiua etiam formas: *Turbaffitur*, pro *Turbatum fuerit*:

*Fa-*

*Fariator, Nancitor, pro Fari velut, Naclus fuerit. Item Darier, Leibarier: pro Dari, Libari. Sic Oetier & Oitier, pro Vii.*

*In Coniunctis vocibus facta interdum separatio: vt En do, In do, In-du: pro Endo, Indo, Indu. Sic Indo testato, pro Intestato: Endo ponito, Endo iacito, Endo manos iactio: pro Imponito, Iniicito, Manus iniectio. Item Quicumque, pro Quicūque: & consimilia. Contrà interdum coniunguntur, quæ alioqui separari solent: vt Stato liberum, pro Statu liberum..*

F I N I S.

COMMENTARII  
VINCENTII LVPANI  
DE MAGISTRATIBVS  
ET PRÆFECTVRIS  
Francorum.

## AD LECTOREM.

**D**Vces, Comites, Marchiones, Praefectos à Regibus civitatibus, & gentibus, & cum eis commodum videretur, dimitti solitos Paulus Aemilius, & Beatus Rhenanus memoria prodiderunt. deinde moribus receptum est, ut quoad vita superstes esset; id honoris haberent, nec, nisi sceleris convicti, dignitate privarentur: eiusq; rei nomine sese Regum beneficiarios profiterentur. reliqui magistratus perpetui, & codicillares fuere: licet id ipsis codicillis scribi so-  
 leat à Rege: QV OAD NOBIS PLACVERIT: neque moribus nostris licet viuentis magistratum petere, aut ab aliquo gesti magistratus rationem reposcere: quannus Philippi pulchri edicto sancitum sit, ut tertio quoque anno in Consiliarios Regios inquire-  
 retur. Tamen concussionum, sordium, & corruptela reis peractis, in aliquot annos, & non-  
 nun-



nunquam in perpetuum, solent magistratus  
 adimi. Postremo Divi Ludouici & Caroli  
 quinti edictis cautum est, ne magistratus  
 venirent: sed viris mandarentur frugi, do-  
 ctis, & omnibus numeris continentia ac pru-  
 dentia ornatissimis: cuiusque rei vestigium so-  
 lum restat, cum in curias cooptandi, & iuri-  
 dici conceptis verbis à Præside rogantur, num  
 pecuniis magistratum consequuti sint. Verum  
 Ludouici duodecimi edicto eorum publica fa-  
 cta est dinundinatio, ut scribit Gaguinus:  
 quod edicto hoc Principe est prohibitum. Sic-  
 que Vespasianus & Heliogabalus honores vē-  
 ditare solebant: à quibus longè dissentiebat A-  
 lexander Severus, qui honores vendi nunquā  
 passus est: NECESSE ENIM dicebat, VT  
 QVI EMIT, VENDAT. deinde subiunge-  
 bat: NON PATIAR MERCATORES PO-  
 TESTATVM: QVOS SI PATIAR,  
 DAMNARE NON POSSIM. ERVBE-  
 SCO ENIM PVNIRE ILLVM HOMI-  
 NEM QVI EMIT, ET VENDIDIT.

---

*REGIA MAIESTAS.*

**F**RANCI, siuè ab extremis Septentrionalis Oceani populis profecti, siuè à Scythis, aut ( vt ipsi contendunt ) à Troianis oriundi, in Germania sedes posuere ad Rhenum in Tenctëris iuxta Chamauos, veteres Sicambrorum sedes, vsque ad Mœnum, & Salam fluuios, Catthorum locis aliqua ex parte occupatis, vt commodius Gallos, finitimos, bellis & incursionibus quotidianis lacefferët. qui, cùm miro desiderio Galliæ occupandæ tenerentur, frugum dulcedine, & cœli amœnitate allecti, Rheni transitu ab Aetio Patritio, imperante Valentiniano tertio, sunt prohibiti. tandem, Rhenum transgressi, in Germania inferiori, & Belgica superiori, inferiorisq̃ parte confedere, posteaque sensim, quicquid Galliarum supererat, suo imperio adie-

adiecere: & Frácia dicta primùm quicquid Meroneus tenuit. Cum verò, latè propagatis finibus imperij, rebus gestis & Christianæ pietatis cultu orbem impleuissent, missi oratores ab Anastasio Imperatore, qui Clodoneum, iam Christianam religionem profitentem, Consulem, & Patritium salutarent: missique alij cum maximis muneribus, & Tyberij imagine ad Chilpericum. adeò formidabile iam tum ab initio Imperatoribus Romanis Francicum nomen fuit. Vbi maiora pietatis, iustitiæ, clementiæ monumenta? quæ sic hominum mentibus, & literis impressa sunt, vt ea nulla temporis obliuio delere possit. Quamobrem fieri arbitror, vt authoribus Platone, & Xenophonte, **QV ALES SINT PRINCIPES, TALES SINT CIVES.** Est autem regnum Francorum *παμβασιλεία*, apud eosque tantum Regium nomen valet, vt tanti quæque res

fit, quanti à Regibus æstimatur. Solent enim homines plerúmque vitam principis æmulari. tanta verò in Reges sunt obseruantia, quãta potest dici maxima: adeò, sacramento Regi dicto, Franci religione tenentur. Itaque belli indicendi; pacis firmandæ, vectigalis imperandi, legum sancendarum, creãdorum magistratuum illi ius: & in summa, quodlibet, licet: & quæ dicit, pro legibus habentur: ea tamen moderatione, vt, Antigoni exemplo, id sibi tantum licere putet, quod natura honestum, & per se rectum sit. Populus verò, atque adeò procures, tanta veneratione Regem colunt, vt, pro eius dignitate conseruanda, non opes tantum, sed vitam ipsam profunderè non dubitent. Itaque non immeritò Xenophon boni pastoris, atque Regis exempla confert: quando Plato, more Homérico, Reges pastores vocat. quid enim melius vnius  
prin-

principatu, qui idem sit optimus? At quales fuerint Principes, tametsi unusquisque intelligit, omnibus tamē multò testatissimum ex iis erit, quæ à me carptim, summamque, & breuiter, hoc loco dicentur: atque interim ad alia transibo.

---

*DELPHINVS.*

**P**ost explicatam à me Regiæ maiestatis auctoritatem, breuius fortassis quàm res tanta dici debeat, prima rerum serie se offert Delphinus, regis apud nos heres proximus, & necessarius. de cuius origine pauca mihi dicenda sunt, si prius monuero te, in antiquis monumentis, atq; eius epitaphio, quòd Luteriæ in Dominicanorum templo adhuc legitur, Calphinum scribi, cum hac inscriptione. *HUMBARTVS ENNEVS DALPHINVS VIENNENSIS.*



Cùm itaque Vmbertus, Delphinatum Princeps (sic enim eum appellat Paulus Æmilius) ex filij morte, quem vnicum habebat, dolorem tantum concepisset, vt sæpius cogitarit monasticam vitam profiteri, adhæc à Saubaudocōtinuo bello premeretur, viribus impar, dum suis consultum vult, omni dominatu Philippo Valesio ea conditione cessit, vt Regis proximus hæres Delphinus vocaretur. ita enim principes suos Delphinates appellabant. Alias causas adfert Nicolaus Gillius: nempe Imbertum (nam enim sic vocat) stomachoso animo erga suos heredes, religionis tamen specie, vniuersæ ditionis suæ ius quadraginta scutatorū milibus Philippo Valesio vendidisse ea conditione, vt Regis proximus hæres Delphinus diceretur, eiq;, quoad viueret quotannis penderentur Florenorum decē millia, ipseq; postea Lugduni se Domini-

ni-



nicanorum cœnobio destinavit. tandē  
Lutetiæ in Dominicanorum templo se-  
pultus est. Primus hoc Delphini cogno-  
mine census Carolus Quintus. Antē  
regum maximi natu filij, vel quibus Re-  
gnum hereditario iure obueniebat, suis  
nominibus vocabantur. Neque enim  
priscis illis temporibus tam honorifica  
fuit appellationum ratio, ac nunc. A-  
pud Angelos mos fuit, vt quem Rex si-  
bi successorē optasset, Normaniæ Dux  
diceretur, dum ea potiebantur Angli,  
vt tandem à regibus Francis recepta,  
Vallia Dux vocatus est. At qui apud  
nos Delphini, apud Romanos Cæsares  
dicti sunt, quasi quidam Principum filij,  
& designati Augustæ maiestatis hære-  
des, vt author est Spartianus in Ælio  
Vero. hinc Germani Romanorum Re-  
gem Cæsarem appellant. Idémque  
Principes dicti iuuentutis, testibus Ta-  
cito, Suetonio, & Lampridio: quantaq;

fuerit Cæsarum dignitas, & partes satis explicant Herodianus, Iustinianus constitutione tricesima, & Capitolinus. Hoc verò auspitium erat futuris Imperatoribus: vndè ab Hispanis qui mortuo parente regnum adepturi sunt, Principes appellantur, & Infantes Regum filij. Quem morem suspicatur Laurentius Valla à vetusta Romanorum consuetudine sumptum, apud quos, teste Hieronýmo, filij etiam grâdes à parentibus Infantes vocitabantur. Qui mos Francis quoque inoleuit. Nam ut Græci παῖδας, sic nostrates filios, puerosque appellant infantes. Denique filij Imperatorum Græcorum Despotæ vocabantur. quod usu apud nos receptum est. Dominum enim vocamus Delphinum, digna tanto principe appellatione, & Græca dictione Græcæ respondente μόνον κύριον. At Regem, detorta voce Græca in Frâciam, κύριον. Nā Francis

cis nulla est differentia inter C, & S, in pronuntiatione, quando C præcedit I, aut E. Nā ita Cicero pronuntiant, veluti si Siffero scriberetur. Græci imperatores *δεσπώτας*, Latini Dominos vocabāt: quo nomine Augustus, Tyberius, & Severus vetuerunt se appellari. Imperatorumq; coniuges Augusta, Domina, *δέσπονα* nuncupata. Hodie apud Francos, Hispanos, Italos, nobis obuios quosq; si nomen non succurrit, Dominos salutamus, vt olim veteres solebant, teste Seneca. Lōgè tamen blādiorē salutatione vtuntur Itali, & Hispani, quā nos. nobis tamē hoc cum illis cōmune est, præter alia multa, vt Signores salutemus, quos honore aliquo dignos putamus, quasi seniores. Sic à Christianis Presbyteri dicti, quòd prudētia, & ætate cæteris essent venerabiliore. quod verbum ad dignitatē potius, quā ætatē refertur. Soliti verò sunt Principes secūdiōribus  
rebus

rebus sibi maiores titulos vsurpare, vt Alexander, qui Dario pulso, & multarũ gentium principatu potitus, datis ad Singulas Græciæ ciuitates literis, publico totius Græciæ decreto, Deus dici postulauit: & Domitianus, exemplo Caligulæ, Dominum, & Deum se vocari coëgit.

---

*Regens Franciæ.*

**S**atis vnicuique compertum, & cognitum arbitror, quot, & quam huic regno perniciosos tumultus exciuerit graue hoc, & inuidiosum Reſtorũ nomen, Principibus viris partim clàm tãtam potentiam illis inuidentibus, cùm se præteritos sentiebant partim eorum imperium ferre nolentibus. Constitui verò cum imperio solèt in interregno, sedeque Regia vacua, aut Rege in longin-

ginquam expeditionem proficiscente,  
aut captiuo, aut puero, aut mente capto.  
Quod ita à me pluribus explicabitur, ut  
cum veteribus exēplis noua possis con-  
ferre. Itaque Chilperico vita functo,  
adhuc in cunis vagiente Clotario se-  
cundo, Guntranus, Patruus infantis, tu-  
telam, & regni curam Landrico dele-  
gavit, summoto Childeberto Medio-  
maticum Rege eam affectante: & Phi-  
lippus Longus, post discessum ex hac  
vita Hutini fratris, Clementia grauida,  
ventris tutelam, & regni administratio-  
nem suscepit: Caroloq; Pulchro mor-  
tuo, relicta Ioanna vxore ventrem fe-  
rente; cū Edoardus, Angliæ Rex: per  
legatos regni procurationem posceret,  
communi trium ordinū consensu, Phi-  
lippus Valesius Franciæ Rector creatus  
est: idēque, in Syriam exercitum pa-  
rans, vocato Ioāne filio quatuordecim  
annos nato ad regni gubernacula, pri-  
mores

mores in eius verba iurare coëgit: multo-  
tòque ante D. Ludouicus, in Africam  
traiciens, Simonem Neellam vnum ex  
primariis aulae proceribus, & Matheum  
Vindocinensem, Duumuiros regendo  
imperio constituit. Adhæc Carolus,  
post patrem captum in Pictonibus, sum-  
mæ rerum præfuit, ipseque moriens, ne  
qua rerum nouandarum occasio dare-  
tur fratribus, Ludouicum Andegauen-  
sem Gazophylacem, atque Philippum  
Burgundum, & Borbonium puëritiæ  
filij moderatores reliquit. quo deinde  
eò furoris & insanix propulso, ad Ce-  
nomanorum urbem, vt Epheborum non-  
nullos occiderit, qui sibi cassidem, &  
lanceam præferebant, alios vulneribus  
malè mulctarit, donec cædendo fessus  
ab alienata mente equo decidit, Bitu-  
rix, & Burgundus, Patruj, regni procu-  
ratores facti sunt. Denique, ipsius Ca-  
roli edicto, regni administratio Pan-  
celtio



celtio attributa est. Moris quoque est, nondum maturo regendo imperio Rege pubere, regendi molestum hoc munus Reginae deferre, ut post mortem Ludouici octauæ contigit: tametsi moribus nostris à regni gubernaculis mulieres arceantur. Rectorumque tanta olim autoritas fuit, ut Caroli nomine, patre Ioanne captiuo, arresta fierent, rescripta concederentur, edicta promulgarentur cum hac inscriptione, CAROLVS, REGIS PRIMOGENITVS, FRANCIAE RECTOR. Prius tamen Regis tantum Legatus dicebatur. Arresta verò ipsa Regis verbis concipiuntur: sicque Romæ in edictis Prætoriiis nomen Imperatoris cum veneratione præscribatur.

*MA-*

---

*MAIOR DOMVS, ET  
Coneſtabilis.*

**P**Erpetuum fuit Regibus institutum πολύμητον aliquem ſibi eligere, qui rerum uſu, & explorata fide facile primum locum apud eos haberet, ut, omni cura ſoluti, quieti ſe darent, qualis magiſter equitum Regibus Francis fuit. quod exitium attulit proli Magni Clodouei, noſtræ religionis authoris, Regibus præſertim ſeſe ignauix, & luxuriæ mancipantibus, EX REBUS PROSPERIS SEGNITIE ORTA. Sic Caliphæ, cùm ſe ſocordix dediffent, Sultanos inſtituerunt. At Principe dignum laboribus innutriti, regere, non regi, ſuóque potius, quàm alieno conſilio regnum adminiſtrare, & ut aiebat Veſpaſianus, ſtantem eum mori. Sed ad rem veniamus. Magiſterium Equitum non  
conſe-

consequabantur apud Francos, nisi primariæ authoritatis viri, & Principi necessitudine quadam, & sanguinis propinquitate coniuncti: ad quod honoris fastigium qui conscenderant, Magistri aulæ, vel Maiores domus, vel paltaij vocabantur. vnde Comiti Palatino nomē esse quidam opinantur. quod tamen Beatus Rhenanus non probat. nam Meier nostros in Maiorem vertisse scribit, Meiérque antiquis significare Præfectum, quemadmodū in usu esse ait quibusdam nationibus, ceu Saxonibus, Anglis, & Scotis, qui omnes insulares fuerunt: multoque maxima pars verborum Francicorum à Germanis profluxit. Verum in transcurso non duxi omittendū à Procopio, libro tertio belli Vandalici, cuiusdam aulæ Præfecti mentionē fieri, quem à Romanis Pretorem dici scribit. sed, quis ille fuerit magistratus, non legi, vt multa sunt, propter scriptorum

inopiam, nobis incognita. Demùm Magistrorum Equitum olim tanta fuit auctoritas, vt pro suo arbitrio, Regis tamẽ nomine, omnia gererent, quæ ad totius regni procuracionem pertinerent, Regesque *μεγαλορρουντες* (nã fortè, vt apud Persas, sub prætectu maiestatis ipsi occultabantur) responsa gentibus per eos dabant, perpetuòque delitescentes, vt Ninus ille, tantum Calendis Maij populo spectandos se præbebant, ornata coma, & promissa. quod Regiæ maiestatis insigne erat: idque eleganter ostendit Agathius; libro primo belli Gothici. Subditi verò circumtonsi omnes. quem morem tenuerunt Franci, vsque ad Petri Lombardi tempora. Sed hoc à me de industria pluribus, vt ostenderem, præter fabularium nostrarum historiarum fidem, Francos olim non solitos comam summittere: tamen in multis Chronicis legatur Clodij Comati fuisse

se institutum, ut Franci, in signū libertatis, prolixiore capillo uterentur: vel, ut scribit Volaterranus, ut à Gallis discerneretur. Ceterum Magistri Equitū fuisse, primis illis temporibus, Ebroinus, Martellus, Pipinus: quorū maxima fuit apud Reges & gratia, & authoritas, Ipseq; Pipinus à Pontifice Maximo Rex, una & clara omnium voce, creatus, in ordinem coacto Childerico: eoque pacto Regium nomē à stirpe Clodovei ad Pipinum delatum, Regū ignavia, & postea ab eius sobole ablatū: ITA INGENIORVM, VT STIRPIVM, SENIVM QVODDAM EST. Sed, ut rem omnem, altius repetitam, strictim, diligenter tamen, tibi explicemus, duplex de huiusce magistratus initiis opinio est. Prima asserentium Magistros aulæ, siue palatii Praefectos, aliquando Principes, vel Duces Fraciæ, additōq; nonnūquā epitheto, Magnos Duces nūcupatos: sicq; Mar-

tellum salutatum, habito totius Franciæ communi concilio, Paulus Æmilius scribit (quod tamen maioris honoris causa factum putat) atque ita, multis annis consequentibus, Hugonem Capetum vocitatum & annales excussi referunt, & in manu scripto codice Divi Victoris ad urbem reperi, eosque postea Conestabiles dictos, nomine fortassis ex Græca aula repetito, & ab Iustiniano usurpato. Vnde Præfectus prætorio, quem sub Dictatoribus Magistrum militum vocabant, labante sensim imperio Romano Magister stabuli dictus est apud Pomponium Lætum. Alij longè aliter sentiunt, Maiorémque domus dignitate, authoritate, gratia, apud Reges differre à Conestabili volunt, illumque non disciplinæ tantùm militari, sed rerum summæ præfuisse. hunc verò initio (quod nomen ipsum indicare affirmant) regio equili Præfectum fuisse,



fuisse, ut hodie Archippocomus, & ita Comitem appellatum, apud Græcos Cæsares, atque Conestabilem, siue Comestabilem, pro Comite stabuli, vocatum. Caterum, Conestabulatus dignitatem, nomen, decusque ab iis accepisse, qui hoc magistratu fungebantur: Regesque ipsos, Præfectorum aulae odio, atque invidia, mutato nomine, Conestabili, quem ea ratione Magistrum militum Latine vocare potes, rei militaris primas detulisse. Itaque criminum Militarium apud nos cognitio, & persecutio ad eum pertinet, emanorum, & eorum, qui absque honesta, aut causaria missione discesserint, & ad diem com meatus non venerint, exploratorum, proditorum, transfugarum, desertorum, prædæ, manubiarumque, redemptionum, stationis relictæ, denique actionum personalium iudicio milites inter se litigantes audit: cui pro insigni gla-

dius est liliatus, quem ὑπαρχον gestare  
solitum ex hoc Traiani dicto memora-  
bili colligitur, vt Dion, & Suidas refe-  
rant. Et, inquit ille, accipe gladium, & si  
rectè imperauiero pro me, sin secus, in  
me vtere. ὑπαρχον verò hoc loco G. Bu-  
daus Præfectū prætorij interpretatur.  
Cæterum Magnus Domesticus Impera-  
toribus Græcis enseni præferebat. quæ  
erat suprema dignitas post Imperato-  
rem. quo honore functum legimus Ca-  
tacunzenum imperāte Andronico iu-  
niore. Huius porrò Equitum Magisterij  
inuisum, & odiosum nomem Regibus,  
memoriæ proditum est. Ludouicū vn-  
decimum lege lata sustulisse: qua caue-  
batur ne in posterum vllus Magister E-  
quitum diceretur. Verùm, instituto ve-  
tere Francorum renouato, Ioānes, Bor-  
bonij Dux, Magister Equitum creatus,  
Rege Carolo octauo, quo etiā ho-  
nore Franciscus, Rex, Carolum Bor-  
bo-

bonium ornari voluit : post cuius ad Cæsarem defectionem , ab ipso Rege creatus Magister Equitum Annas Mōmorencius , Romanis verò erat Magister equitū: cuius, teste Varrone, summa potestas fuit in Equites, & Accensos, & instar Magistri Equitum Præfectus prætorio ab Imperatoribus Romanis electus : trēsque primū, imperante Cōmodo Præfecti , prætorio creati. Verū Magistri Equitū , & Præfecti prætorio distincta fuere officia. Itaque non video Præfectum prætorio cū Archiæcono-  
mo conferri posse (Magnum magistrum appellāt) cū dignitate, mea quidē sentētia , sint impares. Nā ille secūdam potestatem habebat militaris disciplinæ post Imperatorem , authoribus Aurelio Iuriscōsulto, & Tacito, & apud nos quoque est Principis semper Legatus in re militari: qualis Burrus Neroni fuit. Verū postea eius authoritas aucta erga forenses

causas. Ego tamen rem totam vniuscuiusque arbitrio relinquo, qui rem diligentius perpenderit.

---

*Pares Francia.*

**C**Arolus ille, qui ob rerum à se gestarum gloriam Magni cognomen habuit, confecto bello Saxonico, quod tricennale fuit, in Hispaniam magna collecta manu profecturus, ut Saracenos, Christianæ fidei perpetuos hostes, procul ab Hispaniæ finibus arceret, quorum vires iam toto orbi formidandas mathematici Heraclio cecinerant, delectissimorum, prudentissimorumq; duodecim Franciæ procerum sodalium instituit: qui proxima secundum Regem, ac inter se pari, vnde nomen habent, dignitate essent, in summarum rerum disceptatione: & cum Rex simpulo

pulo illo Remis vngitur, magna ceremonia, & frequentissimo procerū conuentu adessent: quibus solis sacrandi Regis ius est, & quasi in regni possessionem mittendi. In ipsis enim Remensibus sacris Lingonensis, & Bellouacus Episcopi, Regem folio subleuantes, simulant se à populo petere, num velit, iubeátque eum regnare: ac, velut annuente populo, à Remensi Archiepiscopo concepta solemnis & sanctioris sacramenti formula, iureiurando obstringitur, his verbis à Rege prolatis, HÆC TRIA PROMITTO. Ex his seni dicuntur vulgò Laici, Burgundus, Normannus, Aquitanus, Duces: Flander, Campanus, Tolosus, Comites. Pontifices Lingonensis, Nouiodunus, Catalaunus, Bellouacus, Laudunensis, Remensis: cuius inungendi Regis sunt partes. Aquitaniam, Campaniam, Normanniam, postremò multò maximam Burgundiæ

partē facilē Reges Franci suo imperio adiecerunt. Flandriam verò, post captū Franciscum Regem ad Ticinum, Carolus Quintus, Imperator, Francorum imperio exemit, & prouocationibus, quæ ad Curiam Parisiensem deferrebantur, quod vt sãctius haberetur, M. D. XLIII pacis conditionibus adiecit. antè summum imperium in Flandros penes Reges fuit. Sunt porrò qui duodecim Frãciæ Primorum originem ad Arturum Britannia Regem referant: qui Franciã per aliquot annos tenuit. verùm eius rei nulla in historiis mētio, quod legerim, aut meminerim. Sat verò scio Nicolaum Gillium, historiae ignorantia, scribere ausum etiam Troiani incendij temporibus Parium hoc sodalitium fuisse: quorum similitudo quædã est apud Homerum, Odis. libro octauo, vt eleganter notauit G. Budæus. Cæterum horum tanta olim fuit authoritas, vt de rebus omni-



omnibus, ad Rempublicam pertinentibus, ad eos referret Rex: si qua contro-  
uersia inter Proceres esset, horum arbi-  
trio componeretur: si quod crimen ad-  
missum ad exemplum pertineret, horū  
disquisitis sententiis iudicaretur. Deni-  
que penes eos erat rerū summa. nā fœ-  
dera feriebant, bellāq; iubebant: quos  
Latinè ea causa appellandos putat Pa-  
tricios Gulielmus Budæus, quasi patres  
cōmunis Reipublicę: ipsorumq; speciē  
quendā præferebant *ὁμότιμοι* apud Per-  
sas, æqualis propè cum Rege dignitatis.  
De Pariū causis, Curia, non Iuridicorū,  
cognitio, & iurisdictio est: quibus in pri-  
mo illo concessu Curie Parisiensis (Ma-  
gnam camerā vocant) sedendi, & sentē-  
tias dicendi post Præsides ius est. Pōti-  
ficū Lingonensis (licet id sibi sumat Re-  
mēsis) Laicorū (vt vocant) Burgūdu fa-  
cilè Princeps, Carolo 7. iudice, cū Re-  
mis, sacris, peractis, cōtētio orta esset, q  
pro-

proximum post Regem accumbendi mensæ locum haberet. Sunt tamen qui scribant Philippum Audacis cognomentum tulisse non à mensæ rixa, sed quòd in Pictonibus strenuum se præstitisset eo prælio, quo pater ab Anglis captus est, cùm fratres se conflictu subtraxissent, solusque inter confertissima pugnantium tela patrem seruasset. Sed, ut ad rem veniamus, cùm Burgundiæ pars, Aquitania, Normania, Campania, Tolosa, Francorum Regum opibus accesserint, in Remensibus sacris peragendis à Rege delegantur, qui ipsorum Ducum, & Comitum vices gerant. Denique suos habent cōuentus iuridicos, id est magnos dies, à quibus ad supremas Curias prouocatur. A Flandriæ quodam Comite horum exemplo Patriciolos creatos scribit Gulielmus Budæus, & Pares Nigellanos dictos. Itaque non dubitat Robertus Gaguinus  
duo-

duodecim horum Procerum originem ad Carolum Magnum referre:eam,credo,vt augustiorem faciat. quod nec refellere,nec affirmare, in animo est. De eorum quoque origine à Paulo Æmilio ne verbum quidē, aut ab aliis, quos plurimos ea causa diligenter legi. Tantum ait (cū Tassilionis meminit, à Carolo Magno ad iudiciū Procerum reuocati) nondum eo tempore Compares Franciæ Duces, Comitēsq;, eo, quo nunc, ordine, & maiestate fuisse. Denique à quibus initiis creuerint, omnibus vestigiis disquiro. Quamobrem libuit, ex Dionis epitome à Ioanne Xiphilino composita, huic loco pertinentem historiam referre. Ait enim stante Republica omnia ad Senatum, & in commentarios publicos, referri solita. quo fiebat, vt ea nota essent omnibus. Postea, cū cūctā Republica ad vnius arbitrium omnia sunt redacta, occultè  
geri

geri ea, & administrari cœperunt: & quæ in vulgus emissæ sunt; quia nō possunt probari, fidem non faciunt. Nam omnia dici putantur in gratiam Imperatorum. Quamobrem quæ nunquam acciderunt, in ore sunt omnium: contrā multa silentio prætereuntur, quæ acciderunt: reliqua aliter, quàm acta sunt, narrantur. Quare magnitudo imperij effecit, & rerum gestarum multitudo, ut nō possint ab vno res gestæ accuratè perscribi. Hac ille. Utinam verò oriatur aliquis, qui cornicum oculos cōfigat, & quo quidq; tempore factū fuerit, & creuerit, ex sanctioribus scriniis Regiis, vel aliunde erutum, in medium proferat.

---

*Mareschali.*

**T**RIBUNI, seu Præfecti militum, quatuor sunt: ad quos, post Magistrum Equitum, rei militaris summa refertur,

per sp

perspicuo exemplo clavis virtute bellica-viris honores mandari solere. Demū Mareschalum, quasi equorū Præfectum, dici scribit Beatus Rhenanus à Marcā, antiquo vocabulo, equum significante: quanquā Ansegisus Marcavtitur pro limite. Gulielmus Budæus Mareschalos appellatos putat quasi maiores, hoc est iudices, in cabello sedētes. sed hoc durius. Quamobrem in vniuersum lectore monitū velim hascce verborū *ετυμολογίας* ideo obscuriores, quòd vetustas multas deleuit. Nā multa verba literis cōmutatis sunt interpollata, & hominū ignorātia multa deprauauit. Ideo, quæ nobis maiorum nostrorū incuria ademit, diligentia compensanda. Tribunis ea potestas est in milites, quæ Magistri Equitū: quorum sunt partes castis locum eligere (vnde à nonnullis Magistri castrorum dicti) ac milites in officio continere: in quos vitæ, & necis potestatem habent.

habent. quod munus eis mandant, quos  
vulgò Preuostos Mareschalorū vocant.  
Similes his propè fuere Irenarchę quo-  
rundam iudicio, Aurelio, Martiano, Iu-  
stiniano emendandis moribus, & disci-  
plinæ publicæ præfecti: quibus, Regio  
edicto, commeatum castrensiū cura  
est, eisq̃ue præteritum statuunt, &, absque  
prouocatione, emanfores, apolidas, ac-  
cos, per lasciuia aliquid agentes, mu-  
lierum stupratores, ferarum confecto-  
res, capitali pœna afficere licet. deniq;  
ad eos omnium criminum militarium  
coertio pertinet. Larruncuatores La-  
tinè appellaueris. Verūn, quando in  
militum mentionem incidimus, non  
abs re fuerit commemorare Carolum  
septimum, post Anglos Francia pulsos,  
in rei militaris studium tanta cura incu-  
buisse, vt regnū per multos annos con-  
tinuis bellis attritum præsidiis, muni-  
tionibúsque firmare statuerit, Adriani  
exem-



exemplo. Nam, pace Francis restituta, contra probi Imperatoris opinionem, non existimantis necessarios milites, ubi hostes deessent, primum equestrium copiarum turmas centenarias, & quinquagenarias instituit: quòd equitatu gloria Francorū constet. nouerat enim Rex prudentissimus, & alia quadam mente præditus, arma domestica auxiliaribus, & mercenariis omnium iudicio præferenda, viliusque semper constare suos armis exercere, quàm certis conditionibus, & auctoramentis externos milites cōducere. Numerus porrò cataphractorum Francicorum ad mille, & quingentos fuit: qui in præsidiis urbium collocarentur. Postea, vt sine externo peditè imperij fines tueretur, quinque millium peditū cohortes descripsit: habitusque delectus peditum agrestium, Franci Archieri dicti: quòd liberi ab omni tributo fūerint, dum mi-

litarent, & arcu, sagittâque vterentur. Francus enim, nostra lingua, immunem significat. Eo mortuo pedestris exercitus gloria interiit, & à Ludouico vndecimo Heluetiorum ad quinque millia stipendium accepere (in numero tamē variant historici) quod & nostro tempore persoluitur, ea causa, opinor, quòd strenuam operâ. nauassent Renato Lothoringiæ Duci, aduersus Carolum Burgundum, ipsique Sagittarij Franci Talpini nuncupati: quos, me puero, villæ, vicique, collata in singulos menses stipe, Regis mandato ad bella mittebant: à Græca dictione deducta origine (ut ferè pleraque vocabula Græco fonte fluunt (nam *ταπεινός* depressum, humilémque significat, & ad genus, conditionémque refertur: dicebanturque apud nos ex Paganis conscripti milites (sic bucolicos milites agrestes appellat Capitolinus) reliquique pedites, qui  
eos

eos exercitatione, & disciplina militari  
superabant, Auenturieri vocati, quasi  
ad omnem euentum parati. exinde, vt  
verba pronos mutantur in annos, ab  
Italis sumpto vocabulo soldati nuncu-  
pati, quasi solidati. Solidatum verò Ve-  
getius, Cassiodorus, & Frontinus eum  
appellant, cui stipendia ab Imperatore  
promissa erant. Soldoieros olim dictos  
legi in veteribus edictis Philippi Vale-  
rij. & Caroli sexti, exolescentibus penè  
literis scriptis, ac apud Froissardum, &  
Monstreletum sæpius. Nuper verò Frā-  
ciscus Rex ad morem Romanum mul-  
ta reuocauit, conscriptis tota Francia  
septem legionibus, adeò vt pedestris  
exercitus gloria penè intermortua, hoc  
Principe reuixerit. Cuique legioni, que  
sex hominum millibus constabat, suus  
Præfectus, vel taxiarchus, datus. Colo-  
nellum appellant, à colonia sumpto vo-  
cabulo. Præfecti Chiliarchi sex. vniū.

cuiusque Chiliarchi Legati duo, & signiferi imperio parent: recensendique exercitus bis anno mos fuit. Quotquot autem iurati ei militiae nomen dederant, immunitatem consequiebantur: qui, si Præclarum aliquid gessissent, annulo aureo donabantur. quod, si per honorum gradus præclaris rebus gestis ad Legati officium pervenissent, natalibus restituebantur: &, ne in prælio urbiūque expugnatione vulneribus confecti hostiatim victum quærere cogerentur, publico Rex ali iussit, ut olim in Prytaneo Atheniensi. Nam nouerat ipse Rex omnium optime his potissimum habendam gratiam, qui pro patria sanguinem, & vitam profudissent, quosque Iustinianus Imperator in perpetuum per gloriam viuere dixit. Quin etiam quinquaginta peditum millia colligi edicto sanxit: quibus stipendium ab urbibus muro cinctis persolueretur.

Aliud

Aliud genus est militum, nempe euo-  
catorum, ex nobilibus maximè compa-  
ratum: quibus, totius Franciæ instituto,  
militare tres menses oportet. Banna, &  
Retrobanna vocant nostrates: cuius  
verbi nullam aliam etymologiam dari  
posse puto, quàm quæ à Procopio ad-  
fertur, libro quarto belli Vandalici, ait-  
que Bannum Romanis signum dici, &  
Bandophorum Ducis signum ferentē.  
ab eo quidam Banderias dictas putant.  
potior mihi AEgidij Claronensis sen-  
tentia visa est, affirmantis banieras (Ita-  
li bandieras vocant) à Germanico ver-  
bo Baner deductas: quod vexillū signi-  
ficat. & notat Cælius Rhodiginus Gal-  
los Bannum publicum edictum nuncu-  
pare. inde apud Ansegisum sæpius le-  
gas Bannum soluere, in Bannum mitte-  
re, Bannire, & similia. Adequites quod  
attinet, laudabile Caroli septimi insti-  
tutum retinemus, ferèque Principibus,

& proceribus sua est peculiaris turma,  
cui statum, & præscriptum stipendium.  
Solent verò, constituto tempore, recē-  
seri in transuectione equites, probatq;  
diuersis in stationibus collocati, vt ad  
primum belli tumultum parati adsint.  
In illa equitum probatione quemque  
cataphractam, sago serico ornatum, ha-  
bere oportet bellatores equos quatuor  
robore, & magnitudine præstantes (ni-  
si se militum albo expungi velit) pha-  
leris bubalinis, velè coriò recocto con-  
fectis, insignes. præterea ephebum ar-  
migerum, & subsidiarios duos latero-  
nes: quos, idem significante vocabulo,  
Costilerios appellant. Cuiusque ipsorū  
arma sunt lancea peracuta, claua ferrea,  
gladius. adhæc oblongus mucro, quo  
stratos & humi procumbentes hostes  
conficere solet. atque, istiusmodi armis  
instructum cataphractum, Lanceā for-  
nitam vocant, Hippotoxotæ equi sunt  
duo



duo generosi. Archierū appellant, quasi arcigerum (ab arcu ligneo, & ut plurimum fraxineo, non ut Turcæ corneo: quem olim in equis gestabat) nuncque nomē retinet: quāvis aliis armis utatur. T. Liuius, lib. 5. belli Macedonici, ait equitum innumerabilem vim traieciſſe Hellesponto in Europam, partim loricatoros (quos cataphractos vocat) partim sagittis ex equo utentes. & Q. Curtius equitibus, equisque Persarum tegumēta fuisse ex ferreis laminis serie inter se connexis, quibus hodie utuntur cataphracti Franci. Armis verò æneis prius uti solitos antiquos, quā ferreis, ex Hesiodo patet. linteis quoque thoracibus priscos pugnasse Homerus & Plinius testantur. Sunt apud nos levis armaturæ equites, velites & expediti ab Æliano dicti, à Dione, in Nerone, psylli, in nullo propè numero apud Francos. Hæc multa nomina dant sapius.

Itali, Græci, & Epirotæ (hos nostri Albanos vocant sine discrimine) quibus pernices sunt equi, & latrocinii, quàm bello aptiores. Extraditos appellare ignari: cum stratiotæ dicidebeant Græco vocabulo: vestiunturq; tunicis ad talos vsque demissis, vt Turcæ illisq; pro regumēto capitis cyrbasia est, quomodo opera vt plurimum in bello vtuntur Veneti.

---

*Hamiralus.*

**C**VM duo tantum sint belli genera, vnum terrestre, alterum nauale, non absurdum fuerit, post terrestrium aliquot ducum explanationem, ad maris Præfectum diuertere. oportet enim, vt in Republica bene instituta solet, apud nos esse nonnullos, qui rerum naualiū, alios qui terrestri ū curā habeant.

pau-

paucos verò reperias, qui cū terreltri  
pugnandi gloria nauale decus addide-  
rint. Nam alia est regendorum equorū,  
& gubernandæ classis ratio: soliq; Bri-  
tones, & Normani, reliquique Oceani  
Gallici, & maris interioris accolæ, py-  
raticam in maxima laude ponere soliti  
sunt. mediterranei, terrestre pugnae ge-  
nus sequuti, in eo se oblectant: tamen si  
legatur in Panegyrico, qui Cōstantino  
Augusto inscribitur, Francos, Germani-  
ci Oceani accolas, pyraticam exercuis-  
se. Itaque maris Præfectus, vel, idem si-  
gnificante vocabulo, Thalassiarclus  
creatus est: cui totius belli maritimi cre-  
dita esset prouincia: præterea procura-  
tio portuum, triremium, naualium, Græ-  
ca voce in Francicam detorta. nam ἄλς  
mare est: vnde Francis Hamiralus: qui  
totius rei maritimæ disceptationem, o-  
mniumque criminum cognitionem si-  
bi vendicat: nautas, & mercatores lit-  
i s

gantes audit : ad ipsiusq; curam pertinet edere, quos suæ iurisdictioni præesse, aut vices suas gerere velit : ipsiusque est decima prædæ, manubiarumque. denique in sua verba adigit nauum, triremumq; præfectos : fidem publicā dat : & cum hostibus aliquot dierum inducias pacisci potest, ut tutò piscari liceat. cui pro insigni est anchora atq; corniculum, ut quidam existimant. Plures nonnunquam creatos legi. nempe vnum Aquitanico, alterum Britonico, tertium Francico mari præfuisse : ut ferè apud nos, pro Principis arbitrio, legum & rerum omnium, ut numismatum, mutabilis usus est. Præterea Comites ad custodiam maritimam accersitos notat Beatus Rhenanus. Sic fuere Romæ, stante Republica, Duumviri classis ornandæ, reficiendæque : & postea, Imperatorum tempore, Præfecti classis Misenatium, & Ravennarium,

tinum, ad tutelam superi & inferi maris:  
&, quo tempore Plinius periit, præ-  
erat classi Misenenſi: atque apud Im-  
peratores Græcos, inclinata iam glo-  
ria & Romanæ linguæ, & imperij, Ma-  
gnus Dux classi Imperatoriæ præfuit:  
cui parebat Magnus Drungarius, &  
Admiratus, & Protocomes, cæteri-  
que classi curatores. Ameralium quo-  
que præfuisse classi Imperatoriæ Vo-  
laterranus auctor est: unde huiusce  
nomen possis deducere. Itaque finem  
facturus eram: nisi in mentem venis-  
set paucis verba facere de pœna, anti-  
quis tamen inusitata, addicendorum  
remigiis hominum apud nos. ablegare  
in tritemes vocant, ea loquendi for-  
mula, qua mittere in latumias. Hi por-  
rò transſtris insidentes, scalmisq; al-  
ligati, in temporariam seruitutem, a-  
liquando in perpetuam, rediguntur:  
qui non, vt olim, assa voce, vel tibia,  
sed

sed sibilo, flagrisque, ad officium reuocantur, atque incitantur: cum quo cruciati nullum conferri posse puto. Suetonius tamen in Augusto scribit viginti millia seruorum manumissorū ad remum data, vt remos tractare discerent, & bello nauali se exercerent. Nam mos fuit Romæ, in maxima militum penuria, seruos armare, vt post cladem Cannensem contigit. Nerôq; Gallis rebellantibus, in Galliam expeditionem certum dominis seruorum numerum indixit, cum Romanas tribus ad sacramentum vocasset, nullusque idoneus responderet. Itaque hosce remiges vulgus forsatos appellat, quasi vi ad remigium coactos, vt contra Volones Romanis dicti, qui se sponte pro dominis pugnatueros essent polliciti.

*Equites*



*Equites ordinis.*

**P**Ræclarum illum morem, ut proceres torquæ aureo insignirentur, à Romanis ad Francos traduxit Ludouicus undecimus, cum Calendis Augusti, anno millesimo quadringentesimo nono & sexagesimo, Ambasiæ ordinem Diui Michaelis institueret. Initio verò fuit cohors quædam triginta sex regni procerum, inculpatorum equitum, dicta à Diuo Michaeli societatis præsidæ, cuius ipse Rex *κρυατῆς* est: quibus mos est gestandi quotidie conchulatum torquem ducetorum aureorum: quem donare, vèdere, oppignerare, fas non est. Primi huic numero regia auctoritate adscripti sunt Carolus, & Ioannes, hic Borbonij, ille Aquitanix Dux, Ludouicus Luxemburgus Comes Fanni Pauli Magister Equitum, Andreas.

Da

Daualus Tribunus militū, Ioannes Sacri Cæsaris Comes, Ludouicus Bello-  
montanus, Ludouicus Toteuilanus, Lu-  
douicus Daualus, Ludouicus Borbonij  
nothus maris Præfectus, Antonius Ca-  
baneus Archicœconomus, Ioannes Ar-  
migniaci nothus militū Tribunus, Geor-  
gius Trimoleus, Gilbertus Cabaneus,  
Carolus Cuissolus Piætonum Iuridicus,  
Taneguinus Castellanus Præfectus Ruf-  
sinosensis: reliqui sodalium suffragiis e-  
lecti, quorū nomina non legi. Qui por-  
rò huic sodalitia nomina dant, in verba  
Principis adiguntur: quo neminem  
moueri constat, nisi hæreseos, aut pro-  
ditionis reum peractum, aut signorum  
desertorem. Quando verò agebatur  
de aliquo in demortui locum eligen-  
do, non suffragiis, sed tabulis electio  
fiebat: quæ obliqnata in peluim conii-  
ciebantur: quibus à Cancellario nume-  
ratis, qui plures tulisset, in collegium

cooptabatur, hac verborum formula à Principe prolata: TE ORDO FRATRIS (ita enim vicissim sese appellant) ET SODALIS LOCO HABET, EAQVE RATIONE TE TORQVE HOC DONAT. FAXIT DEVS EVM DIVTIVS GESTES. deinde, in perpetui amoris testimonium, singulos exosculatur. is-que mos fuit in collegium sodales allegendi. Itaque suus est huic ordini Cancellarius, Thesaurarius (vt vocant) Caduceator (cui à Diuo Michaelē nomē) & Scriba: qui equitū præclarè gesta literis & memoriæ perpetuæ mandaret. Eo numero legimus exauthoratum Ludonicum Luxemburgum, vñum ex illis maiorum gentium Torquatis equitibus: de quo publicè Lutetiæ in Grauiâ sumptū suppliciū. Mōris verò Regibus manus hoc etiā in externos Principes cōferre, in honoris & beneuolētiæ iudi-

iudicium: qui, si eorum hostes velint se profiteri, per internuntios illis torquē remittunt, vt, omni sacramento religionē soluti, alteri Principi strenuam operam nauent. quod sæpe hisce nostris tēporibus contigit. Fuit amplissimi ordinis Senatorij insigne latus clauus, & calceus lunatus, vt Equestris annulus aureus: ferreo verò prius vsos Romanos Plinius scribit. quod erat bellicæ virtutis insignē. Huic torquato collegio simile instituit Ioannes Rex: cui qui nomē dedissent, stellam in penula, aut capitiō gestabant, & sodales dicebantur nobilis domus Diui Odoeni (ita enim vocabatur castrū, quod plus minus duobus millibus abest ab vrbe, via Dionisiana: cuius nunc tantūm ruinosā murorum vestigia apparent) aliudque ab E. douardo tertio Anglorū Rege conditum: quod constabat quadraginta equis, vt vetusti quidam annales habēt,

vel,

vel, vt Polidorus Virgil. memoriæ pro-  
didit, sex & viginti: quos perisc elide in-  
signiuit: hiq; pro sodalizio numine Di-  
uum Georgium colunt: cui Vinderosij,  
vt Artūri memoriam refricat, templum  
magnificè constructum, maximisq; do-  
nariis auctum dicauit. de hac re plura  
Polidorus. Fuit Ducibus Burgondis pro  
insigni Chrysomalum, à Philippo Bur-  
gundionum Duce Diuioni institutum,  
quod etiam nunc gestat Carolus Quin-  
tus, Imperator, maternum genus à Bur-  
gundis ducens. Torque aureo milites  
donari solere ab Imperatoribus, ob rem  
strenuè gestam, Aurelij Victoris & Ve-  
getij testimonio probatur. est quoque  
Dioni parazonium cinguli genus: quo  
Traianus Suram donauit: aureisq; fi-  
bulis donabantur milites & antè ar-  
genteis. Quare veterum militum exē-  
plo, qui propter egregiam Duci suo  
nauatam operam in pralio phaleris,



armillis, torquibus, cingulo, coronis, hastis puris donabantur, reliquisque armis insignibus, qualibus Sicinium Dentarum fuisse donatum ob fortitudinem Plinius & Gellius tradunt, equites honorarij auratis calcaribus, gladio, & solo Principis, vel eius Legati, amplexu donantur: districtoque gladio leniter eorum humeros percutiente Rege, vel eius Legato. quod semper post praelium aliquod commissum fieri solet. Nam equestris dignitas, in acie qua sita, nullis omnino aut factis, aut maiorum imaginibus claros, nobilissimos reddit: qua etiam ornari ipsi Reges non dedignantur: Franciscumque Regem legimus, memorabili illa pugna Melignanensi, à Petro Baiardo equestris honoris ornamenta accepisse. Tertium equitum genus est, quo Itali seriò triùphāt: quos à suo diplomate (quod suæ dignitatis fidem facit) Codicillares appella-



re potes : quibus similes à Paulo tertio, Pontifice maximo, & eius Legato Gaspare Contareno, creati vidi; cùm Bononiæ studiorum causa agerem. Denique monendum te duxi equites quoscunq; Francis, Hispanis, Italis, Cavalarios dici, quasi caballarios, à caballo, literis paucis immutatis: cuius vocis rusticitate plerique moti (nam ferè nunquã sine derisione reperias) cùm se emendatius loqui putant, vt ait Laurentius Valla, equitẽ substituunt : licet eques aliã habeat significationem, quẽadmodũ ipse scribit, atq; nouo, & à se inuento, vocabulo, equites equerios appellat.

---

*Locumtenentes Regij;*

**C**onsueuerunt Reges Frãci per Legatos bella, maximè externa, & difficillima, gerere (quod Carolũ quintũ fa-

Et itaſſe, qui Sapientis cognomentum tulit, annales referunt) hocq; munus eis mandant, quos iam longo tempore Ducum optimorum officio functuros intellexerint (neque enim Regum eſt temerè ſeſe prælio committere) ſolentq; cum quid ſuo imperio adiecerint, Proreges mittere, qui populum in fide cõtineant: quorum tanta eſt authoritas, vt propè Præſidum & Proconſulũ Romanorum vicẽ ſuſtineant. Nam in illis locis maius imperium habent, & ſecundũ poſt Regem: cui cũ videtur, dimitti ſolent. Quinetiam ſua quoq; illis ſolet præſto eſſe cohors Prætoria, vt Romanis Prætoribus, quaſiq; eorũ latus cingere. Tãta dignitate cum maxima laude functus apud Taurinos Gulielmus Bellaius Langæus: qui, cũ ad belli gloriam literas addidiſſet, & legationis munere apud omnes Chriſtianos Principes functus eſſet, temporis puncto prælucente alum-

alumno virtute Taurinis Legatus Regius exurgit. quod munus dum obit, à Francisco Rege in Torquatorum sodalitiū cooptatur. Hic primus apud nos docuit nobilitati non officere bonas literas: quæ prius apud illum ordinem tanto contemptui fuere, vt Ludouicus vndecimus Carolum filium. (fortasse propter valetudinis imbecillitatem) scire Latinè vetuerit, præter vnū illud: **QVI NESCIIT DISSIMVLARE, NESCIIT REGNARE.** Ludouici verò consilium malè interpretari nobiles Franci nullum literarum genus non contempserunt. Longè sapientius Maximilianus Imperator (vt exemplo quoque Principum nostræ memoriæ vtamur) qui turpe esse censebat Principem nescire literas, longè turpissimum virtutibus carere, quæ eum æternitati consecrarent. Nec omittendum Gothorum illud fuisse institutū, quo ve-

tabant literis Reges suos imbui, quòd literas homines imbelles facere dicerent. & Claudio Imperante, Athenis à Gothis captis, cùm de comburendo maximo librorum acceruo consiliũ cepissent, rum vnus abstinendum censuit: quòd Græcos homines minus esse ad bella idoneos diceret, dum studiosius libris incumbunt. Verùm depellenda est hominum mentibus eorum opinio, qui literas prædicant molles, & effæminatos facere, & illorũ quoque ipsorum, qui omnem tẽpus perire dixerũt, quod studiis non impenditur, quasi nõquam cessandũ sit. quorũ neuter rectè, meo iudicio, sentire visus est. Nam optimus in rebus omnibus modus: eaque moderatione literis inuigilandũ censeo, vt societatis, & coniunctionis humanae, atq; valetudinis rationem habendam imprimis putem: quæ ea causa remittenda existimo, vt ad ea alacriores  
re-

redeamus: contra Musonij opinionem:  
qui dicebat studia remissa omitti.

---

*Gubernatores Regionum.*

**N**EMINI dubiū ea ratione diuisam  
Franciam in Præfecturas, vt occu-  
pato tot tantisque negotiis Rege, essent  
qui in regni limitibus ad ipsius custo-  
diam excubarent. Præfecti enim, apud  
nos, curam habent arcium, & nequid  
in ipsis desit ad omnem belli apparatū:  
vt vrbes, & castella, muris, fossa, prog-  
nacula, tormentis bellicis, & in eorū  
vsum sulphureo puluere, commeatu  
omni, præsidio denique firmissimo mu-  
niantur: suūque ipsis Legatus, vel Sup-  
præfectus. ἐπὶ ἰσχυροῦς appellare potes.  
vndè Cicero, ad Atticum libro septi-  
mo, se à Pompeio oræ maritimæ Cam-  
paniæ ἐπὶ ἰσχυροῦς destinatum ait. His pro-

pè similes fuere apud Lacedamonios  
Harmostæ, extruendis, & reficiendis  
arcibus, & mœnibus præpositi: recto-  
résque hi nostri à quibusdam dicti im-  
propriè, si propius rectorum antiquo-  
rum dignitatem cum his contuleris.  
Nam officium regentis prouinciam la-  
tius est. Illis quoque non absimiles erāt  
Præfecti limitum, Romanorum impe-  
ratorum temporibus: vt Præfectus limi-  
tis Rhetici, Pannonici, Norici, Scythi-  
ci. Duces quoque dicti: vt Dux Sequa-  
nici, subaudi limitis, vel tractus, siue  
Prouinciæ Sequanici, siue per Sequa-  
nicum appellabatur, qui fines tuebatur  
imperij, & præsidium perpetuum ha-  
bebat in Rheno contra Alemanos: ip-  
siq; milites limitanei, & stationarij di-  
cti (nostrates, mortaspagas nuncupant)  
sicut Duces quoque limitanei vocati:  
quod limitibus tuendis præessent: à qui-  
bus Marchionibus nostris nomen esse

multi.

multi affirmant. quod tamen Andreas Alciatus non probat. Scribit Lampridius in Alexandro Seucro, atque Fronto in opusculo de limitibus, solitos Romanos militibus agros ita diuidere, quos ex hostibus cæperant, vt quosdam eis in præmia assignarent, in alios colonias deducere, quosdam publicanis in longum tempus locarent, vt annuam mercedem illis redderent: hiq̃ue vectigales dicebantur. Ad hæc quemadmodum Franciam in Præfecturas diuisam iam diximus, ita Aegyptus in Nomos diuisa est: Iudæa in Toparchias, & Tetrarchias: Thracia in Strategias: Darij regnum in Satrapias (Satrapa verò, vox Persica, Præfectum significat) Christianismus in dioceses: quas, à diligenti inspectione, Episcopatus nominauere: quæ in parœcias subdiuisa est: id est accolarum cōuentus, & accolatus, & Curias. Penè omiseram hosce Præfectos.



olim consueuisse facinorosos homines  
legum seueritati & noxæ eximere: fo-  
ra pro Comopoleis cōstituere, vbi mer-  
catus celebris celebraretur: natalibus  
restituere: extraneis ius ciuitatis dare:  
adhæc multarum causarum cognitio-  
nem ad se transferre. Quæ omnia Lu-  
douici. xii. edicto sublaia sunt.

*Magnus Magister Artiliaria, &  
Arcubalistariorum.*

**M**Emini, cū esset Romæ, fuisse  
Episcopum, qui se probaturum  
diceret antiquis vsum fuisse æneorum  
tormentorum: eius tamen conuenien-  
di nunquam mihi potestas fuit. Idem  
nobis literis prodidit Robertus Valtu-  
rius. quod mihi nec verum, nec vero  
proximum, videri vnquam potuit: cū  
constet nullam mentionem factam bō-  
bardæ, apud probatos authores: id est  
illius

illius æneę machine Iouis tonitrua imitantis: aduersus cuius vim & impetum nihil validum ab homine excogitari adhuc potuit. Catapultis verò, Arietibus, Ballistis, & id genus plurimis, vsi sunt antiqui: quibus saxa ingentia iaciebant, propugnacula, turres, mœnia pulsabant, atque disiciebant (vnde Balistæ talentariæ) atque Andreas Alcivarius se schema vidisse Balistæ quatuor rotis impositæ. Re autem vera Bombarda (nam id nomen ei à sonitu inditum est) seu æneum tormentum dicere malis, Germanicum est inuentum: hoc est in Germania casu repertum à Chymista (Monachum fuisse sunt, qui scribant) cum nitro, sulphuri, carbonibus varia formitum genera commiscendo, igne adhibito, cognouisset quanta vis eius materiæ esset: vt multa sunt inuenta hoc tempore, antiquis planè incognita. Hoc tormenti genere primùm

vsi

vli Veneti, authore Ioanne Barbadico, duce non impigro, circa Metamaucensem stationem ( ipsi Malamochum vocant ) & festam Clodiam, in bello, quod ancipiti Marte gestum est contra Genuenses, M.CCCLXXX. cuius terribili & insolito reboatu, atque fragore territus Vfuncaffanus magnus, Persarum Rex, à Mahomete; Turcarum Imperatore, ad Tebendam profligatus est. deinde Hysmaël Sophus ( Psophum alij scribunt ) Persarum Rex, ad Cohim Armeniæ urbem glande plumbea ictus, à Selimo Mahometis nepote fugatus, in Medorum fines, ad reparandas vires, concessit: idemque biennio post, caeso in acie Campsone Gaurio, Sultano Ægyptio, nulla huiusmodi tormentorum æneorum copia instructo, & in fugam actis Mamaluchis, Syriam, Damascum, Hierosolymam, atque Iudæam suæ ditioni addidit, vtrò etiam maritimis ciuitati-

uitatibus sese deditibus, Tripoli, Beryto, Sydona, & Ptolemaide. Postea tã latè serpsit hoc malã, vi passim his machinis utamur in urbium expugnatione, vel cùm terrestri, vel nauali pugna decertandum est (vt ferè semper homines in suam perniciem incumbunt) eisque varia serpentum nomina ad terrorem imposita, Basilici Salamēdræ, Crocodili, Serpentinæ, Colubrinæ, multaque alia pro arbitrio, nempe Passauiantis, & Falconis. Nomen verò ipsum artillariæ ab arcu & telo deducitur: & nostrates, cõposita dictione, Arcumtilarium vocant arcuum, telorumque artificem: & arcumbuzatum, Italico vocabulo in Francicum conuerso, machinulas æneas, vel ferres, quæ manibus gestari possunt. quod significat arcum perforatum: nam buzo Italis foramen est. sclopum ipsi quoque nuncupant à sono. Est mortarium aliud tormenti genus:

nus: cuius ore ingenti & patulo pila commissa domorum tecto & oranem conrignationem effringit: in viis autem silice stratis, magno impetu decidens, in frustula dissecatur, & obuios quosque interimit. Denique suus apud nos æneis tormentis Præfectus: cuius fidei ipsa in prælio commissa sunt, & quod ipsius chirographo subscriptum est, fidem facit apud Ratiociniorum Præfectos. adhæc vniuersus ministrorum grex immunis, ipseque Præfectus ἀντιπρόεδρος: Romanis non dubium fuisse Præfectum Fabrorum: cuius his partes sibi vindicat, atque Præfecti castrorum aliquam partem: isque demum apud nos creari solet, qui multo vltu, & non dubia fide, in urbium oppugnatione norit machinis huiusmodi locum eligere, easque æspitibus terra oppletis obsepere, vallum, & fossam ducere, ne qua vis ab obsessis ingruat. Quod si acie decernendum

est, ea parte locare, qua hosti maximum  
damnum detur: at, si hostis alia via il-  
los aggredi parat (ut sæpè in bello ex  
euentu sunt captanda consilia) graues  
illas machinas dicto citius loco moue-  
re, & subinde versare, huicque præci-  
pua cura esse debet lectissimos Bom-  
bardarios habere (id si modò linguæ  
Latinæ dignitas patietur) vel, si Lati-  
nius efferre malis, tormentorum Ma-  
gistros: quando hisce temporibus in il-  
lis machinis situs est belli euentus, ad-  
de vehiculorum & omnis generis fer-  
ramentorum vim ingentem: equorum,  
aurigarum, fabrorum lignariorum, fer-  
rario umque gregem, qui rotas tormen-  
tis subiiciant: præter magnam illam  
fossorum catenam, ex aggrestitibus cõ-  
paratorum, ad complanandam itinerũ  
asperitatem, Guastatores vocant. vul-  
gus Francicum corruptè Castados: qua-  
si dicere vellent Guastados. Nam Itali

guastum, quod Latini vastum & ruinā,  
appellant: vt Marchionem Guasti, pro  
Marchionem vasti Ammonis: & guastū  
Bentiuolorum Bononiæ, ruinam do-  
mus Bentiuolorum: & facere guastum  
pro vastare, & populari: veluti si quis di-  
cat Iulium illum, tertium, Pontificem  
Romanum, immisso in agrum Parmen-  
sem & Mirandulensem milite, facta  
maxima præda, agros vastasse, incen-  
diis, & cæde omnia miscendo. Sed ad  
rem redeo. Cogendus illi pilarum fer-  
rearum, lapidearumque aceruus, exco-  
quendus puluis nitrosus: præterea fun-  
ditorum numerum maximum habeat  
oportet: qui nouas atque quallatas ma-  
chinas fundant. Ante verò huiuscemo-  
di tormentorum inuentionem in præ-  
liis vsi sunt nostri sagittis, deinde arcu-  
balistis: vnde arcubalistariorum Præfe-  
cti sæpius mentionem factam in Chro-  
nicis & constitutionibus Regiis leges.

Ma-



Magnum Magistrum Arcubalistariorū vocabant: cuius loco æneorum tormentorum Magister institutus est (nam sensim arcubalistis. vti desitum: quarum pericia omnium consensu reliquas gentes. facile superabant Aquitani) ipsiusque eadem prope potestas erat in milites, quæ Magistri Equitum, & Polemarchorum, ut ex constitutione Caroli, puto, sexti colligitur: quæ promulgata est, M. CCCCXII. cuius mihi copiam fecit Ioannes Ferronus. Est in annalibus Anglicis, regnante apud Francos Carolo septimo, & apud Anglos Henrico sexto, Sarisberiensem primum Cenomanæ urbis oppidanos, huiuscemodi tormentorum vi quassatis magna ex parte muris, ad deditionem coëgisse: quorum usus antè Francis incognitus erat.

---

*Heraldi.*

**P**Arum mihi visum est de tot belli Ducibus dixisse, per quos bellage-ri consueverunt, nisi strictim de Caduceatoribus verba facerem: per quos ut bella indici, ita & finire solent (vnde Caduceatorum nomen deductum) quibusque mos gestandi spinter, vel armillam, in præliis verò paludamentum, quod eos tutos reddit ab omni iniuria. Nam eos vel verbo violare nefas est. vndè Cato dicebat Caduceatori neminem hominem nocere: & Eustathius cerycas ἀσύλοις vocat. Francici autem nomen à prouinciolis sortiuntur (veluti Normania, Aquitania, Picardia, Aurelia. Britannia) quos in verba Principis adigi, immunes esse, monomachiis & decursionibus interesse oportet. denique, si de pace incunda agitur, si induciæ petuntur, si bellum indicitur, peti-

petasati Caduceatores mittuntur, per quos maxima quæque negotia geri cōsueuerunt: sin de leuioribus rebus agatur, per tympanistas. & tubicines id expeditur. Itaque Romæ quàm sanctum fuerit Fœcialium, & Patris Patrati nomen, neminem vel abecedarium latere puto.

---

*Familia Regis.*

**Q**Uum multæ res, ornatissime Præsul, in hoc regno, & nostratibus, & extraneis, cognitu non iniucundæ sint, tum multò gratissimus hic tractatus de familia Principis omnibus erit, eaq; ratione continuata quadam rerum serie superioribus annectendus. Quod cum ita esse facilè intelligerem, partim amicorum fidelissimis & amantissimis consiliis compulsus, partim etiam mea sponte incitatus, nihil antiquius habui,

quàm vt breuiter primarios aulæ ministros perstringerem, atque attingerem. nam minutula quæque persequi abundantis otio, & literis, semper existimaui.

---

*Magnus Chambellanus, & Nobiles  
Camera.*

**C**Hambellani etymologiam si spectes, Admissionali, vel Cubiculario summo, probè conuenit. Is enim cubiculi Regij præcipuam curam & custodiam habet: cuius munus est Regi præstò esse, ac sanctiori illi cubiculo præesse, necnon consiliis publicis cum duodecim Franciæ Proceribus interesse, vt a resto indicatum legimus. Nam solèt à cretariis designatoribus duo cubicula Regi destinari: vnum vbi cubat: alterum penetralius vestiario attribuitur: à quo, veluti ex tripode, oracula pe-  
tuntur.

tuntur: cuius hic summus Cubicularius Decurio est. Sic fuit Imperatoribus Romanis Præpositus cubiculi, teste Suetonio: quem ipse, in Domitiano, appellat Decurionem cubiculariorum: Iustinianus Præfectum sacri cubiculi. & Imperatoribus Græcis Paracœmomenus cubilis cubiculariorum erat princeps. At cubiculariorum apud nos non vnū genus: honestius tamen, quod preceribus constat, Nobiles cameræ hodie, olim Chambellani dicti: quibus calciandi, & amiciēdi Principis cura est: & rectæ ius in aula Regia. mensam Chambellano-  
rum etiam nunc vulgus appellat. ex eorum numero se fuisse scribit Philippus Cominius Argentonus. Reliquorū non postremus gradus est dignitatis. famulos Cameræ vocant (tanti semper æstimatū fuit Regi in cubiculo ministrare) quorum propè infinitus numerus. nam quidam tantum nomenclaturā habent.

---

*Magnus Magister.*

**A**VLÆ Regiæ Præfecti munus est cum Principe quotannis instrumentum ministerij Aulici describere (statum appellant) cuius præcipua est authoritas in ministros Aulicos, & ipsos etiam Oeconomos: vnde Archiœconomi nomen illi est. nostri Magnum Magistrum appellant: quibus mos est eum, qui rebus, quibus præest, maiorem diligentiam adhibet, Magistrum vocare, visitata Iurisperitorum loquendi formula: sicque Romæ Magistri Curiarum dicti, Magistri vectigalium, & Magister Populi Dictator. Tametsi autem hunc Oeconomis præesse dixerim, Rex tamen, pro arbitrio, eum exercitui, vel summæ rerum, præficit: ut ipsius nutu, veluti Iouis, omnia circûuoluuntur. sicq; authore Solone, Regum amici calculis suppu-



supputatoriis sunt per similes: qui, pro arbitrio supputantis, interdum maiorem numerum, interdum minorem efficiunt.

---

*Magnus Scutarius.*

**A**Rchippocomus, seu malis Hip-  
parchus, primariae est authorita-  
tis apud Regem: cuius sunt partes Re-  
gi equum ascensuro, vel ex eo decensu-  
ro, auxiliatricem manum praeberere, ei-  
que ensen & baltheum liliatos prae-  
ferre, vt olim scutum (quod nominis  
nomenclatura ostendit) idque in ma-  
gnifico apparatu fieri solitum est: Im-  
peratorumque Graecorum temporibus  
Scutarius Augustum praecedebat, scu-  
tum gestans: vnde Scutarij nostri no-  
men forte deducitur. nam sine dubio  
multa ex aula Graeca in Franciam sunt  
translata. Atq; edicto Regio ad eum cura



pertinet collocandorum, per stathmos  
& mansiones, cursorum Veredariorum,  
Ludouici vndecimi instituto ( quorum  
primum inuentorem Cyrum dicunt.  
postas appellant, quasi in certis locis  
positos equos) solétque id munus ei mādare,  
quem vocant Contrarotulatorem  
postarum. necnō caduceatoribus (quos  
in verba legitima Principis adigere  
solet) cursoribus, & Hippocomis, vóce  
etiam à Iustiniano vsurpata, præest (vn-  
de Magni nomen habet) qui veluti fi-  
dúciariam ab eo curam habent Regij  
equitij, siue hippotrophij (hara sum vo-  
cant) cū tamen eius fidei imprimis  
& equi, & arma cōmissa sint. super  
armamentarium positum vocat Cur-  
tius : Hippocomos verò Spartianus  
Stratores, Græci ἀναβολεῖς. Multi autu-  
mant (idque non sine ratione, vt suprà  
à nobis dictum est) nouissimū hoc Hip-  
parchicæ, & panoplicæ dignitatis mu-  
nus

nus translatum fuisse ab Equitum Magistro ad Archippocomum.

---

*Magnus Venator, & Falconarius.*

**N**ihil certè existimo, quod æquè Principem deceat, atque venatic: quòd ea corpus patientissimum reddat laboris, inedia, frigoris, caloris: otium fuget, solam animorum pestem. Hinc Poëtæ non iniuria fabulantur Dianam à Ioue perpetuæ virginitatis præmium impetrasse. Quanto verò sit in precio apud Francos Reges, faciliè iudicabit, qui intellexerit Carolum, octauum, accipitrem emisse quingentis scutatis. Venandi porro studiosi fuere, & Cyrus, & Romani Imperatores, maximeque Adrianus ad reprehensionem, & insaniam vsque: cùm tamen nihil prætermitterent, quod ad principatum per-

tineret. Itaque venaticus apparatus in duas turmas diuiditur. vna est venatorum pendula tuba cornea, vel ænea, ex humeris insignium: quibus mos est semper vestigatorem canem secum habere (Limierum vocant. nos therelenchum dicere possumus) atque hæc in duas turmas diuiditur, Leucopheorum vel cineritiorum, & alborum canum. nam ab his nomen habent. Altera est accipitrariorum (Falconarios appellant) scapo pinnarum insignium. His, atque illis, stipendium à Rege præstatur, & cuique turma aliquis præficitur ex intimis aulæ Regiæ ministris: quemadmodum apud Imperatores Græcos Protoieracarius præerat venatoribus nutrientibus accipitres, & ferentibus, vt Protocynegus canibus.

*Magi-*

---

*Magistri Hospitij.*

**A**Rchitriclini, siue Oeconomii, sunt promicundi penus Regiæ: & rei familiari dispensandæ præsunt: maximæque authoritatis inter aulicos: quod soli Acarnanij, & Apitij, rei tamen œconomicae periti, ad tantum munus euehuntur. quibus, ut eminere præter ceteros, & suspici possint, pro insigni scirpus Indicus est argentatus: illisq; expensa omnis Regia costare debet, & ab his non, nisi venia prius impetrata, neminem licet per Francorum leges in ius vocare in Palatio. Olim verò illis ius erat annonæ, quæ in comitatum Regium importabatur, per præconem statuendi prætium: eosq; poenis grauioribus mulctandi, qui societatem coiissent, ut annona charior esset: meretricésq; aulicas, pro delicti modo

modo, corrigendi, fustibus cadendi, extremo supplicio afficiendi, absque appellatione. Necnon, Philippi Pulchri constitutione, ad eos actionum personalium iurisdictio pertinebat, quæ à ministris Regiis intendebantur: omniumque criminum cognitionem sibi vendicabant, quæ in comitatu Regio admitterebantur.

---

*Magnus Panetarius, & Nobiles seruientes:  
scilicet Panetarij, Scutarij mensarij, Escansoni.*

**P**Anariis, seu artothecis, perinde atque nos vsi antiqui: vnde discophoris, vel dapiferis (Panetarios vocant) nomē inditum possis colligere (quamuis aliæ sint eorum partes) nam Regi accumbenti cibum ministrant. Fuitque Magni Panetarij (sic enim eum vocant qui

qui his præest) inter aulicos tanta dignitas, vt inter Regiæ Oeconomos numeraretur: cuius summam esse potestatem in pistorum non desunt, qui scribant, atque panis, & tritici promercales mensuram, precium, pondus, inspicendi. Itaque Herodianus, author grauiissimus, scribit Principes olim solitos vti medicamento, quo venenum arceretur: non ignaros, opinor, suam vitam. dolis, insidiisq; peti solere. Nam, vt ait Xenophon, nusquam homines faciliores capti sunt, quàm in potu, cibo, balneis, lecto, & somno. quam ob rem Mithridatem ferunt veneni metu, antidoto, quod mithridatica dicitur, præmuniri solitum: & apud Abyssinos cornu Monocerotis Regiis mensis imponitur: quo explorant ministri si quod toxicum epulis inditum sit. Quam ratione factum est, vt Principes fidissimos ministros ab epulis habuerint: qui cibum



bum mensæ adpositum, & in frustra dissectum prægustarent, & explorarent, ne venenum misceretur. Suetonius in Claudio, Et veneno occisum conuenit. vbi autem, & per quem, dato discrepat. quidam tradunt epulanti in arce cum sacerdotibus per Halotum spadonem prægustatorem: alij domestico conuiuium per ipsam Agrippinam, quæ boletum medicatum auidissimo ciborum talium obtulerat: & author est Tacitus Halotum solitum inferre epulas, & gustu explorare. His proximis sunt Pincernæ, vel à cyathis, qui Regi potum ministrant: eosque Lampridius numerat inter ministeria aulica. Cyathifare Plautus vocat. quod munus fuit nobilium puerorum in conuiuiis publicis, vt Ganymedis in conuiuiis Deorum: vnde Deorum *ειωτοπέ* dictus est: pocillator ab Apuleio. Eorum verò partes ita à Xenophonte describuntur in Cyri Pæ-  
diæ

dix libro 1. οἱ δὲ τῶν βασιλέων τῶν τῶν οἰνο-  
 χόοι κομψῶς οἰνοχῶσι, καὶ καθαρείως ἐγχεῖσι  
 καὶ δίδουσι τοῖς τρισὶ δακτύλοις ὀχευῶτες πλὴν  
 φιάλῃ, καὶ προσφέρουσιν, ὥς ἂν ἐνδοῖεν τὸ ἔκπω-  
 μα ἐνληπῶτα τῷ μέλλοντι πίνειν. Ibidem,  
 οἱ γὰρ τῶν βασιλέων οἰνοχόοι ἐπειδὴν ἐνδιδῶσι  
 πλὴν φιάλῃν ἀρύσαντες ἀπ' αὐτῶ τῷ κυαθῷ εἰς  
 πλὴν ἀειθερὰν χεῖρα ἐγχεάμενοι, κατὰ ῥόφω-  
 σίν τῶ δὲ, εἰ φάρμακα ἐγχεοῖεν, μὴ λυσιτελεῖν  
 αὐτοῖς. eaq; ratione Pincernas ahibi-  
 tos constat. Cæterū mos est Regis Pin-  
 cernis, dū potū Regi ministrant, scypho  
 aureo, vel argenteo haustū vinū in aliū  
 infundere, & prægustare. Fuere his simi-  
 les serui antiquitus ab Herodiano dicto  
 οἱ πρὸς ταῖς κύλιξι, & ad cyathos, vt ad li-  
 mina, & ad pedes. Suetonius in Iulio,  
 Sed C. Memmiū etiam ad cyathum, &  
 vinum Nicomedi steterisse obiecit. Au-  
 sonius, Stat Iouis ad cyathum. Itaq; li-  
 buit addere Gulielmo Budæo pincernā  
 Latinum verbum non videri, licet eo sit  
 vsus Asconius. hoc docti viderint.

*Secretarij.*

**A** Secretis esse Principi dicuntur, qui diplomatibus, & edictis Regiis, quæ in interiori illo consilio decerni solent, subscribendi curam habent: quibus hodie regni arcana committuntur, vnde nomen illis est, ad manum à Cicerone his verbis. Licinium seruum sibi Gracchus habuit ad manum: ab epistolis Suetonio, Lampri-  
dio, Spartiano, vel à manu, vel, vnica dictione, Amanuenses dicti, nouo vocabulo, vt vult Cœlius Calcagninus. Græci *ὑπογραμματοῦντες* vocant: Latini Scribas, aut Librarios: Iustinianus primicerios, & secundicerios, vt tum tempora ferebant, inclinante iam Romanæ linguæ dignitate. Fuit porro collegium hoc Secretariorum primò sexagenariû: ac numerus ampliatus ad centû viginti:

quor

quorum alij Principi sunt à secretioribus notis ( Secretarios commendementorum appellant ) & Flavius Vopiscus notarios secretorum, in Aureliano, habuisseque Imperatores Romanos notarios, qui edictis subscriberent, ipse in Carino ostendit. Alij minimè cum his dignitate conferendi: qui scribarum vice funguntur, in rescriptis subscribendo, quæ à Principe impetrantur, non modò in aulico comitatu, sed etiam Luteriæ, apud illam æquitatis officinam. Cancellariam vocant: quod munus est, post Cancellarium, libellorum Magistrorum. atque, vt apud nos, ita apud Græcos Macedonum Reges omnium consiliorum erant participes: vnde Eumenis Cardiani, Scribæ Philippi, &, post, Alexandri Magni, dictum extat, se vitam potius, quàm fidem positurum.

---

*Rex Ribaldorum, & Præno-  
stus Hospitij.*

**C**VM aliquando Ioannem Feronũ,  
virum mihi amicissimũ, inuisssem  
multisq; verbis vltro citroq; habi-  
tis, incidissemus ambo in rerum Fran-  
cicarum mentionem, ac copiosè, &  
subtiliter, de his differentem eum, &  
acrius in nostrates inuehentem (nam  
eos pecudibus comparabat: quæ ad præ-  
sens tantum mouentur, securè rerum  
omnium) attentè audiuissem, tum ille,  
cũ se nihil habere diceret, quod &  
suis, ex quorum numero me esse palam  
prædicabat, & patriæ non impertiret,  
librum, vetustate penè consumptum,  
protulit: in quo edictum quoddam ve-  
nerandæ antiquitatis reperi, quod om-  
nes Regis Ribaldorum partes contine-  
bat: cuius selectiora, & ad rem maximè  
per-



pertinentia capita, huic loco duxi adscribenda, ut in quo inter eum & Iudicem Prætorianū conveniat omnes luce clarius cognoscant. Fuit itaque ille, quē nomine Regio decorabant antiqui Regem Ribaldorum appellantes, custos ad limina Regiæ: ad cuius curam pertinebat ræda accensa, postquam Rex cubitum discesserat, palatij omnia loca illustrare, ne quis lateret. Atque Imperatorum Romanorum tēpore consuetudinem fuisse scimus salutantes scrutandi, ne sub veste ferrū delitesceret. Deinde œconomicorum apparitorum decurio fuit. At, ne magnitudine, negotiorum, tanquam fluctu obrueretur, additi sunt viatores duo, & Præfectus vnus (Preuostum vocabant: vndè Iudici Prætoriano fortè nomen est) cuius fidei custodiæ credi solebant. Ad hæc probatas ab Architriclinis mensuras, & à se liliato signo notatas, inspiciebat: quas



qui corruperat, pœna erat sexaginta assium. Necnon dispungendis rationibus expensæ Regiæ cū Oeconomis interesse, & meretricibus aulicis hospitia assignare solebat. Caterum quānam ratione, & tempore, translata sit omnis potestas ab Oeconomis Regiis, & Ribaldorum Rege, in Iudicem Prætorianum nō reperi: tamen si hunc magistratum gerentes de eare sim percontatus diligentissimè. Itaque ab hoc iudicè, perpetuo aulæ asseclā, in ciuili controuersia olim ad Curias supremas, nunc autem ad consilium aulicum (Magnum nostri vocant) prouocatio est, in capitali verò minimè. habet quoque Legatos duos, & apparitorum stipatorumque magnam cateruam: quibus sagum, perinde ac spiculatoribus Regiis, contextum est bracteis argenteis. Præterea ad ipsius curam nunc pertinet, ut in aulico comitatu panis, vinum, caro, iusto

iusto pratio veneant. Derealus cum maxima gloria hoc magistratu se abdicauit:quē Franciscus Rex duobus mandauit, qui per vices semestrem operam ipsi nauarent cuique Legati duo, & milites quinque & viginti, attributi.

---

*Centum Nobiles.*

**N**ihil planè sibi reliqui fecerunt Reges Franci, vt se, sumptis insignibus Regiis, augustiores facerent. additi enim sunt è nobilitate Francia, honoratioris comitatus & custodię causa, centum machetophori anteambulones, qui Regi adessent, hisque suus Præfectus datus. Primò itaque centum à Regibus instituti, vndè adhuc nomen seruant. verùm postea centenariæ illi turmae centum alij adscripti, addito quoque Præfecto. tamen, propter nu-

meri integritatem, appellandique cō-  
pendium, centum etiam hodie dicun-  
tur: qui pro insigni hastam gerunt, quā  
beccum Falconis vocitāt nostrates, an-  
tiqua Gallica etiam voce: quæ rostrum  
significat. Sic itaque Romæ, cūm tri-  
ginta quinque tribus essent, & terna ex  
singulis tribubus eligerentur ad iudi-  
candum hasta proposita, licet quinque  
amplius quàm centum essent, tamen  
quo facilius nominarentur, Centumui-  
ri dicti sunt: & quanuis etiam Decem-  
uiris sacrorum alij sint additi, ita vt ad  
sexaginta excreuisse dicantur, semper  
tamen quindecimuii nominati sunt.  
Simile quoque illud de septuaginta in-  
terpretibus, cūm duo, & septuaginta  
essent. Atque Romæ anteambulones  
dicti, qui Principes ciuitatis officij gra-  
tia in forum deducebant, & reduce-  
bant togati, vel per diminutionem to-  
gatuli: & ita Suetonius Vespasianum  
fratri-

fratris arteambulonem vocat.

---

*Capitaneus Porta.*

**E**Xtat Dionis Nicæi, viri Cōsularis, Romana historia, accuratè diligenterq; conscripta, & à Ioanne Xiphilino in epitomen redacta: in qua Augustum cum Liuia coniuge loquentem facis, quānam ratione fiat, vt Regibus tot, tamq; varia pericula imminēat: eorum ceruicibus tela, & gladij impendeant: nō solū hostes, sed custodes timeātur: amici & necessarij formidētur: ipsiūsq; Liuiæ dictū non putavi indignū, aut alienum, vt adnotarem: PRINCIPEM, QUANTVMVIS RECTE IMPERANTEM, NON POSSE OMNIBVS PLACERE. vndè nō iniuria Tiberius, ipsius Augusti successor, imperiū miseram & onerosam seruitutem vocabat. Quam

ob rem Reges Franci aduersus hominum vim, & iniuriam, præter iam à me dictam custodiam, domi armatis hominibus, hisque fidissimis, se munierunt. Thyrophylacas appellant: quod ad palatij portam perpetuò stationem agant: quibus, ut à doryphoris dignoscantur, saga sunt clauibus prætexta, eadèmq; armagestant: & his suis Præfectus est. Capitaneum portæ vocant (quòd hisce ad limina custodibus præest) quem tu Archythyrolacé appellare potes. Legitur, regnante D. Ludouico, tribunal fuisse ad portam Regiæ (Iustitiam portæ appellabant) sed quòdnam illud fuerit non legi, nonnulli recuperatores palatinos fuisse affirmant. At G. Budæus, in chartophylacio Francico diligenter & multum versatus, asserit ante tempora Philippi Pulchri, qui D. Ludouici nepos fuit, tres literatos viros ad vestibulū Regiæ iura reddere solitos: quos

quos libellorum Magistros fuisse propterea existimat, quòd in antiquo còmentario inter libellorum Praefectos eorum fit mentio.

---

*Guardia.*

**N**ON abs re mihi visum est statim post centenariam illam nobilium turmam, præmisso tamen Archithyrophilace, quem Capitaneum portæ vocant, paucis de Regia cohorte Prætoria differere. Itaq; cùm Franci Reges, more institutòque cæterorum Regum, imperium, virtute bellica longè latèque propagatum, legibus abs se conditis firmassent, &, quàm maximè poterant, ad antiquorum Ducum, Regum, Imperatorum, gloriam peruenire contenderent, nullùmque iam regnum Christianum non multò Francico inferius virtute, gloria, nobilitate, opibus vide-




retur, cæterorum Regum exemplo armata manu sese stiparunt: quã suæ custodiæ, & propulsandis aliundè periculis, adhibuerunt: vt Prætores, deinde Imperatores Romanos Prætoriã cohortẽ habuisse cõstat. Itaq; Reges Franci stipatores equites quadringentos elegerunt: quos Archieros guardiæ appellat: quòd arcu vterentur, cùm sunt instituti (vt à me iam alio loco dictum est) nunc vt plurimum eo teli genere, quod Halabarda dicitur. ἀχμοφόρος Græci vocāt. Est verò Halabarda securis cuspidẽ oblongiore, ab vna parte quadrata acie, ab altera peracuto mucrone, punctim, cesimq; feriendis hostibus maximè accommoda. Horum numero sunt cẽtum Scoti: quorum egregia fides & virtute vtuntur Reges, cuique verò centuræ suus Præfectus. Sunt præter hos quatuor & viginti ποματοφύλακες, id est custodiæ corporis adhibiti (sicq; vulgò dicun-

dicuntur) qui à Regularū pedē non discedunt, φυλακῶν vel δεραπεντήρας πᾶσι τὸ σωμα Xenophon appellat: quæ fuit Cyro Eunuchorū. Ad hæc, ne quid omnino deesset, quod ad Regiam maiestatem & ornandā & conseruandam spectaret, addita est cohors centū Heluetiorum peditum (trecentos aliquādo fuisse legi) qui ab equitibus, femoralibus dissectis versicoloribus, distinguuntur. equitibus verò sagum est bracteis argenteis intextū, cum Principis elogio: quale fuit Caroli sexti Ceruus alatus, Ludouici duodecimi Histrix, & Francisci Salamandra. Ipse ab huiusce cohortis Helueticæ Præfectis intellexi Carolū octauū Heluetios, vt fidiſſimos, primū ad corporis custodiā adsciuisse, ob eximiam & spectatam virtutem, in pugna ad Tarrum fluium cōmissa: quo eos, perpetuo & maiore aliquo beneficij testimonio, sibi deuinciret.

*Mare-*

*Mareschali hospitiorum, &  
forieri.*

**E** Pistathmi præsumt hospitiiis disper-  
tiendis Principis comitatui: tantâ-  
que prudētia suū munus obeunt (quod  
epistathmia dicitur) vt nulli omnino  
desit, quò diuertat. Quia tamen huic  
muneri obeundo pares esse non pos-  
sunt, tot Ducibus, Pontificibus, Regūm,  
que Legatis Principem comitantibus,  
additi sunt aliquot designatores man-  
sionarij (sic appellati à mansione, quæ  
hospitium significat) vel, si mauis, creta-  
rij, à creta dicti: qua hostiis illius nomē  
adscribunt, qui domo excipitur. Fuisse  
verò antiquis hospitiiis designādis Præ-  
fectos ex Antigoni apophthegmate li-  
quet apud Plutarchū, quos ἐπι τοῦ ζενίων  
vocat.



## AD LECTOREM.



*X Superiori libello satis opinor unicuique perspectū esse quos belli duces Reges Franci habeant, quos rei navali, arcibus, reficiendis, suae custodiae, praeficere soleant: ne omnia commemorem, de quibus iam à me dictum est. Hoc verò ipso explicandum mihi putavi quibus consultius utantur. Nam armis vim propulsare, hostes procul à Regni finibus arcere, socios iuvare, imperium proferre solemus: at consilio & literis leges condere, ius unicuique reddere: unde iustitiae nomen est: in qua sola omnes virtutes contineri Theognis Poeta scribit. Quam ob rem Reges nostri in id incubuerunt ut, doctrina, viriūque praestantes homines, maximis dignitatibus & fortunis augerent. Quod me impulit ut hunc togatorum magistratuum tractatum ob alio seiungerem, tibiue dicatū vellem. Vale.*

VIN-

COMMENTARIORVM

VINCENTII LVPANI DE

Magistratibus & præfe-

cturis Francorum

Liber II.

*Tres status.*



Ostrates, de magnis, grauibus, & ad Rempublicā pertinētibz rebus consultaturi, celeberrimum trium ordinum conuentum olim habebant: nobilitatis, sacerdotij, plebis, vt etiam tenuiorum habitatio videatur. Fuit verò tempus, quo omnia apud nos ad Panceltium illud referrētur, quæ ad regnum constituendum pertinerent, si de pace incunda, bello inferendo, regni procuratione alicui mandanda, vectigali exigendo, ageretur. quod, Philippo. Valesio regnan-



te, communi trium ordinum consensu sancitum est: quorum tanta fuit auctoritas ut, Rege Ioanne, multi supremæ Curia Parisiensis Consiliarij, & rationum Præfecti, magistratu sint moti: atque Carolus sextus, lege à se sancita & composita, iusserit ut, si vita prius discederet quàm Aquitania Duci, filiorum eius natu maximo, Francorum legibus Regni administratio permitteretur, eius procuratio (nomine tamen Regio) ad hunc conuentum pertineret: qui olim Regiæ maiestati quasi frantum impositum erat (ne populariû res pro arbitrio ageret, ferrétque) ut Ephori Laconum Regibus. Huius porro concilij indicendi ratio talis habebatur. Scribebat Rex ad Nobiles, Antistites, oppidanos, cõmuni cõsensu aliquos deligerét, qui certo loco & die cõuenirét de rebus disceptaturi. quod Carolũ & fecisse legimus: cũ ille veteri ma-

iorum



iorum instituto, Turonibus totius Fræciæ conuocato concilio, de summa rerum & bello Neapolitano deliberauit. Huiuscemodi conuentuum peragendorum Regio diplomate frequens est adhuc vsus Burgundis, atque Heluetiis. diætam Germani vocant. Simile huic conuentui Panionium fuit, à duodecim Ionæ urbibus dictum, & Panætolum: cuius mentionem facit Titus Liuius, libro primo belli Macedonici. Fuit quoque Græcis Amphictionum confessus sanctissimus, ex septem ciuitatibus cōstitutus: quarum singulæ bis in anno, veris & autumnî initio, Legatos ad id concilium mittebant: quos pylagoras vocabant, & locum, vbi conuentus haberetur, pylea. Fuere & Ephesiis quinque conuentus (qui per partes Rempublicam gubernabant) & Caribus vnus, ad Iouis Chrysaorei templum: qui accolis dictus est Chrysaoreus.

*Stri-*

---

*Strictum, siue priuatum consilium.*

---

**E**St ab Aulio consilio, de quo postea dicturi sumus, aliud apud nos planè diuersum. Strictum appellant, siue priuatum: quasi secretius, interius, selectius sanctius dixeris: tametsi idem olim mea quidem sententia fuerit: sæpiusque in chronicis, & constitutionibus Regiis, atque apud Frosardum, etiam post Curiam Parisiensem institutam, magni consilij, pro hoc sanctiore, mentionem factam diligens lector animaduertet. quod singulis mensibus cogi solebat: ubi Princeps de omni re statuebat: rescripta, & diplomata concedebat postulantibus. Constat verò selectius hoc agnatis, necessariisque Principis, proceribus, Antistibus, Cardinalibus, cum Cancellario, atque Iurisperitis in eoque tractari consue-

uit quicquid ad publicum regni statum  
pertinet, atque, vno verbo, de summa  
rerum. Solet verò interdum Rex, suo  
diplomate, multarum magnarumque  
causarum cognitionem huic consilio  
arrogare (euocare nostrates dicunt) de  
cuius sententia, regio nomine tamen,  
post mortem Ludouici vndecimi, om-  
nia regi solita: constabátque regni duo-  
decim proceribus. Tale fuit Ætolo-  
rum concilium, quod viris selectis con-  
stabat (Apolectos Titus Liuius vocat)  
móisque fuit Sontianis Gallis, vt eorum  
Rex sexcentos haberet selectos (lingua  
Celtica Silodunos appellabant) qui  
cum eo publica negocia tractarent.  
Habuerunt quoque Athenienses sanctio-  
nem Senarum: sine cuius consilio quic-  
quam decerni, Solonis lege, erat prohi-  
bitum.

---

*Cancellarius.*

**M**agna apud antiquos contentio fuit ; vtrum urbanis rebus militares sint antepondendæ : paludatis vero necessarium , mea quidem sententia , rogatos coniungere : quod illorum vires horum consilio , & prudentia regantur , & maximè Cancellarij : cuius ea est apud Regem authoritas , vt eum soleat , in rebus omnibus ad Rempublicam pertinentibus , veluti Apollinem consulere : vnumque illud apud nos virtutis est præmium , vt apud Lacedæmonios *ῥητορία* , & Athenienses Themosthetæ. Huius nostri sunt partes dare operam diligenter , ne quod rescriptum , edictum , decretum , contra ius aut Rempublicam impetretur. quod si præsenferit , transuersa linea circūducere , vel conscindere. cancellare vocāt :

vnde illi Cancellarij nomen est: tametsi Latinum non sit, quemadmodum nec cancellandi: licet huius nominis frequens sit vsus Iurisperitis, ipsiq; Vlpiano, Paulo, & Sceuolæ, vt Cācellarij Flauio Vopisco, & Iustiniano. Paulus Æmilius Iuris præfectum appellat: aliquādo Iurisconsultum (quo nomine Procopius Tribunianum vocat) meminiq; apud Ansegisum Cancellarij nomen pro scriba vsurpari. Apud Venetos Cācellarius secretioribus notis apud Senatum præest: sed non tantæ authoritatis. hic enim vnicus est (vt ita dicam) βασιλέως ὀφθαλμὸς, καὶ οὖς, atq; morum legumq; regimen, & Principis in re iudiciaria, & iis, quæ ad regnum constituendum pertinent, Legatus, auliciq; consilij facilè primus: cui mos est signum illud sanctius apud se habere, quo diplomata cera signat. in qua Principis imago imprimitur. Antiquissimū fuisse hūc magi-

magistratum ex eo apparet, quòd etiam Caroli Magni temporibus, ac nescio an & antè, atque Ludouici, cognomento Crassi, Cancellarius Regiis diplomati-  
bus subscripserit, vt Principis Archigrá-  
mateus. Præterea Archicancellarium  
fuisse apud Burgundionū Regulos Pau-  
lus Æmilius memoriæ prodi dit. Solet  
verò in Cācellariatus interregno (quod  
sæpius nostra tempestate Gulielmo Po-  
ieto ex vinculis causam dicente conti-  
git) à Rege Procancellarius creari: qui  
Cancellarij munia obeat. Custodem si-  
gillorum appellant: quòd illi Rex sigil-  
li, quo publica monumenta signat, atq;  
omnium rerum summam credat. Deni-  
que ad tantum honorem gradatim af-  
cenditur. vidimus enim aliquot, qui,  
cum summa cum laude in aduocato-  
rum subselliis versati essent, ad fisci co-  
gnitionē peruenire (qui primus est ho-  
norū gradus) deinde vel libellis præfici,



vel in primo concessu Curia Parisien-  
sis Præsides creati, postremò ad summã  
rogatorum magistratum dignationem  
conscendere. Nam nemo unquam rerũ  
summam attigit, qui non à prima ætate  
gradibus virtutis ascederit. Fuere por-  
rò Nomophylaces Græcis ( qui legibus  
præerant, & illis parentes laudibus ho-  
noribusque prosequerentur, at mini-  
mè obsequentes pœna mulctarent ) &  
Iustinus author est Trogi auum sub C.  
Cæsare epistolarum, legationum, simul  
& annuli, curam habuisse: quæ apud  
nos, ut quidam volunt, Cancellario in-  
cumbit. nam mos fuit antiquis annulo  
(quem Flavius Vopiscus sigillaritium,  
alij signatorium vocant ) testamenta,  
codicillos, literas, edicta signare: cuius  
rei causa ait Xiphilinus, in Vespasiano,  
Domitianum ipsius Vespasiani annu-  
lum gestare solitum, ut quæ edicto præ-  
ciperet, sigillum Imperatoris præfer-  
rent:

rent: quod ipse *αὐτοκρατορικὸν παράγγελμα* vocat. Itaque Procopius, libro primo belli Gothici, Proclum quendam Imperatoris *πάρειδρον*, siue Quaestorem vocat: quem nullam legē per gratiam scripsisse refert, quēmq; Imperator Zeno refert Principis rescripta solitū dictare. Contigit verò nostris tēpotibus Guilielmum Poietū, Nomophylacem, sordium corruptelaq; reum, parētibus foribus primarij auditorij, frequenti Curia, exauthorari, & magistratu moueri. Quod à me ea causa dictum est, vt intelligant, qui eò peruenerint, eam esse fortunæ vicem, vt quos in cœlum euexit, momento in profundum demergat. Id ipse, Hesiodi more, ad Deum referre soleo. Quamobrem, interrogatus Æsopus quid ageret Deus, sublimes, inquit, destrudit, & humiles extollit.

---

*Magistri Requestarum.*

**S**I quis diligentius considerauerit Praefectorum libellorum auctoritatem, eos reperiet summo apud nos in honore fuisse, atque facilè primum locum post Cancellarium obtinuisse in re iudiciaria. mósque primum fuit porrigendi libellos Regibus, cùm iura reddebant: deinde, cùm variis negociis districti essent (vt ferè propagatis regni finibus curæ augescunt) factum, vt semel mense postulationibus vacarent, cum prudentum consilio, quorum maximum numerum habebant. quod si leuiorès viderentur, eis subscriberent: sin grauiorès, de eis ad Iurisperitos referrent, qui ibi aderant. Demum diuitiæ animos, luxúmque auxere: & eo tempore Rex totam iudiciariam Cancellarij fidei permisit: qui, ex oriente tot causa-

causarum multitudine, aliena opera  
cœpit indigere (vt semper animus ho-  
minum, in diuersa tractus, minimè suū  
officium facit) duoque creati, qui non,  
vt nunc, magistri libellorum diceren-  
tur: quibus à Principis aula abesse non  
liceret, & Cancellarij assessores essent.  
Postea sancitum, à Philippo, vt in Curia  
quinque adessent: nempe tres sacerdo-  
tes, & laici (vt vocant) duo: quibus vna  
Curiae classis constabat. deinde auctus  
vno numerus: quo etiam tempore Ma-  
gistri requestarum dicti sunt. postre-  
mò duo additi: quibus omnibus ius est  
censendi, & sedendi in primo tribu-  
nali Curiae, proximo loco post Præsi-  
des: eisq; officiorum cognitio attribu-  
ta, & earum controuersiarum, quæ ab  
iis intenduntur, qui in comitatu Prin-  
cipis officio funguntur: à quibus ad  
Curiam prouocatio est. Solent à Prin-  
cipe creari (quos nostrates extraordina-

rios vocant) quibus nullum stipendium præstari solet : hiq̃ue plerunq̃ue in demortuorum locum sufficiuntur. Hoc magisterio libellorum, Francisci Regis liberalitate, donatus est Gulielmus Budæus, Galliæ ornamētum: ex cuius verbis, potius quàm meis, malo lectorem intelligere, quannā sint ipsorum partes. Collegium (inquit in epistola quadam ad desiderium Erasmmum) octovirorum est: quorum functio, atq; opera, latissimè in Republica patet. siquidē in præstantissima ferè quaque parte magistratum locum primarium, ac numerum, obtinet hic magistratus: in quem, beneficio Principis, adoptatus sum. primum in magno Principis concilio, in Curia centenaria, atq; in omnibus denique Curiis, quæ causarum ultimam disceptationem habent, sedendi honestissimo loco, & secundum Præsides, ius habet: nisi si Princeps, aut Põrifices adsint.

ad sint. sententiæ etiam dicendæ locum antiquiorem obtinet omnibus Consiliariis. Magnum autem Consilium vocatur Curia aulæ comes: quâ, velut cohortem quandam Iuriscōsultorum, asseclam Regiæ, & Prætorij dicere possis: cuius coryphæus est Cancellarius ὁ νομοφύλαξ. Huius tamen octoviratus præcipuæ & antiquissimæ partes sunt, ut Principi præsto sint collegæ è cubiculo prodeunti, postulationibûsque supplicum vacaturo: cuius officij vices in orbem binis, & sæpe singulis, cedunt cum alicui ordinariam sessionem habeamus in illa æqui, & boni (ut ita dicam) officina, quam Cancellariam nostri vocant: in qua locus dicatus est disceptandis rescriptis principalibus, quæ ex bono ipsa, æquoq;,, postulari solent aduersus iuris summi, exactique, seueritatem: quibus rescriptis accedunt preces eorû supplices, qui in legē Corneliã de Siccariis.



cariis quidpiam admiserūt, aut alias capitalem rem aduersus leges ausi sunt: quibus veniam, Regis verbis, dare solemus, pœnam suppliciter deprecātibus: siquidem venia & misericordia digni esse videantur. Regias autem venias dare possumus & bini, & singuli: si singulos nostrū sedere contigerit. quod quotidianæ est functionis in hac vrbe, & ad aulam in ædibus Cancellarij. Hæ porrò functiones, quamlibet multiplices, honorarias magis, atque voluntarias vices habent, quàm necessarias, atque hominum vendicatrices: nisi si maiores ad causas, argumentosiorisq̃ue instrumenti aduocemur. quod non sæpè euenit. Hæc Gulielmus Budæus. Hoc quoque magistratu functus est, sub seверо, Papinianus, iuris asylum dictus, & Vlpianus huius discipulus, à nonnullis à libellis, ab aliis ad libellos dicti, scriniorum Magistros, vel Principes,

pes, eos multi vocant. Iustinianus Principes sacri laterculi, vel sacrorum scripturorum Magistros.

---

*Parlamentum.*

**E**T si non dubito à plerisque multa scripta esse, quæ ad huiusce Curiae amplissimæ cognitionē pertinere posse putarentur, tamen officij mei semper existimaui, quoad fieri potuit, nihil omittere, quod ad ipsam ornandam spectet: ex qua, veluti ex Pharo, ignem per totam Franciam micare constat. Postea verò quàm Franci ea loca tenuerunt, vbi nunc Francia est, à quibus initiis creuerit, altius est repetendum. Primùm itaque Reges Franci, vt omnium sibi animos conciliarent, ius dicere solebant, & orbos liberos, viduas, tenuiores à potentiorum iniuria liberare: quod

quod sæpè Carolū octauum fecisse legimus. atque Homerus ius dicentes, & fas constituentes Reges vocat, & Adrianus Imperator centum iudicibus, qui præfente se causas audirent, cū secederet, ceterum cellas extruxit: quæ postea in vrbis iustæ formam creuere. Postea Reges à iurisdictione abstinuere: & Pipinus proceres diiudicandis contro- uersis conuenire statuit nullo certo, aut tempore, aut loco. deinde, causarū crescente multitudine, bina Parlamenta haberi cœpta singulis annis. Postremò à Rege Philippo Pulchro, vel, vt Gaguinus scribit, Huttino huius filio, Curia, quæ vaga fuerat, Lutetiæ Parisiorū domicilio locum accepit, quam Regiam Clodoueus sibi elegerat. tum quoque Basilica extracta ab Engerrano Margino, summo fisci Præfecto, & Longæuillæ Comite, in insula fluminis Sequanæ: vbi iudicum illæ classes coguntur:

ac Parlamentum illud supremorum Iudicum collegium dictum: cui nomen à verbo Francico *parler*, vt huic à παραλαλῆν deriuatio est. neque desunt, qui incertiores huius verbi etymologias adferant: quas lubens omitto. Nihilominus tamen G. Budæus primæ illi decuriæ Parlamenti nomen inditum scribit. Basilicæ verbo de industria vsus sum, M. Vitruuium sequutus: qui Basilicam ita ædificari debere ait, vt in eius superiori parte iudicia, in inferiore negocia exercerentur. Latine forum dixeris. Palatium nostri appellant: quod primum habitationi Principis dicatum esset. atque anno M. C C C II. (in annorum tamen numero variatio est) Parlamentum Lutetiæ, & Tholosæ institutum, vt quidam existimant. Nam eam fuisse fori extruendi causam Suetonius scribit, hominum, & iudiciorum multitudine: quæ, non sufficiente vno, secundo

do egere videbatur. Itaq; Curiaē suprema tanta est apud Francos authoritas, ut Senatus Romani speciem habeat, Regesque, bellum suscepturi, authorem fieri Curiam velint, & in eius acta referri omnia ad Rempublicam pertinentia: apud quam edicta recitantur: quorum nulla ratio prius habetur, quam in supremo illo concessu promulgata sint. Nouissimè verò Cæsar, Quintus, Imperator, conditionum pacis, cum Rege initæ, authorem fieri Curiam voluit: ne essent postea antiquabiles fœderis leges. Sic Romæ leges, in æs incisæ, propositæ & perlatae dicebantur: neq; eas tolli fas erat: stâteq; Republica quicquid ab Imperatoribus, id est exercituum ductoribus, statuebatur, Senatusconsulto confirmari oportebat. Dion quoque author est Traianum in Senatu ratam firmamque habuisse pacem cum Decebaloinitam. Atque in Curia

summa



Summa in verba Principis adiguntur Magister Equitū, maris Præfectus, Tribuni militum, prouinciolarum Præfecti, & Iuridici, codicillique magistratus recitantur assensu cognitoris Regij: quinetiā ipsa nullis legum formulis adstricta est, inquirendisque criminibus, & iudicandis, præest, vt Areopagus Athenis, & Senatus Romanus post oppressam à Iulio Cæsare Rempublicam: eique standum, quod ab ipsa definitum fuerit: cuius sententiæ Aresta dicuntur: à quibus ad Principem, moribus nostris non prouocatur: sed, Regio edicto, licet, erroris specie, arestum in disquisitionem reuocare. Primisque temporibus vnicum fuit supremum tribunal, ex variis hominum generibus coactum duodecim Franciæ primoribus, regni proceribus, Antistitibus, iurisperitis, ipsi tamen Antistites Curia pulsi, vt sacris vacarent, præter Diuorum Diony-



lij & Germani Abbates, alij tamen, loco antistitis Germani, Episcopum Parisiensem collocant. Crescente porrò causarum multitudine collegium illud in varias classes, vel decurias diuisum est: sicque eas, Suetonio auctore in Augusto cap. 32. & in Galba cap. 14. appellare potes. In prima classe, constitutione primùm Philippi, & multis annis postea Caroli Septimi, quindecim laici (vt vocant) & totidem sacerdotes fuere, non numeratis quatuor Præsidibus, veluti prohedris, & moderatoribus: quibus, in rogandis sententiis, à Consiliariis assurgere consuevit, atque ab omnibus, cùm Curiam ingrediuntur præeuntibus apparitoribus, aut ea egrediuntur: quemadmodum mos erat Romæ vt, introeunte Consule, lictor admoneret populum vt animaduerneret, cederetque aduертanti Consuli. Suetonius, in Iulio C. LXXX. Quinto Maxi-

mo suffecto, trimestrique Consule introeunte, cum licet animaduerti ex more iussisset, ab vniuersis conclamatū est non esse Consulem eum, post remotos Cæsetium & Marullum, Tribunos. Isq; honor, apud nos, non, nisi iā longo vsu forensi exercitatis, mandari solet gratuita Principis munificentia. Romę fuit Senatus Princeps: qui, non vt hic, sententiā rogaret Senatores, sed à Censore primus sententiā regaretur, & ad quem literę publicę ad Senatum missę perferrentur: qualis Valerianus Maximino imperante. Secunda inquisitionū decuria sacerdotibus quatuor & viginti, & sexdecim, vulgò laicis vocatis, cōstat: quę in tertiam subdiuisa est à Carolo septimo quarū cuique additi Præsides duo. Quarta à Francisco Rege conscripta (nouam appellāt) atque quinta quā Domaniij classem dixerē: quòd ad eam prouocatione causę canonarię deuol-

uantur. Sexta est libellorum Magistro-  
rum : quæ, ante ampliatum numerum,  
tertiam sedem sibi vendicabat : de qua  
iam à me pluribus. Septima Recupera-  
torum palatinorum : qui causas iudicâr  
ministorum Regionum, Consiliario-  
rum, aduocatorum, cognitorum, sode-  
litiorum aliquot, Pontificum, Curia-  
que apparitorum, à qua, atque à sexta,  
ad primas illas summæ iurisdictionis  
classes prouocatur. Fuit verò tempus,  
quo Curia centenarium numerum nō  
expleret additis duodecim Frâciæ pri-  
mis, & octo libellorum præfectis : at  
Franciscus Rex numerum auxit adscri-  
ptis hisce maiorum gentium Consi-  
liariis, primò viginti, deinde duobus &  
triginta, & in eas, vt diximus, decurias  
diuisis. Francisco vita functo HENRI-  
CVS illam Consiliariorum turbam ad  
numerum pristinum redege : atque,  
vt viam præcluderet per gratiam &  
præ-

præmia tantam dignitatem ambientibus, non, nisi probatos & doctrina, & moribus, quique trigessimum annum attigissent, in Curiam cooptari studio sècauit, non sine antiquorum exemplo. Nam fuit lex annalis, vel annaria, Romæ: quæ præscribebat Romanis quænam esset ætas legitima ad petendum magistratum: atque Augustus iudices à trigésimo ætatis anno allegit: idémque affluentem Senatorum numerum (quos abortiuos vulgus vocabat) ad modum pristinum, & splendorem, reuocauit: & Alexander Seuerus eorum nomina, quibus magistratus mādabat, solebat in albo proponere, ut ipsorum virtutes, & vitia innotescerent, & quo quisque honore dignus esset, populi iudicio exploraret. Demum solenne est XIX. Calend. Septemb. iustitiū indicere, Principis diplomate: quod pridie Idus Nouembriis remitti solet:

quo die causarum patroni, & cognitores, in verba Curiae adiguntur. ne quod verò tempus periret à iurisdictione, atque ad prouocationū illam colluuiē exhaustiendam, quæ ad Curias deuoluuntur, sancitum vt partim supremæ Curiae Præsides aliquot, adhibitis tredecim Consiliariis, octo vocatis laicis, & quinque sacerdotibus, controuersis civilibus, & maximè capitalibus diiudicandis præessent: partim conuentus iuridici agerentur in vrbe Regio rescripto designata. Magnos dies appellant: constantque supremarum Curiarum Consiliariis, à quibus prouocatio non est: hique causas, Principis edicto ad certam summā definitas, iudicant, & Præfecturarum Regio diplomata comprehensarū. Denique omnibus Consiliariis sententiā dicendi ius est (opinare vocant ab opinionum disquisitione) cū à Præside sententias rogantur.

quòd

quòd si vtrunque calculi æquales sint, duo ad alias classes dimittuntur, qui suã cuiusque sententiam tueantur: sin minor ab vna parte est numerus censentium, numerantur sententiæ ( vt est in prouerbio ) & non ponderantur, maiorque pars interdum meliorem vincit. Quanuis, Philippi Pulchri constitutione, liberum fuerit Præsidibus, aut ex maioris partis sententia, aut ex censentium & causæ grauitate, rem decernere. Cùmque olim agebatur de aliquo in demortui locum cooptando, collegarum reliquorum suffragiis, præsentè Cancellario, Principi laudabatur, qui in alterius locum substitueretur, & plerunque inuiti ad tantum munus vocabantur: verum nouissimis temporibus factum est vt diuitiarum, non hominum, sit hic magistratus. Huic porro magistratum ordini, veteri Francorum lege, negotiatione est interdictum:



vetitumque ne ea enuntient, quæ communi consensu inter se sanxerint. sicque Romæ lege Clodia, scribis Quæstorum prohibita erat negotiatio: & Arcopagitis nefas erat effutire consilij acta: atque illis prohibitum quicquam à litigantibus accipere, aut Curia abnotare. Sic summo Heduorum magistratui, qui Vergobretus dicebatur, non licebat eorum finibus excedere: atque Augustus cauit ne Senatores sine comitu ex Italia proficiscerentur, præterquam in Siciliam & Prouinciâ. Sunt verò causarum genera, quæ primo iudicio apud supremas Curias agitentur, nempe Regaliorum, & duodecim Franciæ Primorum: atque à Iuridici ad eas prouocatio est, pœnamque temerariæ prouocationis sanctiones Regiæ iubent esse sexaginta librarum Parisiensium (ita vulgò appellant) solentque Curia aduersus prouocantem, perperam prouocantem, mul-

multā irrogare : vndè suus illi est multarum coactor : exactorē appellat Vlpianus. Sic Nero statuit appellationes à Iudicibus ad Senatum fieri. Tacitus auxit Patrum honorem , statuendo vt qui à priuatis iudicibus ad Senatū pro-uocassent, eiusdem pecuniæ periculum facerent, cuius hi, qui Imperatores appellauere. Nam antea vacuum id, solutūque pœna fuerat. At, quoniam iam à me dictum est criminum cognitionē ad Curias hasce pertinere, non abs re fuerit scribere diuisam esse à reliquis classibus decuriā, quæ rei capitali præest ( Tornellam appellant, id est turriculam ) in qua sedent alternis vicibus solo trimestri, cum Præsīde vno aut altero , exceptis sacerdotibus Caroli septimi edicto : quibus Pontificij Canones criminum cognitione interdicunt. Porro quatuor sunt Amanuenses Curiarum Scribæ tres ( graphiarios vocāt ) præ-

ter immensum illum gregem, qui Curia est ab actis, & apparitorum, siue viatorum, cateruâ. Itaque cum Curia Parisiensis, tam longè propagatis finibus imperij, ausis diiudicandis non sufficeret, addita Parlamenta alia, iisque suis cuique limes datus. Ea sunt Tolosanum, Gratianopolitanum, Aquisgranense, Burdegalense, Diuionense, Rothomagense: & quod ab vnoquoque definitum fuerit, eandem habet authoritatem, quam Pythagoras apud suos. Omnium latissimos fines habet Parisiense, æqualis tamen cum aliis dignitatis. Curiam Tolosanam institutam voluit à Philippo Pulchro anno M. CCCXX. & postea à Carolo septimo renouatam. Quod ad Gratianopolitanam attinet, Vmbertum, Delphinatum Principem, constat concilium Iurisperitorum habuisse, qui populis iura redderent. deinde collegio illi Iurisconsultorum ( vt ferè variant

variant hominum consilia) Parlamenti  
nomen inditum. Diuionensem instituit  
Philippus Burgundiæ Dux, cui à mo-  
rum integritate Boni cognomen fuit.  
Normani, vt haberent qui domi ius  
redderet à morte Rolonis eorum Du-  
cis, conuentum iuridicum Rothoma-  
gi instituere: quæ Normanix metro-  
polis est. scacarium pro statatio voca-  
bant: quem per veris & autumnii tem-  
pus cogi oportebat: cui similis nostris  
tēporibus Alenconij fuit, viuentē Mar-  
garita, Francisci Regis, sorore. Ve-  
rū, Georgij Ambasiani, Archiepisco-  
pi Rothomagensis, apud Ludouicum  
duodecimum auctoritate & gratia,  
conuentus ille, indictorius, perpetuus  
esse cœpit: nihîlque ab eo Rege præter-  
missum, quod ab Burdegalensis Parla-  
menti ornamentum, & dignitatem  
pertineret: cuius ipse conditor fuit.  
non desunt tamen, qui huius Carolum  
septi-

septimum authorem scribant. Aquensem idem instituit, cum prius à Comitibus Prouinciæ consilij nomen nacta esset.

---

*Procurator generalis Regis, & duo.  
Aduocati Regij.*

CONSTAT hoc Triumvirorum collegium Aduocatis duobus, & Cognitore vno: quo subscribente criminum persecutio & animaduersio fit: constitutiones, edicta, & diplomata promulgantur, & in Curia acta referuntur: adhuc, vt Tribuni Romani, intercessionē, & vt Augures, obnūciationē habet, & in vnaquaq; Præfectura Procognitorē. Substitutum vocant. Hanc verò aduocationem Regiam, gentes Regias vulgò appellāt. Nam mos est apud nos gentis appellatione multitudinem, vel colle-

collegium significare, ut gentes iustitiæ, gentes ecclesiæ, gentes libellorum palatinorum, cum recuperatores illi palatini nominantur, & gentes tenentes Curiam Parlamenti: quod sæpius edicta Principum continent.

---

*Magnum consilium.*

**I**N hoc vnū incubuerunt Franci Reges ut quos bonis moribus, virtutibus plurimis, doctrina præditos & ornatos viderent, illis honores dignitatesq; conferrent: illis legationes obeundas traderent: illorum prudentiæ rerū summam committerent: denique in illis collocatam vellent omnem totius regni maiestatem: tametsi nobiles Franci ita perpetuò à literis abhorruerint, ut illis literarum studium sordidum videretur: quorum liberi, cum eius ætatis essent



essent ut laborem equestrem ferre possent, familiis Principum, & procerum addicebantur: ubi aliquot annos, quoad pubescerent, equitandi, & venandi studiis dediti, cum ex ephebis excessissent, militiae totos se dabant. At nunc Dei primum, deinde Francisci Regis benignitate in literatos, literarumque studiosos, quod antè vitio vertebatur, nunc laudi tribuitur. Itaque, post Curias institutas, Reges Franci consiliū hoc aulicum ambulatorium, atque aulae affectum coegerunt: quod Magnum ab authoritate vocarunt: cuius caput est Cancellarius: quod initio monstruum fuit, ad idque referre solebat Rex de rerū summa. Verū, cum Carolus octavus cognosceret Cancellario tantū otij non esse ut implicare se posset pluribus negotiis, edicto statuit ut, cum Cancellario & libellorum Magistris, septem & decem Consiliarij crearentur laici

(ut ap.

(ut appellant) & sacerdotes. postremò Ludouicus duodecimus Antistitē vnū adscripsit, & Consiliarios duos, & Secretarios totidem: quorum vnus actuarij vice fungeretur. His authoritas ea summa data, quæ supremis Curijs quos semestri tantum, alternis vicibus consilio adesse oportet, sicque Augustus. consilia semestria instituit (Xiphilinus. *συμβέλευσις ἐξάμηνων* vocat) cum quibus ipse de rebus ad Senatum referendis antè tractabat. Discessuris verò domum stipendia à Rege præstantur multò maiora, quàm Curiarum Consiliariis, quæ supremam causarum disceptationem habent: quibus non licet consilium hoc aulicum ingredi, nec hisce vicissim Curias. In summa à Prætoriano iudice ad Curiam hanc prouocatio est in causis ciuilibus: ad quam, Principis diplomate & legibus, causæ multæ mandari solent, & maximè

quoties inter duo suprema tribunalia de suæ iurisdictionis finibus est controuersia, vel aliquis aduersarij apud eas gratiam reformidat: atque, Francisci edicto, Præfecturarum ecclesiasticarum iura controuersa huic iudicium decuriæ attributa, suus quoque Præses datus Vido Bræleus, vir variæ & lectionis, & doctrinæ. Adhæc Cognitor & Aduocatus regius. Cogitur verò consilium hoc hora septima, & à prandio tertia: at decima, & quinta remitti solet.

---

*Balini & Seneschali.*

**Q**Vando iam eò ventum est ut nobis de iuridicis dicendum sit, commodum facturum videor, si prius ostendero quo iure utantur Franci, deinde de iurisdictionum varietate paucis disseruero. Utuntur verò iure partim

moribus constituto vel introducto, vt  
Iulianus Iurisconsultus appellat, partim  
legitimo (scriptū vocant) hinc illa pro-  
uinciolarum diuisio in iuridiciales, &  
eas, quę iure in mores recepto vtuntur:  
hoc est iure ciuili Romano, vel consue-  
tudinario, administrantur. Apud eos  
quoque iudicum quatuor sunt decu-  
ria. Vna est infimorum. Maiores appel-  
lant, à verbo Germanico Meier (quod  
Præfectum significare ex Beati Rhena-  
ni sententia diximus) Latinitatis stu-  
diosi Demagogos, vel populi Magi-  
stros, vt olim Dictator Romę diceba-  
tur. Altera est habentium metum im-  
perium: vt sunt iudices Castellani. his  
enim verbis nobis vtendum fuit. Ter-  
tia est ad supremas Curias conuenien-  
tium: de quibus hoc loco. Quarta su-  
premorum tribunalium. Sed, vt ad rem  
veniamus, mihi semper dubiū fuit Ba-  
liuine & Seneschali inter paludatos an

inter togatos sint numerandi: quòd discrimine apud Francos hoc magistratu funguntur viri militares & togati: de quibus, vt de plerisque nostris rebus, in tanta præsertim scriptorum inopia, nihil certi adferri posse puto: licet non desint, qui scribant eorum primas partes fuisse vt euocatos ad bella duceret, eo maximè tempore, quo nondum stipendia persoluerentur militibus: cuius rei apud nos vestigia supersunt: cùm scilicet regio edicto euocatio fit. Ad etymologiam quod attinet, quidam dicunt Sen, vetus verbum, iustitiam significare, & Scalcum Præfectum, atque dici quasi iustitiæ præfectos. sed diuinare est. Hi porrò, Philippi Pulchri constitutione, aliquid per vicarios agere prohibebantur (nisi morbo aut iusta occasione impediti) vel aliquod munus accipere, quod vel ad edulium vsum pertineret, contra Vlpiani sententiam ex.

An

Antonij epistola: dicebátque Pescennius Niger iudicem nec dare debere; nec accipere. Itaque Carolus septimus, post Anglos Francia Pulsos, edicto sanxit, cum ageretur de Iuridico in locum demortui eligendo, suffragiis Patroni; & Cognitoris Regij, & Iurisperitorum, prius tamen iuratorum Principi, ederetur vir frugi, cui magistratus committeretur: quem extra suæ præfecturæ terminos habitare leges non sinebant. Olim verò moris erat Iuridicis Subiuridicos sibi eligere: sed, ut variant humana & breui momento rectè stabilita ruunt, ipsis postea Regis libito Supræfecti dati: qui disquisitis sententiis eligebantur, eosque docturæ, vel subdocturæ, insignibus ornatos oportebat: hi'que, ut Iuridicis, annui loco statum & præscriptum fuit stipendium ex Principis fisco, ut absque vlla sordidulabe ius dicerent, præter iudicandi:



sportulariam mercedem (vocat *δυνα-  
στην* alij) sicque Seuerus suis assessori-  
bus salaria constituit. quinetiam, Fran-  
corum legibus, illis minimè licet mer-  
caturam exercere: quòd omnis nego-  
tiatio, etiamsi copiosa, illis sordida vi-  
deatur: vt apud Thespienses turpe cen-  
sebatur artem didicisse, vel aruo colen-  
do operam dedisse. At, quoniam iudicẽ  
oportet amoris pariter, ac odij, gratiæ  
& iniuriæ obliuisci (ea enim solent a-  
ciem oculorum præstringere iudicibus,  
& maxime apud suos egentibus) Phi-  
lippi Pulchri & Caroli quinti constitu-  
tionibus prohibitũ est quem suæ patrię  
Iuridicum fieri, Cleonis exemplo: qui,  
magistratum inurus, amicis vocatis  
relleræ amicitie renunciauit: quod nul-  
lum probum iudicem diceret, qui ami-  
corum aliquam rationem habendam  
putaret. Contrà Themistocles, Magi-  
stratum suscepturus, amicos hortatus  
est,

est, eius opera vterentur: siquidem venisse tempus dicebat, quo se amicum profiteretur. Et certè causa est vt pessimo publico honoratos, potius quàm doctos, liberos nostros velimus, & ad ius ciuile discendum illotis manibus rapiamus: ex cuius studio breui speramus vt ad maximas facultates gloriàmque perueniant. Quarundam verò causarum propria & peculiaris cognitio Iuridicis est: nempe canonis Regij locandi, euocationis, clientes Regios in fidem admittendi nobilium lites diiudicandi, illisque tutores, & curatores dandi: ad eosque pertinent lites edium sacratum, Regis liberalitate & magnificentia dotaturum, vt factæ & cæ conseruentur: tum si de cuiusvis rescripti Regij viribus agatur. Ad hæc quædam crimina suo iure sibi vendicant: quæ priuilegiaria vulgò appellant: veluti si publica fides violetur, de vi armata

discepretur, aliquot lesæ maiestatis crimen admissura sit: ab hisque ad suprema tribunalia prouocatur: apud quæ ipsi in verba legitima Principis sacramento adiguntur: neque antè, moribus nostris, stipendia persoluuntur magistratus ineuntibus. Sic scribit Asconius iudices solitos Romæ in leges iurare, ut obstricti religione melius iudicarent: iurabântque se citra discrimen ius unicuique reddituros. Est apud Cæsarem Vergobreti Heduenensis mentio: qui erat apud eos summus magistratus. hodie Vierg Hedueneses nuncupant: vnde Vigerios appellatos quidam putant, literarum mutatione, incerto fortè iudicio: alij Vigerios, quasi vicarios Principis, dictos putant: quæadmodum Vicereges, pro vices regias gerentibus. Itaque hosce Iuridicos Proconsules, aut Præsides, dici non posse cum G. Budæo contenderim: ta-

met-

met si eos iudices præsidiales vulgò appellant. Nam, ut ait Macer Iurisconsultus, appellatione Præsidis & Proconsules & Legati Cæsaris continentur. Prætores quidam appellant improprie: quòd apud nostros non sit publici & privati iuris potestas, ut apud Romanos. G. Budæus Iuridicos, & Præfectos vocat, eorùmque Iurisdictiones Præfecturas: quæ dicuntur, teste Festo, in quibus ius dicitur, & nundinæ agantur. Diœceta quoque dici possunt, & diœceses Præfecturæ: quod verbum ecclesia Romana usurpauit.

---

*Thesaurarius chartarum.*

**C**Hartophilax, vel sanctiorum scri-  
niorum Præfectus, curam habet  
monumentorum ad Regnum perti-  
nentium: quæ ad sacellum illud Palati-  
num Lutetiæ seruantur. Eo munere  
auum, patrem, fratrem, sanctos ait G.  
Budæus, alter seculi nostri Varo. at ipse  
bibliothecæ Regiæ præfuit, quam Ble-  
sis confecerunt Principes, missis homi-  
nibus, qui ex Italia, Græcia, atque pro-  
pè vniuerso orbe, magnis sumptibus li-  
bros conquirerent, & adhibita summa  
diligentia exscribendos curarent.

F I N I S.

IN.

INDEX CAPITVM.

**D**ivisio honorum. quid Dignitas proprie,  
Potestas, Magistratus. Etymon no-  
minis. folio 1

*De varia diuisione Magistratum.* 3

*De his, qui apti ad quosque magistratum: & series temporum, qua paulatim plebei ad omnes magistratus admissi.* 5

*De aptitudine ab annis: & quando annalis lex lata.* 7

*Magis distinte de ea lege: & qui anni cuique magistratui legitimi.* 10

*Annalem legem etiam in prouinciis aliquam fuisse: item Roma in Senatu & Equite: & alie quedam LL. qua huc referuntur.* 18

*De consulibus nomina eorum, Institutio, Potestas, & Munia.* 20

*De insignibus Consulium.* 28

*Ritus aliquot Consulares.* 34

*De pratoribus. Nomen eorum, institutio,*



<i>numerus, insignia.</i>	44
<i>Prator Aetruiae xv. populorum.</i>	45
<i>De officiis Pratorum.</i>	49
<i>De adilibus. eorum nomen, institutio, &amp; genera.</i>	51
<i>De officiis Aedilium.</i>	55
<i>De tribunorum Nomine, origine, &amp; ex quo ordine creati.</i>	60
<i>De officio et potestate Tribunorum.</i>	64
<i>De quaestoribus, Unde dicti: quando, &amp; quā multi facti: denique ius eorum ac munus.</i>	68
<i>De Dictatore. Vnde illi nomen: origo &amp; causa eligendi: item modus: denique vis eius &amp; potestas.</i>	72
<i>Census quando institutus: Itemque censores, cur ita dicti: tempus eius magistratus: insignia, dignitas, &amp; munus.</i>	80
<i>De interrege.</i>	86
<i>De vetere scriptura.</i>	87

# INDEX VINCENTII

## LVPANI DE MAGI-

### stratibus Francorum.

<b>R</b> <i>Egia maiestas.</i>	100
<i>Delphinus.</i>	103
<i>Regens Francia.</i>	108
<i>Maior domus, &amp; Conestabilis.</i>	112
<i>Pares Francia.</i>	120
<i>Mareschalli.</i>	126
<i>Admirallus.</i>	136
<i>Equites ordinis.</i>	141
<i>Locumtenentes Regij.</i>	147
<i>Gubernatores Regionum.</i>	151
<i>Magnus Magister Artiliarie, &amp; Arcubali-</i> <i>stariorum.</i>	154
<i>Heraldi.</i>	162
<i>Familia Regis.</i>	163
<i>Magnus Chambellanus, &amp; Nobiles Camera.</i>	164
<i>Magnus Magister.</i>	166
<i>Magnus</i>	

# INDEX.

<i>Magnus Scutarius.</i>	167
<i>Magnus Venator, &amp; Falconarius.</i>	169
<i>Magistri Hospitij.</i>	171
<i>Magnus Panetarius, &amp; Nobiles seruientes, scilicet Panetarij, Scutarij mēsari, Escan- soni.</i>	172
<i>Secretarij.</i>	176
<i>Rex Ribaldorum, &amp; Prauostus Hospitij.</i>	178
<i>Centum Nobiles.</i>	181
<i>Capitaneus Porta.</i>	183
<i>Guardia.</i>	185
<i>Marescali hospitiorum, &amp; forieri.</i>	188

---

## VINCENTII LVPANI

### LIBER II.

<i>Tres status.</i>	190
<i>Serictum, siue priuatum consilium.</i>	193
<i>Cancellarius.</i>	195
<i>Magistri Requestarum.</i>	200
<i>Parlamentum.</i>	205
<i>Pro-</i>	

# INDEX

<i>Procurator generalis Regis, &amp; duo Aduocati Regij.</i>	220
<i>Magnum consilium.</i>	221
<i>Balini &amp; Seneschali.</i>	224
<i>Theſaurarius chartarum.</i>	232

FINIS.




101 1675537











BIBLIO  
Vittor

L